

蘭亭考
自一至十三卷
并續二卷

合完



于參
399





門子 6
號 399
卷

蘭亭序

弘前監官澀
江氏藏書記

香齋

晚挈書結廬山陰茂林脩竹間訪向王謝遺躅
但見壑巖深秀雲物興蔚而已得汪龍谿所藏
脩禊大圖表之屋壁中山石中字又在棊硯間
若與諸人接一日澤卿攜此編見越故事也夫
羲之召為侍中尚書不拜擢後將軍又不拜至
於兒娶女嫁便有尚子平之意縷縷書辭間其
識度字量似非江左諸賢可及天若佑晉使昌

於事業當不在司徒叔太傅公下今論者知有
此帖而已然知此帖者亦足以大雅風流自任
況知之者無如澤卿乎詩曰雖無老成人尚有
典刑於茲有之既請序名曰蘭亭考

嘉定元年十二月望日華文閣學士通議大夫
提舉江州太平興國宮高文虎

宋臨川王義慶采擷漢晉以來佳事佳語為世
說新語極為精絕而尤未為奇也梁劉孝标注
此書引援詳確有不言之妙如漢魏吳諸史及
子傳牒志之書皆不必言只如晉一朝史及晉
諸公列傳譜錄辭章皆出於正史之外是曰注
書之法禊之為帖風流太甚自晉以來韞乎下
語桑君盡交名公巨卿以及海內之士以充其
見聞者固不一然與予游從三十年見必及此

其有贊於帖考者尤為不一今茲浙東臺使齊
公屬加彙正遂略用史法翦裁之為此書者無
非風流大雅之事又無非博古好事之人若齊
公獨拳拳於此者是為風流大雅博古好事之
極矣

嘉定十七年秋九月 日朝議大夫新除祕書
省著作郎兼權侍右郎官高似孫謹書

蘭亭考目錄

第一卷

蘭亭

第二卷

睿賞

第三卷

紀原

第四卷

永字八法

第五卷

臨摹

第六卷

審定上

第七卷

審定下

第八卷

推評

第九卷

法習

第十卷

詠贊

第十一卷

傳刻

第十二卷

釋禊

末卷

羣公帖跋

蘭亭考目錄

蘭亭考卷一

善竹青氈堂摹定本

桑世昌集

蘭亭

按通典曰蘭亭山陰漢舊縣亭王羲之曲水序
於此作唐郡國志曰山陰有王逸少蘭亭元和
郡國志曰蘭亭山在越州西南二十里十道志
曰越州蘭亭王逸少會處越絕書蘭亭在山陰
越王種蘭處

三朝國史曰越州山陰有蘭渚鑑湖會稽志曰
蘭渚在縣南西二十五里舊注云山陰縣西有
亭王右軍在道曲水賦詩作序於此水注曰浙
江東與蘭鑑合湖南有天柱山湖口有亭號蘭
亭亦曰蘭上里太守王羲之謝石兄弟數往造
焉吳郡太守謝勗封蘭亭侯王廙之移亭在水
中晉司馬何無忌之臨郡也起亭於山椒極高
盡眺亭宇雖壞皇陞尚存

蘭亭脩禊序

晉人謂之臨可序唐人補蘭亭詩
序或言蘭亭記歐公云脩禊序蔡
君謨云曲水序東坡云蘭亭文
谷云禊飲序通古今雅俗所稱俱
云蘭亭至
高宗皇帝所御
辰翰題
日禊帖

永和九年歲在癸丑暮春之初會於會稽山陰
之蘭亭脩禊事也羣賢畢至少長咸集此地有
崇山峻嶺茂林脩竹又有清流激湍映帶左右

引以為流觴曲水列坐其次雖無絲竹管弦之
盛一觴一詠亦足以暢敘幽情是日也天朗氣
清惠風和暢仰觀宇宙之大俯察品類之盛所
以遊目騁懷足以極視聽之娛信可樂也夫人
之相與俯仰一世或取諸懷抱悟言一室之內
或因寄所託放浪形骸之外雖趣舍萬殊靜躁
不同當其欣於所遇暫得於己快然自足不知
老之將至及其所之既倦情隨事遷感慨係之

矣向之所欣俛仰之間以為陳迹猶不能不以
之興懷況脩短隨化終期於盡古人云死生亦
大矣豈不痛哉每覽昔人興感之由若合一契
未嘗不臨文嗟悼不能喻之於懷固知一死生
為虛誕齊彭殤為妄作後之視今亦由今之視
昔悲夫故列敘時人錄其所述雖世殊事異所
以興懷其致一也後之覽者亦將有感於斯文

詩

右將軍會稽內史王羲之

代謝鱗次忽焉以周欣此暮春和氣載示詠彼
舞雩異世同流乃携齊契敬懷一丘

仰眺碧天際俯瞰綠水濱寥朗無涯觀高日理
自陳大美造化功高殊靡不均羣羣籟雖參差適

我無非親

御府本及陸東之本作隣
又作新篇有又多夕

司徒謝安

一云辰
柳王友

伊昔先子有懷春遊契茲言執哥傲林丘
森森

連嶺茫茫原疇迴霄壑雲霧凝泉散流

相與欣嘉節率爾同裛裛焉雲蘿物景微風扇

輕航醇醪陶元府兀若游義唐嵩殊混一象安

復覽彭殤

司徒左西屬謝萬

群眺崇阿高日高林青蘿翳岫脩竹冠岑谷流

清響條鼓鳴音元芳吐潤飛霧成陰

元冥卷陰旆勾芒舒陽旌靈液披九區光風扇

鮮榮碧林輝雜英江葩擢新莖翔會撫汗遠騰
鱗躍清冷

左司馬孫綽

春詠登臺亦有臨流懷彼伐木爾北良倚脩竹
陰沼旋瀨榮丘穿池激湍連汎觴舟
流風拂狂渚停雲蔭九臯嬰羽吟脩竹游鱗戲
瀾濤攜葦落雲藻微言剖鐵毫時珍豈不甘忘
味在聞韶

行參軍徐豐之

俯揮素波仰振芳蘭尚想嘉客希風永歎
清響擬絲竹班荆對綺疏零觴飛曲津歡然朱
顏舒

前餘姚令孫統

茫茫大造萬化齊軌罔悟元同競異標旨平勃
運謀黃筍隱几凡我仰希期山期水
地主觀山水仰尋幽人蹤迴沼激中遠跡竹間

脩桐因流轉輕觴冷風飄落松時會吟長澗萬
籟吹連峯

王徽之

莊浪濠津棠步穎眉冥心真寄十載同歸

烟温柔風扇熙怡和氣浮篤言興時游道逢映

通津

王宿之

音嘏日味存林領今我所游神怡心靜

嘉會欣時游豁爾暢心神吟詠曲水瀨淶波轉

素鱗

王彬之

丹崖竦立葩藻映林淶水揚波載浮載沈

鮮葩映林薄游鱗戲清渠臨川欣投釣得意豈

在魚

王徽之

散懷山水蕭然忘羈紲秀薄祭穎疎松蘿涯游羽

扇霄鱗躍清池
疇日寄歎心冥二奇
先師有冥藏安用羈
世羅玉若保泮真齋契冀
山河

陳郡袁矯之

人亦有言意得則懽
嘉賓既臻相與游盤
微音迭詠馥焉若蘭
荀齊一致遐想揭竿
四眺華林茂俯仰清
川煥一作激泉流芳醪
酌肅累心敬遐想逸
民軌遺音良可翫
古人詠舞

秀今也同斯歎

已上十一人各成四言五言詩一首

飲騎常侍却雲

溼風起東谷和氣振
柔條端坐興遠想薄
言游近郊

前參軍王豐之

肆眚巖岫臨泉濯趾
感興魚鳥安茲幽時

前上虞令華茂

林榮其樹影浪激其隈汎汎輕觴載興載懷

穎川庾亮

馳心域表寥寥遠邁理感則一冥然元會

鎮軍司馬庾亮

神敬宇宙內形浪濤梁津寄暢須臾歡尚想味
古人

郡功曹魏滂

二春陶和氣萬物齊一歡明台欣時康篤言映

清澗疊疊德音暢蕭蕭遺世難望巖愧脫旋臨
川謝揚等

郡五官佐謝惇

一作

蹤暢任所適回波紫游鱗千載同一朝沫浴陶
清塵

穎川庾亮

仰懷虛舟說俯歎世上實朝榮雖云樂夕斃理
自因

前中軍參軍孫嗣

望巖懷逸許臨流想奇莊誰云元風絕千載挹
遺芳

行參軍曹茂之

時未誰不懷寄敬山林間尚想方外賓超超有
餘閒

徐州西亭曹華

是錄云曹華字

賢與達人游解告遨濠梁狂吟任所適浪游無

何鄉

崇揚桓偉

主人雖無懷應物寄有尚宣危遨沂津蕭然心
神王數子各言志曾生發奇唱今我歎斯游愜
情亦暫暢

王元之

松竹挺巖崖幽澗激清流蕭散肆情志酣暢豁
滯憂

王湛之

敬豁情志暢塵嬰忽以捐仰詠抱遺芳怡神味
重元

王湛之

去來悠悠子被褐良足欽超迹脩一作趨獨往
元契齊古今

乙上一十五人一篇成

一 侍郎謝琨

鎮國大將軍掾下迪

一 行參軍事印丘髦 王猷之

行將軍羊模

參軍孔熾

參軍劉密

山陰令虞谷

府功曹勞夷

府主簿后錦一作澤

前長岑令華者

前餘姚令謝滕

府主簿任儼一作儼

任城呂系

任城呂本

彭城曹禮一作禮

充元章解
則無之

已上一十六人詩不成罰酒三巨觥俗

之舊人各賦詩成兩篇者自左軍安石而下纔十人成一篇者却晏王豐而下十人詩不成罰觥者凡十六人今觀所傳詩類皆四言五言而

又兩韻者爾四韻者無幾四言二韻止十六字爾當時得預者往往皆知

名士豈敢之輩終日不能辭於十六字哉切意古人持重自惜不欲率爾

恐貽之遠譏議不賦

之為愈若黃徹詩話

後序

古人以水喻性有旨哉非所以停之則清清之

別濁耶故振轡於朝市則充屈之心生間步於
 林野則寥落之意興仰瞻義唐邈然遠矣近詠
 臺閣顧深增懷聊於曖昧之中期乎筌拂之道
 暮春之始禊於南澗之濱高嶺千尋長湖萬頃
 乃藉芳艸鑑清流覽奇物觀魚鳥具類同榮資
 生成暢於是和以醇醪齊以達觀快然兀笑復
 覽鵬鷗二物哉耀靈從轡急景西邁樂與時去
 悲亦系之往復推移新故相換今日之迹明日

陳矣感詩人之致興詠詠歌之有由文多不載
大畧如此所賦詩亦裁而綴之如前四言五言
焉既道二年十月二十七日宏福
寺懷仁集區晉王右軍書
按羣賢賦詩刻本有二會稽者內避
本朝諱多代以它字又多闕韻殊失
其旨且先後次序與藝文類聚所載詳
亦相異若後序與藝文類聚所載詳
略亦多不同姑
以集字本為正

蘭亭考卷一

蘭亭考卷二

桑 世昌集

睿賞 天章異聞附

太宗皇帝

御書前人詩不到蘭亭千日錄嘗思墨客五雲
若曾往數處看屏障盡是王家小草書

仁宗皇帝

至道二年內侍高班裴愈奏於蘭亭傍置寺
賜額天章書堂基上建樓藏

三聖御書

仁宗皇帝賜

御篆寺額按華鎮記云山

陰天章寺即逸少脩禊之地有鵝墨池引

溪流相注每

朝廷有命池墨必見其將見則池有浮沫

大如斗溪散滿池雲舒霞卷如新研墨下

流水復清徹

皇祐中三日連發未幾

太宗

真宗

仁宗三朝御書皆至方勺泊宅編曰蘭亭

有逸少研池

朝廷每頒降池水黑可染緇太常卿沈紳

記其事

高宗皇帝

攬定武古本蘭亭敘因思其人與謝安共登冶
城安悠然遐想有高世之志義之譜曰夏

高勤王子足胼胝文王盱眙日不暇給今
四郊多壘宜思自効而虛談廢務浮文妨
要恐非當今所宜且義之挺拔俗邁往之
資而登臨放懷之際不忘憂國之心令人
遠想慨然又歎斯文見於世者摹刻重複
失畫在人筆意之妙因出具本令精意鉤
磨別付碑板以廣後學庶幾彷彿不墜於
地也紹興元年秋八月十四日書

宗室子書紹興初在從列
宣取
所藏定武本遂摹刻禁中
高宗親御翰墨即此跋也

余自魏晉以來至於六朝筆法無不臨摹或蕭
散或枯瘦或道勁而不回或秀異而特立
衆體備於筆下意間猶存於取捨至若穢
帖則測之益深擬之益嚴姿態猶生莫造
其原詳觀點畫以至成誦不少去懷也

翰墨志

唐何延年譜右軍永和中與太原孫承公四十
有一人脩袂禊碑毫製亭用螭蟲繭紙鼠鬚
筆道媚勁健絕代更無凡三百二十四字
有重者皆具別體就中之字有二十許變
轉悉異遂無同者如有神助及醒後它日
更書數十百卒終不及此余譜神助及醒
後更書數十百卒無如者恐此言過矣右
軍書豈減袂帖但此帖字數比它書最多

若干丈文錦卷舒展玩無不滿人意常在
心目不可忘非若其它人牘數行數十字
如寸錦片玉玩之易盡也 上

智永禪師逸少七代孫克嗣家法居永欣寺閣
三十年臨逸少真草千文擇八百本散在
浙東後并袂帖傳弟子辨才唐太宗三召
恩錫甚厚求袂帖終不與善保家傳抑可
重也予得其千文藏之 上

復古殿蘭亭贊

昭興
庚申

右軍筆法

變化無窮

禊亭遺墨

行書之宗

奇蹤既派

右刻亦工

臨做者誰

鑑明於銅

論字書先寫正書次行次草蘭亭樂毅論賜汝

先各寫也百本然後寫草書

右汪達家藏

高宗御書前三字亦是

宸翰後

用御書之寶

王羲之樂毅論正書第一天下珍之梁世樸出
字法奇古全足帝後屬餘抗公主主以帝
所重帝加寶惜諸王皆求不得及天下一
統處處尋訪累載方獲此書留意運功特
畫神妙

御書意本一幅塗改頗多藏汪達家

早來鄭行奏蘭亭後不見

蘭六

黃庭堅譚稹語

言乃是庭堅作字畫非今行來差竝是復

書方是

復方是三
字年存

御札一軸三紙藏右司黃筆家

思陵在御臨賜不一留守右殿浩越帥孫近卿

林向子禮松窗錢端礼米友仁劉光世皆

刻於石御林松窗所賜俱是

宸翰

紹興七年三月

臣頤浩入覲于建康宮既陞辭

皇帝遣中使

賜以御書晉王義之蘭亭

亭脩禊序

臣下拜捧觀如凌玉霄翹紫清

雲章奪畫爛然詢日而不知卷素之在手

陛下天縱多能博通衆藝翰墨之妙前兼

古人顧如此書雖下法義之而天資高邁

神意自得直出其上非若世人臨倣摹擬

拘於筆畫形似之間者也臣伏思

太宗皇帝宸翰之工實逼二王於時臣下

名善書者莫能望其髣髴方繼承

藝祖辛其伐功屢征不庭時未遑暇神
武既定文德誕敷如字字一事猶能獨擅
天下而傳美乎後況於紀綱法度之垂裕
者乎今

陛下乘中興之運躬撫六師志戡多難期
復大業當時偃革則遠以人文化成天下
寶書傳美又將貽萬世以銘我

太宗之懿蓋百待焉臣老矣念終無以仰

禪 聖志尚庶幾及見大勳之集也刊諸
琬琰切以為志少保鎮南軍節度使充兩
浙西路安撫制置大使馬步軍都總管兼
知臨安府事兼管内勸農使兼行宮留守
臣呂頤浩謹書

呂頤浩謝賜 御書蘭亭表

鋒闕清都甫達帝所雲章奎畫忽到人間被寵
錫之非常竟衰殘之有耀中謝竊以隸文變古

書法享新魏氏以還東晉擅搖毫之妙鍾繇而
降右軍馳獨步之名矧蘭亭俯仰之遊非金石
望塵之俗騁懷奇傲存逸想於胸中感事臨文
愈奇姿於筆下斯極當年之美遂為歷代之師
珍藏既出於雲門傳刻僅留於朔塞疲精莫近
絕軌難攀奉惟

皇帝陛下好字性成多能天縱輔屬于文之殿
不遺翰墨之娛心摹手追何勞取法龍盤鳳翥

直與抗衡實惟今古之無雙豈止帝王之第一
臣小勤筆硯晚際風雲憂常在於邦家老已損
於文字誤膺上賜還媿夙心懷寶言歸幸免登
牀之誚據鞍自失但驚照乘之光期傳祕於私
門但輸忠於永世

憲聖慈烈皇后

皇后嘗臨蘭亭佳佚在人間咸寧郡王韓世忠
得之表獻

上驗璽文知為中宮臨本賜保康軍節

度使吳益刊於石中興十錄時詔與十

太后居中宮時嘗臨蘭亭山陰陸升之代劉瑛

春帖子云內伏朝初退朝曦滿翠屏硯池

渾不凍端為寫蘭亭刻吳璠家

孝宗皇帝

義之書超詣衆妙古今不可比倫用意精微落
筆詳緩一點一畫無不皆有法度揮毫縱

心不踰於規矩既無過當亦無不及指之
失於有餘積之失於不足作字有八面變
態之妙如蛟虬之奮騰鸞鳳之翔舞燦然
溢紙飛動眩目亦猶仲尼之道出乎其類
拔乎其華自生民以來未之有也覽此脩
禊詩敘無一筆義之法亦非唐賢所臨寫
全不成字今復還御至可領也還送臣

紹興己未六月

思陵嘗臨禋序賜劉光世其子堯仁進之
孝宗親灑宸翰於后云臣恭惟

光堯壽聖太上皇帝以天縱之聖當緝熙
之序高之翰墨仰臨上義之脩發敘妙入
神品劉光世當靖康之末奉迎濟上率先
諸帥敦詩閱禮夙蒙恩遇因宣被此寵章
其子堯仁襍軸奉上捧觀再三復書此以
賜之乾道改元天子之臣謹書

蘭亭考卷二

蘭亭考卷三

桑世昌集

蘭亭者晉右軍將軍會稽內史郗璠王羲之述
少所書之詩序也右軍辟聯美青蘭散名
發雅好山水尤善草隸以錫帝永和九年
暮春三月三日宦游山陰與太原孫統承
公孫綽興公廣漢王彬之道生陳郡謝安

安在 高午 却 晏 重熙 太原王 益 叔仁 釋文
道 道林 并 逸 少子 凝 徽 孫之 等 四十一人
脩 袂 禳 之 礼 揮 毫 製 序 與 樂 而 書 用 蠶 繭
欲 鼠 鬣 筆 道 媚 勁 健 絕 代 所 無 凡 二 十 八
行 三 百 二 十 四 字 有 重 者 皆 攝 別 體 就 中
之 字 最 多 至 二 十 許 字 悉 無 同 者 時 志 變
同 者 無 是 時 殆 有 神 助 及 醒 後 他 日 更 書 數
十 百 卒 終 不 及 之 古 軍 亦 自 愛 重 留 付 子

孫 傳 掌 至 七 代 孫 智 永 即 右 軍 第 五 子 之 敬
之 之 後 安 成 王 詒 議 房 祖 之 孫 虛 陵 王 曹
兄 子 孝 寶 俱 俗 號 永 禪 師 克 嗣 良 裘 精 勤
此 藝 常 居 永 欣 寺 閣 上 臨 寫 大 所 退 筆 頭 道
石 許 而 也 凡 三 十 年 所 臨 真 草 十 文 八 百
餘 本 分 施 浙 東 諸 寺 各 一 今 有 存 者 猶 覺
住 舊 舊 嘉 祥 寺 寺 節 在 軍 舊 居 也 後 欲 便
於 并 掃 因 移 此 寺 與 在 軍 廣 及 叔 舊 已 下
空 域 於 山 陰 縣 西 三 十 一 里 蘭 渚 山 下 梁
武 帝 以 欣 永 二 人 皆 崇 釋 教 故 榜 寺 為 永

欣焉守見會稽志具
臨書之閣至今尚存
禪師年近百歲乃終
其遺書付弟子辨才才俗姓袁氏梁司空
昂之元孫博學工文琴書景畫皆臻其妙
賞於所寢伏梁上鑿為閣以貯蘭亭寶
重過於師在日至貞觀中太宗銳意學二
王書訪募真蹟備畫唯蘭亭未獲尋知在
辨才處凡三召之恩賚優洽方便善誘確
稱往日侍奉先師實嘗獲見將往喪亂墜

失不知所在竟勒固不出上謂侍臣曰右
軍之書朕所偏寶未見蘭亭勞於夢寐此
僧者年又無所用若得一智略之士以計
取之庶幾必獲尚書左僕射房元齡奏曰
臣聞監察御史蕭翼梁元帝之曾孫今貫
魏州莘縣負才藝多權謀可充此使上遂
召翼翼曰若公然遣往義無得阻臣請私
行又須得二王雜帖三數通上悉依給翼

遂微服至洛澤隨商舶至越黃衫寬褻得
山東書生之體抵寺之夕閱壁間畫過辯
才所居才適遙見乃問曰檀越何來翼因
就前致謁云弟子是北人攜鸞鷖種歷寺
從觀幸遂一見語意投合延室內既共圍
棊撫琴投壺握槊間及文史乃曰白頭如
新傾蓋若舊今後無復形迹也既下榻復
設缸面酒江東云缸面猶河北甕頭譜初

熟酒也酣樂之餘分韻賦詩才探得未字
其詩曰初醞一缸開新知萬里未披雲曰
落莫步月共徘徊夜久孤琴思風長旅鴈
哀非君有祕術誰照不燃灰翼得拓字云
解后款良宵慙慙荷勝招彌天俄若舊初
地豈成遙酒蟻傾遠泛心猿蹀似調誰憐
失羣翼良苦業風飄妍蚩略同彼此諷味
恨相知之晚通宵盡歡登旦乃去才云檀

越間卽更乘翼徙乃載酒赴之相與酬唱者數四。一日翼示師梁元帝自畫職貢圖嗟賞不已因談及翰墨翼曰家世皆習二楷法自幼耽玩今亦有數帖自隨才欣然謂曰詰旦可攜來翼如期而往出其帖示之才熟視且曰是則是矣然未佳善也負道有蘭亭真墨蹟頗亦殊常翼曰數往亂離真蹟豈復在必是響榻者耳才曰先

師圓寂之際手付交端有源緒那得參差次日乃於梁楹內出以示翼翼故駁瑕指類曰果響榻書也紛競不已自爾更不復藏并翼諸帖竝留几格間才時年餘八秩日於窗下臨數遍其老而篤好也如此自是翼往還旣密與其徒略無疑間未幾辨才赴靈汜橋南嚴遷家齋翼遂私乘謁其徒曰偈遺帛子在葉童子卽為開門翼

因就取蘭亭及御府所借帖徑赴永安驛
告驛長凌想曰我適御史奉命來此有墨
教可報汝都督時都督齊善行即齊善德
偽夏右僕射以用名書但慶江節公及隨
黃門侍郎裴矩之策舉國降我唐由此
不失貴仕送後上相國於是善行聞之馳
金印笏笏封真縣公未拜謁翼因宣示上命具告所由善行走
介召辯才才遠見追不知所措繼遣敬直
云侍御須見及才至見御史逆房半蕭生

也翼報被命遣取蘭亭今得矣故喚師未
取別才聞語哽絕倒良久始甦翼即馳驛
而發至都奏御太宗大悅以元齡舉得其
人賞錦綵千段擢詳翼為員外郎加入五
品賜銀瓶一金縷龍一碼磁瓶一竝寶以
珠內廐良馬二乘寶裝鞍轡茅宅各一區
太宗初怒老僧祕依俄以其老老不加刑
數月一作後仍賜物三千段穀三千石救

越州支給辯才不以入已迴造浮圖極具
指露全今猶存才因驚悸成疾歲餘迨卒
一云才因驚悸患重不能
強歎唯歎病歲餘乃卒太宗命供奉榻
書人趙模韓道政馮承素諸葛貞等四人
各搨數本以賜皇太子諸王近臣貞觀二
十三年帝不豫幸五華寔舍風殿詣高宗
曰吾欲從汝求一物汝誠存也豈能違吾
心也汝意如何高宗哽咽流淚引耳而聽

支制命曰吾欲將所得蘭亭去及弓劍不
遺同軌畢至隨仙駕入元憲美今趙模等
所搨本尚直錢數萬也代人間亦街稀少
千牛將軍隨踪適越汎巨海登會稽探高
穴訪奇書名僧處士猶信諸郡固知虞預
之物者舊習典錄人敬辯才弟子元素俗姓揚
氏華陽人也漢太尉之族六代祖佐期為
相元所善子亦避難江東後遂編貫山
陰即岳之外氏近屬今殿中侍御史楊之
族長安三年素年已九十二視聽不衰
猶居永欣寺永禪師之故房親向吾說聊

以退食之暇略疏其始末於時歲在甲寅
季春之月上巳日撰此記主上每暇際靈
神藝術迹適華聖偏重蘭亭僕開元十年
四月二十七日任筠均州刺史蒙恩許
并掃至都承訪所得委曲訪一云至都城
病不獲詣闕遣男昭成皇太后挽郎史部
常選騎都尉永馮卒進具曰俸日曜門直
敦內出絹三十匹賜永長是負恩荷厚乎

舞芝蹈捧戴周全光駭閣里僕踰天闡命
伏枕懷欣殊私忽臨沈疴頓減輒題卷末
以示後代朝議即行職方員外郎上柱國
何延之記彥遠家有西承素蘭亭元和中十
素樂教論在茲有
太宗手帖是後

黃伯思東觀餘論云閱法書要錄見
其文繁瑣戲為刪潤伯思刪奪今不
復見從太平廣記稍加去取仍不欲

棄其舊各就箋其下底函存之嘗書
王右軍蘭亭序梁亂出外陳天嘉中為僧所得
至大建中獻於宣帝隋平陳日或以獻晉
王王不之寶後智果從帝備榻及登極竟
不從索果師死後弟子僧言得之太宗為
秦王日見榻本驚喜乃貴價市大王書蘭
亭終不至也乃遣問辯才師歐陽詢就越
州求得之以武德四年入秦府貞觀十年

乃榻十本以賜近臣太宗崩中書令褚遂
良奏蘭亭乃先帝所重本不可留遂秘於
昭陵劉餗傳記

太宗正觀中搜訪王右軍真蹟出御府金帛為
購賞由是人間古本紛然畢進其草迹又
令褚河南真書小字帖紙影之其在本亦
有是梁隋官本者梁則滿彙徐僧摧沈熾
文朱异隋則江總姚察等著記其後蘭亭

一卒相傳云將入昭陵元宮長安神籠之際太平安樂公主奏借出外搦寫樂教論因此遂失所在

華述集

褚遂良撰晉右軍王羲之書目內行書五十八卷共二百六十帖以蘭亭敘為第一後跋云正書行書自正觀八年河南公褚遂良於禁中西堂臨寫之際錄出唐初有文曰寶錄此之標目蓋其類也

唐張彥遠法書要錄

何延之蘭亭記云王逸少永和九年蘭亭修禊禊之禮揮毫制衣序興樂而書用管蠶繭紙鼠鬚筆適媚勁健絕代更無凡二十八行三百二十四字字有重者皆訪別體就中數字最多又尚書故事云唐太宗酷好法書有大王真蹟三千六百紙率以一丈二尺為一軸內行書有五十八卷褚遂良以蘭亭為第一太宗愛惜者獨此書為最置於

座側朝夕觀覽嘗一日附身誥高宗曰吾
千秋萬歲後與吾蘭亭將去也及奉諱之
日用玉匣貯之藏於昭陵周越法

武德四年秦王倂歐陽詢詐求得之遂入秦府

麻道蓋搨二本一與辯才一王自收嘗留
肘腋間後從褚遂良請殉葬昭陵南部新書

世昌嘗於范覺民丞相家見五字
不損本奇甚後有雪溪跋首載此

條頗詳南部新書云蘭亭在武德

四年歐陽詢就越僧求之始入秦

王府麻道蓋奉教搨兩本一送辨

才一秦王自收蓋私搨一本於時

天下草創秦王雖親總戎蘭亭不

去肘腋及即位後字愈不倦至真

觀二十三年褚遂良請入昭陵天

下所見但撫奪身餘與推許門所

述回

唐太宗購晉人書自二王已下僅千軸獨蘭亭
文以王_承運葬昭陵世無復見餘皆在祕府
至武后時為張易之兄弟所竊後遂流落
人間多在王涯張定賞家涯敗時為軍人
所劫奪取金玉軸而棄其書余嘗於李都
尉_璋處見晉人數帖皆有小印涯亭意其
為王氏物也故孫莘老亦差妙亭詩有云

蘭亭蘭紙入昭陵世無復見猶龍騰東坡全篇

右軍禊飲敘草號稱最得意書宋齊以來藏在
祕府士大夫間未聞稱述豈未經大盜兵
火時蓋有差蹟在蘭亭右者及蕭氏宇文
焚蕩之餘予不存一水師晚出所見妙蹟
唯有蘭亭故為虞褚輩道之所以太宗求
之百方期於必得其後公私相盜今竟失
之書家晚得定武本蓋彷彿存古入筆意

身山谷

正觀末太宗一日附證高宗者欲就爾求一物
可乎高宗踴足俯伏從之對曰身體髮膚
受之父母國家天下陛下所賜此外更欲
問臣求何物太宗曰吾千秋萬歲後欲將
蘭亭如何高宗再拜哽噎而已至昭陵作
治以玉匣內之元堂其後昭陵業經開竅
蘭亭復出人間元豐末百人自兩浙與織

女支機石同齋入京師至太康縣值
陵奉諱不獲上之質錢於民間而去今不
復聞存沒王欽若云支機石予嘗見其圓
可方二寸不圍微宛正碧天漢左界北斗
注其上太宗在唐不世主也一書之微生
以計取死以後求生猶可玩適死將何為
哉與夫富民多藏厚葬者無以異也
張舜民書

集

蘭亭者晉古將軍會稽內史御郗王羲之逸少
所書詩序也右軍以穆帝永和九年三月
三日與太原孫統承公孫綽興公廣漢王
彬之道生陳郡謝安安石高平郗曇重熙
太原王^女愷叔仁釋之遁道林及其子徽之
徽之操之等四十有一人脩祓禊於山陰
之蘭亭酒酣賦詩製序用^舊熟^紙鼠鬚筆
書凡二十八行三百二十四字字有重者

皆仿別體而之字最多至二十許字他日
更書數十本終無及者右軍亦自愛重豈
付子孫至七代孫智永為此立俗呼永禪
師永卒傳其書於弟子辯才俗姓袁梁司
空昂之元孫唐正觀中太宗鏡意字二王
書帖摹搨殆盡惟未得蘭亭凡三召辯才
詰之固稱海內喪亂亡失不知所在後遣
監察御史蕭翼微服為書生以詭辯才始

得之命供奉弼書人趙撲韓道政馮承素
諸葛貞等四人為搨數卒以賜皇太子諸
王近臣貞觀二十三年高宗奉遺詔以蘭
亭入昭陵惟趙撲所搨者傳於世事見何
延之蘭亭記秦觀此跋乃刪取
何延之記中語
此文自唐明皇得真蹟刻之乎士院人間不復
見朱梁篡竊肇造汴都耶律德光破石晉
此刻渡河帝羝既歸輿輜重棄之救荒林

後置之州治遂曰定本碧岫野人趙狂仲
古跋明當作文恐

也誤

宣和中詔宣定武衛校舊人間蘭亭石對曰慶
歷中宋祁帥鎮日有字究李姓者藏此石
死於妓家樂器將何水清者得以獻祁祁
祕藏不妄與人留於公庫因譖之定本後
河東薛洵未帥其子銘彭別刻留邸易之
以行今在長安帥薛嗣昌詔彭之弟也時

內侍梁師成為長安承文官批旨取舊刻
嗣昌倉卒以紙三幅作一重撫石旁一存
墨深旁二存墨淺旁三存又加淺世譜之
蟬翼本字差大有鴻法亦不可廢先君通
藉祕殿詳聞此說不可不廣近康與之云
與石俱載以北又示定國嘗從使金云在
所譜中京者因併記

定武蘭亭序石刻世猶善本 宣和甲從仕中

山詢訪故老以譜石晉之末契丹自中原
輦載寶貨圖書而北至真定德光死漢祖
起太原永康自立而歸與其祖母文兵於
國棄此石於中山 慶歷中士人李守究
者得之不以視人韓忠獻之子定武也李
生始以墨本獻公公堅索之生乃瘞之地
中別刻石本示公又一記李生謝世其子
運出石散摸售人每本須錢一千中是好

事者爭取之其後木子氏子負簪無從取償
時宗景文守定乃以公祭金代輸之因取
石匣藏於庫非貴游交舊不可得也熙寧
間薛師正出牧具子紹彭又刻別本者留
之中山易古刻攜歸長安 大觀中 詔
取其石置宣和殿中閣不復見矣 養浩書
室書
右何遜子楚所著香洛記聞其真
摹見存汪氏家余近以其所得因

攷康與之跋續氏所藏及沈虞御
題游氏本皆采紀聞中語獨此跋
為詳但其文互有去取姑從而竄

定云世昌書

李文和遵勉其家書畫最富懷仁真蹟集古
軍聖教序負觀蘭亭詩序山陰怡樂教論
皆冠世之寶 世昌書

支仲元鳳翔人工畫人物有老子誡徐甲蕭葉

曝蘭亭高山四皓等圖傳於世

右圖寫人物一軸凡五輩唐右丞相閻立本筆
一書生狀者唐太宗朝西臺御史蕭翼也
一老僧狀者智永嫡孫會稽比丘辯才也
太宗雅好法書聞辯才寶藏其祖智永所
蓋右將軍王羲之蘭亭脩禊敘真蹟遣蕭
翼出使求之翼至會稽不與州郡通變姓
名易士服徑詣辯才朝暮還往情意習狎

一日因論古軍筆蹟悉以所攜御府諸帖
示辯才相與久復折難真贋優劣以激發
之辯才迺云老僧有永禪師所寶右軍蘭
亭真蹟非此可擬藏之梁間不使人知與
君相好因以相示翼既見之即出太宗詔
札以字軸真懷襲閻立本所圖蓋狀此一
段事蹟書生意氣揚揚有自得之色老僧
口張不啻有失志之態執事二人其虛氣

止沸者具狀如生非善馮貌馳譽丹青者
不能辨此上有三印其一內合同印其一
大章漫滅難辨皆印以朱其一集賢院圖
書印印以墨朱久則渝以故唐人間以墨
印如王涯小章李德裕贊皇印以墨此圖
江南庫所藏簪頂古玉軸猶是故物

太宗皇帝初定江南以兵部外郎楊克一

字犯漢安知昇州時江南內府物封識如

故克不敢啓封具以聞

太宗悉以賜之此圖居茅一畝克蔡人寶
此物傳五世以歸其子璠周氏傳再世其
孫穀藏之是祕梁師成請以禮部度牒易
之不與後從擾攘穀將遠適以與其同郡
人謝伋伋至建康為郡守趙明誠所借因
不歸紹興元年七月望有攜此軸貸於錢
塘者郡人吳說得之後見謝伋言舊有大

牙籤後主親題刻其上云上品畫蕭翼籤
今不存此畫宣帝御府而久落人間疑非
所當寶有者說託莫傳明跋圖後

名文靖家有蕭翼說蘭亭故事橫卷青錦標飾

碾玉軸頭江南舊物郭若虛圖畫見聞誌

蔡條為孫氏奉立傳該述備矣然自唐以上互
見於諸跋中者茲不重出姑刪取國初著
說者具載之云偽吳時造內宮省使高弼

聘於蜀弼因獻孟氏世子以石本蘭亭序
此本後亦不復見世所流玩每各不同一
本患肥肥則神癡乃褚庭誨所臨一本患
瘦瘦則韻弱乃洛陽鄒地所得其餘數本
是又在二本之外而愈粗矣今天下其可
取者以吾所聞獨有三焉其一褚河南所
臨在蘇才翁家先入尚方字勢亦與石不
諧其二硬黃本乃諸葛所臨在鄧右轄洵

仁家然藏之祕閣迄不得一見或謂又惠
肥蓋古之人臨書咸自存其體多不徇其
步武為尚故也其三則定武本者乃江左
所傳晉會稽石也自晉至錢氏未天下既
大一統而定武在富民之家好事者厚以
金幣從會稽取之而藏於家未知在熙
陵時歟在定陵時歟世固得其始末及
後戶絕資沒縣官人始見之因置諸定帥

之便坐壁間熙寧中孫次公侍郎定有
旨納其石禁中則又刻石而還之壁元豐
後薛尚書向未定遂取其石以歸世但謂
石歸薛氏然不知雅非古矣大觀初裕
陵方向文博雅詔索諸尚方則無有或謂
此石亦殉裕陵乃更取薛氏石入御府
今薛氏石又不知在亡世猶有墨本旦傳
焉况兵火之厄則雖墨本當亦無幾噫可

傷也已昔居夷者久將恐懼之不暇蓋於此夢想所不及紹興丁巳冬閏月忽得定武古石墨本於青社人宋氏子槃蓋傳於其父傳田令端夫端夫得之於汝陽鍾離閔閔授之於孫氏子中甫中甫者次公侍郎之子也其書傳授次序甚明因感歎之餘且懼後生不克知其源流也迺為之傳而并藏之

按劉餗傳記與何延年之不同何謂王氏子孫傳掌至七代孫智永永付弟子辨才劉謂梁亂出在外陳天嘉中為永所得太建中畝之隋卒陳或以畝晉王王即煬帝帝不知廢僧智果借弱因不還果死弟子辨才得之何謂太宗使蕭翼詭取劉謂太宗見搨書驚喜使歐陽詢求得之據何說太宗得蘭亭在即在後劉謂以武德二年入秦

王府何謂太宗末年從高宗乞蘭亭從苑
劉諧高宗從褚遂良之請何謂辨才之師
智永如劉所言即智果矣前輩謂行間僧
字為徐僧權書進吳傳用家古石本僧字
上又有一蔡字當是姚察如此則劉說似
可信然考梁武收古軍帖二百七十餘軸
當時惟言黃庭樂毅告誓何為不及蘭亭
此真蹟之異同也

姜

集古系時錄第三卷內云蘭亭脩禊序王右軍
書有五本薛家本為真定武本次之長安

本又次之

薛二本
不載

右軍祠堂碑有云公之生也踐得二之機廣五
百之慶骨鯁清貴鑑裁端凝夷簡澹雅魁
格頽放性教如也深為伯父大將軍敦丞
相導守之所器重字總墳索藝苞流略書能
八體才贍五能至若至靈崩雲芝英薤葉

鸞迴鵲顧之巧虎踞龍騰之勢信可挹拔
終古輝映未今者予我太宗萬機之暇宏
覽典墳得之右軍欣然師範親製讚論有
曰詳察古今研精篆素盡善盡美其唯王
右軍乎心摹手追此人而已斯乃萬世之
榮觀也又云既而全行不競小人道長興
言慷慨遂誓瑒瑒隋時卷舒開國隆替能
述名山編歷滄海拍龜胆褫龍車鍊金膏

屑瓊蕊潛曲水茂蘭亭於是謝安孫綽李
充許詢支遁許邁之儔若非闕一有謝時
即是文章冠代何嘗不攀勝慕德夕虞朝
游公自為之序以申其志也唐王師範
兒時從袒祕監君官定武見蘭亭古刻在州治
東園射圃之東葵亭西壁刻治甚妙茅五
行帶字右字茅八行天字筆畫已闕壞石
青色大觀已丑下茅京師頗無聊賴適王

彦昭侍郎出帥定武相與攜持而去復求
此石與舊所見無異移置書室中護持甚
謹但白石非青石而葵亭迹所在矣此本
出秦龍董氏云淳化間具祖君宦定武時
撰打非特三字俱無恙而筆意具在如以
為字倚仰字取諸字毫忽轉摺皆他本所
無十襲緘封凡三百本又出具宦定武間
告身以表之而一本取錢二百余驚而愛

之於三百本中抽取其尤得三本皆錦標
而玉軸之底幾乎發揮之矣東平華少董
紹興甲午正月丙午

蘭亭考卷三

蘭亭考卷四

桑世昌集

永字八法未有蘭亭此考已具秘於傳
檢者不一今蘭亭首備此法

但例微變要
亦百自云

勞 咏 磔

側 趨

勒 策 標

側勢一

法書苑曰側不可平其筆當側筆就左為之

口訣云先左揭其腕次輕蹲其鋒取勢緊則乘機頓挫借勢出之疾則失中逼又成

俗

李陽水筆訣曰側者側下其筆使墨精暗墜徐乃反揭則狡利矣此永字頭一點是也

臨池要訣曰永字當側筆就左為之先左揭其腕次輕蹲其鋒不峻則體勢鈍鈍則芒角隱而神格減

禁注曰點如利鑽鏤金

右軍曰作點之法皆須落如大石當衢

勒勢二

筆訣曰勒者卽是永字旁二筆橫畫之法葉鋒而策仰筆而後收準此用筆形勢自彰矣

努勢三

口訣曰凡傍卷微曲感筆素走而進之直則衆勢失力滯則神氣怯故夫努須側鋒顧右潛躍輕挫其揭

筆訣曰努者卽是永字旁三筆為努筆之

法豎筆而徐行近左引勢

一本無近左引勢四字

不欲直直則無力矣臨池云不宜直書直則無力立勢左偃而下狀若致力斫肯徐行適左而引勢或不用之直不作

蔡氏口傳曰頓筆先縮鋒驟努今頓下叙之其主露懸針卽叙之餘勢也

趯勢四

口訣曰傍鋒輕獨倚勞之不勁筆不挫則意不

深耀與挑一也鋒貴於澀出適期於倒收所謂欲挑一也鋒貴於澀出適期於倒收所謂欲挑而還道也

筆訣曰卽是努筆下殺筆耀起是也法須挫一云其早回轉筆出鋒停思消息之則神一作縱不墜矣

策勢五

口訣曰仰筆潛鋒以鱗勒之法揭腕一作趨一作勢

於右潛鋒之要在盡勢暗捷歸於右也夫策筆仰鋒豎趨微勁借勢峻顧於掠也筆訣曰策者卽永茅五筆其法始策筆而仰策徐轉筆而成形依形以獲妙則迴爾而趨羣也

掠勢六

口訣曰撇過謂之掠借於策勢以輕駐鋒右揭其腕加以迅出勢施於左法在澀而勁意

欲暢而婉遲留則傷於緩滯庶疾之旁永
未左出皆是也夫側鋒左出謂之掠
筆訣曰掠者即永字旁六從策筆下左出
而鋒利下不墜則自然佳臨池訣曰右揭
其腕借勢於策欲輕駐其鋒微曲其勢意
須暢而不欲凝滯不掠則不美麗也

咏勢七

口訣曰左向之勢須盡為咏按筆蹲鋒潛蹙於
右借勢收鋒迅直旋右須精冷似出去具
後滯白鳥字頭斜皆是也夫筆鋒及欲為
咏在潛勁而咏之

筆訣曰咏者即是永字旁七筆其法則側
筆而速進勁硬若鐵石而不墜於斯為妙
矣

磔勢八

口訣曰右送之波皆名磔右揭其腕逐勢緊趨

傍筆迅磔盡勢輕揭潛以暗收在勁迅得
之夫磔法筆鋒須躍勢欲峻而澀得勢而
輕揭暗收存勢候其勢盡磔之

筆訣曰磔者卽是永字旁八筆其法始入
筆緊柔而微仰使下徐行勢足以磔開其
筆或藏鋒出鋒由心重鋒旋則其質肥宜
以澀澀而適勁徐行勢足而後磔之藏鋒
出鋒蓋固必也

翰林密論
筆法

太宗挺生五代文物已盡之間天縱好古之性
真造八法草書無對飛白八神一時公卿

亦力以上之所好遂悉學鍾王書史

高宗翰墨志曰書法必先學正書以八法皆備
不相附麗至側字亦可正讀不踰本體隸
之餘風矣

翰林禁誼曰八法起於隸字之始自崔張鍾王
傳授所用該在萬字墨道之最不可不明

也。隋僧智永發其旨，趣授於虞祕監世南。自茲傳授，彰厥存焉。李陽冰曰：昔逸少工書，遂歷多載，十五年中，偏攻永字，以其八法之勢，能通一切字也。又筆訣云：八法是翰墨之良規，習書之流無或輒廢。法書苑蔡氏傳授凡十二訣，永字第五，側勒努趯策掠啄磔，先賢口授，不形紙墨。張旭唯傳永自後，究一切字法，無不該矣。

密論書訣曰：寸不過分，撇不愈策，鉤肩足斂，卷首足開，束含西涌，左短右俯，宜頭開展，量口張機，逸少永字字者，易觀。黃伯思論書曰：昔人運筆側掠努趯皆有成規，造微洞妙，則出沒飛動，神會意得，然所語成規者，初未嘗失，今世人作一波畫，尚未知歷筆處，徒規規強效，古人從成在印刻字耳。

唐自歐虞後能備八法者獨徐會稽與顏太師
耳然會稽多肉太師多骨而此書尤姿媚
可愛時人狀其書以為怒猊扶石渴驥奔
泉余以為非是此山谷題徐浩碑後書李
海題筆後則又曰往時觀怒猊扶石渴驥
奔泉之論茫然不知是何等語老年乃於
李海書中見之

傳授

蔡文姬傳云八法蔡邕授於神人而傳崔瑗及
女文姬文姬傳鍾繇繇傳衛夫人夫人傳
王羲之羲之傳猷之猷之傳外生羊欣欣
傳王僧虔僧虔傳蕭子雲子雲傳僧智永
智永傳虞世南世南授歐陽詢詢授
陸柬之柬之授姪彥遠彥遠授張旭旭授
李陽冰陽冰授徐浩顏真卿鄧彤韋玩崔
邈等凡二十三人

蘭亭考卷四

蘭亭考卷五對稱此意賦又下賦必歸之甄

善對東之蘭亭集序在詩樂世昌集

臨摹

唐太宗於右軍書獨留睿賞正觀初下詔求詢

殆盡蘭亭樂毅尤所寶重今湯普徹等搨

賜梁公房元齡已下八人普徹竊出在外

傳之及晏駕入元宮蘭亭搨本人間往往

有之多非好蹟天禧中相國僧元霽曾進

唐勒石本一卷卷尾文皇署敕字傍勒僧

權二字體法既臻鐫刻尤工元霽工寫貌善狀人情態

至於煎調染寫亦出天性時莫有繼者今太祖太宗御容即其筆也

參政蘇易簡家摹本蘭亭墨彩鮮濃紙色微紫

益名手傳榻也隋智永亦臨寫刻石間以

章草雖功用不倫粗髴髻其勢本亦稀絕

唐陸東之臨寫蘭亭五詩後有二行云吾所暇

日去不復解此意思足下明必顧之遲遲

羲之頓首

司議蘭亭此帖尤麗結裏圓轉趣媚不窮

復題司議蘭亭帖一行後有跋云天復二

年九月三日盧家阿姑遺其月念九日夜

記年十
五

唐陸元方傳伯父東之善書官太子司議郎太

宗時人所謂歐虞褚陸者昨日觀蘭亭詩

固知是東之書已嘗言之矣後題司議益

不疑也此世無有請寶之敏求上文玉家

藏此帖云陸東之書次道能筆法僕信然

如帖尾羲之字恐是一手臨書爾仲冬九日雪中

過文王陳郇國公觀元豐七年二月初觀

蘭亭五言江左風流蕭然在目筆迹古雅

亦近二王然少雜奇險豈陸君所摹耶博

陵用古得之盧家阿姑非大姓故家莫能

有此也元豐八年二月十二日眉陽蘇軾書是年十一月十八日

嘗觀

陸東之特工臨寫今校理錢延年有東之書蘭

亭用綠麻紙押尾署陸司議書雖外露毛

骨而雅有風氣東之吳郡人官至太子司

云少師世南臨寫所合亦猶張翼換

魏正始中務談元勝及晉庾亮宗佛理故郭

純始合道家之言而韻之孫興公許元度

轉相祖尚又加以三世之辭而詩騷之體

盡矣今山陰脩禊諸賢詩體正爾然皆寄
尚蕭遠軼迹塵外使人懷者可存見晉人
一帖云三月詩文既佳興趣高覽之增諸
懷年少作各有心正謂此詩也是時與集
者四十有一人今存者二十有六而已此
卷雖唐人書故自不凡亦可珍錄政和元
年十一月戊寅觀於右軍擬堂
黃伯思跋
唐人書蘭

亭詩
後

劉秦妹善臨蘭亭及安西帖奪真亦唐翰林書

人
法
苑

蘭亭樂毅東方先生三帖皆妙絕雖摹寫屢傳
猶有昔人用筆意比之遺教經則有間矣

東坡跋官
本法帖

蠟本雙鈎之法世皆不傳惟唐翰林院所摹帖
中用之此蘭亭蓋當時搨賜侍臣者卷首
尾三印曰賜書翰林院文字延資庫之印

又有一時官吏署銜名其詳審如此決不
失真矣嘉祐元年正月聖甫田蔡襄題

唐搨

賜本

曲水序世謂之蘭亭嘗觀搨本祕閣一本蘇才

翁周越一本此外無繼者晚於王公和處
得石本絕有意思先臨一本為馮當世持
去吾眼日益昏不可多得也嘉祐癸卯五

月二十八日臨本與諫奴

題搨本

按此本前有書縫人名三

并句章令滿庵僧

後有

批云乾符元年三月延資庫使內侍省都
知臣裴綰承詔出晉王羲之蘭亭宣示仍
模蠟本以賜在讌人各一紙翰林待詔王

孝宗諱

言點檢入內丹侍省茶藥待詔臣鄧

元批上局官檢校金紫光祿大夫兼右散
騎常侍兼管勾文字臣爰源宣行翰林待
詔管勾延資書畫矐眼標匠官賜緋魚袋

臣朝議郎試監察御史檢校部部郎中翰

林書詔臣元欽等上自乾符至各一紙行

畫大小一同當是其筆也但此本雖有骨

力而殊失體製豈一時亟於分賜然亦不

右軍自言見秦篆及漢石經正書書乃大進故

知局促轅下者不知輪扁斲輪有不傳之

妙王氏以來惟顏魯公揚少師得蘭亭用

筆意山谷題范氏摹本

王右軍禊事詩序為古今行正之祖當時逸少

自珍此書故作或肥或瘦不同要其書法

異爾今之書或喜肥疾瘦殆不知而作也

予近於今之李翹叟家得硬黃臨文賦一

卷筆意清潤是歐虞褚陸輩臨右軍書使

善工者入石可與蘭亭並行但世人未深

知爾建中靖國元年四月庚申荆江亭書

是日江水漲數尺山谷跋周紹遠本

蘭亭敘草右軍平生得意書也反復觀之略無

一字一筆不可人意撫寫或失之肥瘦亦

自成妍要名存之以心會其妙處爾

並山谷

蘇耆家蘭亭三本一是參政蘇易簡題贊

贊見後門

第二本在蘇舜元房上有易簡子耆天聖

歲跋范文正王堯臣參政跋云才翁東齋

書嘗盡鑒焉余與蘇洎才翁子友善以王

維霧景六幅李王翎毛一軸徐熙梨花大

折枝易得毫髮備盡此定是馮承素湯普

徹翰道政趙摸諸葛正之流搨賜王公者

碾花真玉軸紫錦裝背在蘇氏舜元房題

為褚遂良摹余跋曰樂毅論正書第一此

乃行書第一也觀其改誤字多率意為之

咸有褚體餘皆盡妙此書下真蹟一等非

知書者未易到也

贊見後

第三本唐粉蠟紙

摹在舜欽房第二本所論數字精妙處此

本成不及然固在第十一本上也其族人所
摹是第二毫髮不差世當有十餘本一絹
本在蔣長源處一紙本在其子之文處是
舜欽本二本在滕中處是歸余家本

本朝參知政事蘇太簡所藏丙寅歲得于集賢
國老孫祕閣子美子志東志東好事與予
家通書畫上著邛公之後蘇氏字印太簡
被太宗遇使第諸國簿收書畫為三等

賜予甚多公卿之家無出其右此其尤著
名者紹聖中重装翰林蔡元長既跋印以
今翰林印副車王晉卿翦下元長所跋著
他書軸乃見還其上故印存焉元符之元

漣漪瑞墨堂題

泗州南山杜氏父為尚書郎家世杜陵人收唐
刻板本蘭亭與吾家所收不差有鋒勢筆
活余得之以其本刻板面視定本及近世

妄刻之本異也此書不止於後世者賴此
本遇好事者求即與一本再不可得也世
謂之三米蘭亭

盱眙南山杜寶臣字器之父爲令祖皆爲郎家
世傳此唐刻本蘭亭余與二子五日模視
善工十日刻世謂三米蘭亭出於此也杜
欲百本而以見歸乃好事欲廣其真爾
壬午五月西山寶晉齋手裝是歲旣得上

皇山洞天一品食甘露降林木竹石歲也
汪氏所藏三米本有跋云泗南山杜器之祖收
王_之唐刻本蘭亭敘與家藏蘇太簡中令所收
正觀模賜王公本一同建中靖國元年淮
山樓以杜本刻以貽有識米芾樂毅論正
書第一此固行書第一定本懷仁模思差
拙此本轉摺精彩殆王承規撫也米尹仁
書

此書在世八百年定本傳世四百年而已
後世之傳實在此本米尹知記二尹後
改作友
程師孟語余四十千置得古摹蘭亭一本白玉
軸欲出示竟不曾取今在子宏處王安上
曾見之

王文惠孫居高郵收遂良黃絹上臨蘭亭許以
五十千質之余方襄大事爲沈存中借去
拊髀驚曰書不復歸矣遂過沈問焉沈曰

且勿驚得之當易公王維雪圖因不得言
數日王君攜諸書見過大歡曰沈使其婿
以二十星資其行亦不復取

泗南山杜寶臣字器之祖兩世爲郎父爲令家
傳唐模印本與購於蘇太簡家貞觀名手
雙句本微有出入吾行年六十閱書一卅
未之見也父子三人逐字撫於第一軒命
工十日刻成卅謂三米蘭亭此其祖也丹

陽郡甘露降吾家西山書院梧桐之歲崇
寧壬午五月十七日寶晉齊致爽手製襄
陽米芾元章祕玩

御府帖

唐中書令河南公褚遂良字登善臨晉右將軍
王羲之蘭亭宴集序黃素兩幅至欣字合
縫用證摹本僧字果徐僧權書縫也雖臨
王書全是褚法其狀若岩岩奇峯之峻英
英穠秀之華翩翩自得如飛舉之仙爽爽

孤鶩類逸羣之鶴蕙若振和風之麗

一作廉

霧露擢秋幹之鮮蕭蕭慶雲之映霄矯矯
龍章之動彩九奏萬舞鸞鷺充庭鏘玉鳴
璫窈窕合度宜其拜章帝所畱賞羣玉也
至於永和字全呈其雅韻九觴字備著於
真標浪字無異於書名由字益彰其楷則
若夫臨做莫推於魏薛賞別不聞於歐虞
信百代之秀規一時之清鑑也本朝丞相

王文惠公故物辛未歲見於晁美叔齊舫
云借自公孫辛巳歲購於公孫璫四月念
二日寶晉齋舫手裝

詳見審
定門

遂良摹本逸少神寓之跡也唐文皇帝甘心學
之贊曰煙飛霧結狀欲斷而還連鳳翥龍
盤勢如邪而反直頗爲能狀之此永和九
年書也十二年爲山陰道士寫黃庭經又
作意移入楷法故於點曳裁成之妙亦爲

正書之冠唐之學者心慕手追輔成已能
流而爲歐虞褚薛故後人但見定武石刻
爲工今遇此本方真元乃褚河南親摹以
傳頗覺定本尚類唐臨去此絕遠何則柔
間蕭散而神韻獨高華巧天就如運斤成
風而中桑林之舞乃知妙絕千古者不在
點畫畦畛間而風流天韻非力學所可到
捨此本疇能見之紹聖丙子李公麟伯時

書

貞觀中得蘭亭上命供奉搨書人趙模韓道政
馮承素諸葛貞等各搨數本分賜皇太子
諸王近臣而一時能書如歐虞褚陸輩人
皆臨搨相尚故蘭亭刻石流傳最多嘗有
類今所傳者參訂獨定州本為佳似是鑄
以當時所臨本模勒其位置近類歐陽詢
疑詢筆也此石已為薛向取去見在向家

而定州石刻又從而傳模者然亦不能辨

真贋若諦觀鎔銖則較然相遠矣此乃向

一本家本也

姑溪李之儀跋薛氏本

唐搨蠟紙雙鉤撫蘭亭燕集敘本在蘇轍處精

神筆力毫髮畢備下真蹟一等此幾馮承

素輩搨賜大臣者舜欽父集賢校理者購

於蜀僧元霽希與轍友善每過從必一出

遂親為背飾又蘭亭摸本正議大夫張

犯

光宗跋蘇轍云此與吾家所收同寶章待訪集

唐太宗得蘭亭命馮承素諸葛正之流雙鉤模賜左右大臣昨見一本於蘇國老家後有褚遂良檢校字世傳石刻諸好事家極多悉以定本為冠此蓋是也友仁書

一本墨蹟後題

賜元嘉

昇僧權開皇十八年三月二十日

右跋有四一云太宗所賜韓王榻本蘭亭襍敘當時詔榻書人趙模韓道政等各榻

數本皆有少異至有筆法全不類者唯其間一本無異真蹟迺敕侍臣所臨擇諸王之賢者賜之其珍祕如此觀此筆力道勁非榻書人可以到韓王之文藝超絕出一時名流之右圖書珍玩甲於天下若非褚魏陶虞所書亦必不錫予之也真蹟人間不復見此為最善本謹當十襲藏之耳開元丁巳朝議郎守祕書監兼校定四部圖

書臣崔液茶題其二云善法書者各得右
軍之一體若虞世南得其美韻而失其俊
邁歐陽詢得其力而失其溫秀褚遂良得
其意而失於變化薛稷得其清而失於儻
拘顏真卿得其筋而失於麤魯柳公權得
其骨而失於生獷徐浩得其肉而失於俗
李邕得其氣而失於體格張旭得其法而
失於狂獨獻之俱得之而失於驚急無蘊

藉態度此歷代寶之爲訓所以躋高千古
柔兆執徐暮春之初清輝西閣因觀脩禊
敘爲張洎評此其三云江南後主書故吏
鉉識其四云右唐文皇賜本蘭亭先光祿
祕藏於今逾百歲矣本得之於薛氏書府
紹興庚申七夕重加裝褉穎川史應物純
夫題已上係四明李元泊少唐文皇賜韓
裴所藏墨蹟蘭亭衆跋
王有崔潤甫之題爲可攷若李重光撥鐙

書斷然無能效之者為真筆何疑朱徐開
皇之記則已見少裴之辨開元正觀未遠
潤甫又職校定四部圖書以為最善本辨
才之本既殉昭陵今世以定武本為第一
又出歐陽率更所臨石本自應在墨蹟之
下則知此本信為冠絕蓋希代之寶也然
考之新舊唐史崔湜弟液滌及從兄涯並
有文翰居清要液至殿中侍御史液弟滌

明皇用為祕書監出禁中後賜名澄如
此則液為湜之親弟而為祕書監者滌也
又宰相世系表博陵安平崔氏仁師相太
宗高宗次子擢之子液吏部員外郎第四
子挹之子湜相中宗湜之弟滌祕書監如
此則液為湜之從弟又不為祕書監傳之
與表已自不同而液之親筆乃爾以是知
作史與考古之難也因併述之仍賦長句

以副少裴好古之意

接鑰跋李氏所藏墨蹟

李少裴於四跋之後各引前輩已訂正參爲之說者不復重出若自天監中朱异徐僧權署名其上又有開皇之號以爲梁隋以來歷代所寶藏在祕府以賜元嘉三字爲文皇親筆崔祕監別用白綾小幅書其所跋後主與張洎評書於清輝閣觀脩禊敘用撥鐙法徐鉉被命得以故吏識名於

其後且引金坡遺事謂翰苑所藏江南圖畫五十軸至景德中止存兩村牧牛圖等三軸此軸當於是時散落人間故史應物謂其家藏已百餘歲初益得於薛氏自是一傳而歸奉使高公直閣家六十餘載再傳而歸一權貴之室三傳而歸少裴凡此皆所當紀若崔祕監出處史氏失於考究則已見攻媿樓公之跋世昌書

臨川寓居勾幼安之父酷好石刻嘗撫一本云
寶應寺乃顏魯公故宅殿後有謝靈運翻
經臺臺頽毀於基土中得蘭亭石刻一段
勾公得而寶藏之魯公臨摹蓋有自矣

樵隱

夜話

司業汪氏所藏唐人臨本有四其一絹素本蘇
太簡璠字韻詩真蹟繫銜其後云翰林學
士承旨中書舍人蘇某於玉堂北軒題繼

而跋者皆一時聞人京兆章犯觀洛

光

宗

諱

觀

陽富弼觀嘉祐丁酉仲夏晦日正甫過訪
東齊因得請觀丹陽邵元興宗題范純禮
彝叟觀持國玉汝至和元年七月十一日
賜書閣下同觀近有以唐人臨寫一軸相
高下如魯衛也公擇書李尚書也蘇易簡題蘭
亭軸詩以其官攷之當在淳化二三年或
四年中距今淳熙五年十月殆一百九十

年翰林學士周必大題於行在玉堂之東
軒唐文皇既得脩禊敘命趙模諸葛承禎
輩臨寫當時在廷之臣競相傳摸故流傳
於世者皆可寶蘇大令自言家有五本今
不知此是第幾本也梁谿九蘇富韓范諸
鉅公題跋所謂羣賢畢至者政豈能望此
帖後人物萬一耶淳熙壬寅正月

第一本
敘第一

行下有墨妙筆精印又敘後
蘇題字前合縫有國老師

司業汪遠家藏禊敘至多內一軸首跋乃康伯
可是轉摸失真爾此本良是定武古本但
定本世以斲損帶流右天四字為真而此
獨完好然精彩乃與唐人鈎摹本不異殆
是定武以前未斲損者耶乾道壬辰中秋
日錫山尤袤跋

右蘭亭從毛雍玉唐人所臨本上雙鈎摹寫也
兄無悔昔與雍玉相遇於汝州教授陳和

夫官舍大熱揮汗自旦至暮極其精思較他本爲勝敦儒後三十年見雍玉之壻黃君再見此本跋尾皆是而蘭亭舊物非矣覽之慨然壬戌八月會稽紹興丙寅十月晦日會稽憲司見張季章所得李文定家二本馮達道東都所得晁美叔家四本并余家所收石本摹本共十本較之亦各有長短要是皆失真遠矣遐想昭陵埋沒至

實使人慨歎世間幻事那得不變滅耶二第

本係朱無悔摹唐人本

余舊所得蘭亭數本皆不及定刻然猶意定刻
新削無優游之意此本以爲過定刻遠甚
目病欲寫之未能也元豐五年七月十三
日無咎記坐中師道希孝無斁 徽之時
過甘陵元豐五年八月十五日番陽劉定
觀予家收蘭亭石本天下奇物有摸本一

紙亦類此京題癸亥六月旦

馮宣
徽也

子淵熙

寧初提舉京東常平時歐公守青嘗出蘭亭石刻四本相示唯定刻最佳摸者始見此本於北京元豐六年六月十九日王子

淵題

右蘭亭洛人楊景範所藏楊君多

法書米元章最愛之與其子微之相繼死其妻李西臺孫子媿也故得此書馮當

世晁無咎諸公有跋尾妙處頗勝石本朱

希真記紹興十六年十一月七日乙夜展

閱時借得石本六并予家摹二石參較各有所長要之失真遠矣昭陵埋沒可勝歎

耶時雨雪寒甚書於會稽官舍和樂堂希

真六十六已為請宮祠計欲歸老浙西第

李

第四本無跋語前有蘇氏朱印第一行下有墨

妙筆精印中間合縫有許國後裔

謂蘇公又

蘇氏印又內殿祕書之印未有向子固印
又紹興二字 御寶

蘭亭爲王晉卿家物背有涯字小印是唐王涯

多蓄古圖書遭難散失所見殆是耶

戴溪

范文度摹本石刻有諸名人跋云右軍蘭亭最
者今世尚有搨本祕閣一本蘇才翁一本
周越一本猶有氣象存焉今觀撫倣蓋得
之矣嘉祐壬寅五月二十六日莆陽蔡襄

旃蒙單闕屬阨壬戌晦涑水司馬光公

寶觀 熙寧丙辰七月六日公著觀 治

平四年九月二十四日太原王珪史院題

范君隱德不耀以藝文稱於西州舊矣楹

中得蘭亭摹本雖歲久而筆畫如新體法

秀整誠世學之家子孫寶之不墜也熙寧

初元正月四日觀臨洛宋敏求清源呂夏

卿襄國陳薦河南陳繹 熙寧辛亥九月

一日寬夫題 世傳蘭亭諸本惟定州石刻最善近聞此石已取入禁中不可復得則此本尤當貴重也蘇軾題輒同觀

右按此石刻本前有云上已日蘭亭曲水敘晉右軍王羲之文并書古本注

崇山二字國著乎三字正文三百念四會字元無題目名銜今加之代郡范文度書歐公為范作三跋其二見前若云書

雖列於六藝也蔡君謨以書名當世其稱范君者如此不為誤矣滁山醉翁題

此刻無之溫公嘗字公實乃見於此云此帖見藏

新安江書家帖後隨所錄附見下方尤表丘密王蘭章良能黃疇若婁機茲有

曾觀題字

熙寧丙辰七月六日呂公著觀絳覽范文度書

真本體法勁秀想見其人欽歎愛玩不能

自止元豐壬戌歲仲冬二十日穎川韓絳

子華題蘭亭品佳而後題小字勁秀可愛
信古今之不乏人也維持國後三日題非
知書者一觀闕二范闕一之書唯歎服自
失耳元豐乙丑歲穎昌許公堂題

右得之余襄亦為范文度臨本著語者
其六跋已見前列此跋則無之所謂寬
夫者文潞公也用劍南西川節度使之
印絳者韓康公也永者孫曼叔也世昌

書

祕閣三本唐人所臨其一題云唐人鈎摹蘭亭
前後有五老小篆印三建昌李公擇記篆
印一平原開國大方印四真定府印一山
房所藏蘭亭三於臨榻之間互有得失政
和二年十月三日儀真鑑遠題
夷曠家藏三本皆唐人所臨今世所未有
然自有優劣此本當為第一大觀元年二

月初九日同錢遜叔觀於晁進道廳事處
化孫仲蘇父題

評書者以右軍字爲龍跳天門虎臥鳳閣
孫志康謂山房所藏自有優劣此本其三
友之管寧最怒之偉節歟遜叔唐人書世
字必諱此獨否何耶豈隋末唐初善書者
所臨邪何其神妙也後三百四十日借觀
於無爲酒局直舍之方丈趙不佞張絃晏

諶政和丙申六月念五日同觀

一題云鍾離景伯本 鍾離公序翰墨爲
時所稱亦前輩中潛心不倦未易跋及臨
學蘭亭脩禊敘古勁有體今已難得好奇
博識當知珍藏之也襄陽米友仁元暉獲
觀

一題云唐摸本 太宗嗜右軍帖殆忘寢
食此帖傳流本末世說之甚詳彥遠云當

時敕虞世南輩各臨十餘本分賜近屬後來諸公亦各臨書唐世爲多今所傳者悉此也觀之大校皆得之一二而體終不變各自成家有足驗者其遺法餘美已足可驚後世區區有所不及者又況昭陵玉匣之蹟哉不然以太宗之明尚附身求之耶昔年侍先子官江東見吳瑛家褚遂良一本近定武石上柳公權一本憲守李球舊

舊

石一本此書皇祐中張侍中者宅得之舊不著所書姓氏云亦康定間賜帖其運筆精審圓潤老熟略有虞法云白馬馮惟寅詳後有空同子紀方篆印余家藏唐賢墨蹟甚多自經兵火散失殆盡此誠予家之舊物也紹聖改元十月晦日鄧襄題嘗見唐人模蘭亭本於蘇才翁家體若淳重而清麗似不及也元祐丁卯四月馬瑛題

張彥遠謂太宗問高宗求蘭亭記其後高宗果以玉匣納諸昭陵若然死者其真有知哉熙寧乙卯南邠張舜民

蘭亭體類此者宜近真考之於當時集書者乃可見薛紹彭題

洵嘗觀石本蘭亭愛晉賢之筆今又於思中處得見唐人所臨使予無恨矣熙寧人年十一月曝背大河之濱因書乃念七日

也

孫鰲扨才父元祐丁卯四月十二日觀於上黨驛舍後有劉氏書畫楚孫秀印二方印

洙獲觀汝南延雋嘗觀梁國虞王廷老伯敷曾覽魏國楊康仲祥嘗閱守文安郡事馮文顯因閱此書於中和堂之北軒時嘉祐癸卯初伏日題後有文顯一篆印

逸少蘭亭書臨倣之者頗多此本最佳李

唐卿題

劉師宏子明閱

自逸至閣
作篆書

太原文叔觀

華陽李大臨才元題

秦玠閱過丹陽邵元嘗觀壬辰二月七日

蘭亭無復真本獨虞世南輩所臨散在天

下然奇者益鮮獨蘇才翁家所收為第一

而葛菴仲謹所藏一本次之與此本共為

三本無與比者仲謹之本今歸予矣時熙

寧二年春二月四夕謝悅題

蒲津員蛻介山郭維基同觀

狄道李戴河東薛昌朝觀

崔復元曾看上下有思中篆印二又有楚

孫秀印一方篆

蘭亭之書逸少之絕筆也得見摹本固可

愛重身會稽鐘離公序題熙寧二年二月

二十五日後有楚孫秀印一方篆印

薛昌樓景脩乙卯孟春念六日觀

蘭亭唐人所臨甚奇會稽錢穆觀

介觀甲寅六月二十九日

熙寧丙辰歲四月番陽劉定觀

熙寧丙辰十月上旬杜陵崔弇觀後有楚

孫秀印一方印

右軍真本葬昭陵唐末之亂爲溫韜所發

所藏書畫皆取其裝軸金玉而棄之於是
魏晉以來諸賢墨蹟遂流落於人間此本
乃唐諸家所臨今亦罕得見也丁丑中秋
榮老堂跋

開封樊伯達君錫彥和伯充大年永年應
之漢輔深道崇寧元年閏六月四日廣慈
觀

唐代能書者往往得晉人筆法於此可見

矣紹興壬子夏四月念九日魏侑記

近見唐人模本於曹忠靖家跋云唐模本家藏
久矣因重裝背延雋唐摹本蘭亭世所無
有當寶之敏求題

王安上觀斯言信然

禊事文所收石本模本至七軸未始有同
者然求其意可見其真嘗於王仲儀家見
一本亦云出於周氏其點畫微細瘦不若

此書有精神也襄題

熙寧戊申吳中復嘗覽陟觀

潁川孫永丹陽邵元觀

熙寧甲寅三月癸亥

蘭亭本最多此本誠佳庚午九月念六日
蔣之奇

蘭亭摹本似此者幾希矣仲求題

芾薛師雄南譙秦玠觀乙卯閏四月望日
題

舊見蘭亭書絳錠者與所傳石本不類世
多疑之嘗以唐人集右軍書校之則出鋒
宜爲近真蓋石本漫滅不類其初也幸未

五月旦日薛紹書

曾孫復嘗以一本遺
世昌故詳及其跋云

余始得蔡君謨字二紙恨不見所跋唐搨賜蘭
亭本可稽始末越數年僚友石德興見之
愕然曰吾家有此二本而無蔡跋乃遺余
折而復會其有數耶紹熙辛亥余守會稽

刻之郡齊重陽前二日括蒼王信

黃伯思云世人多不曉臨摹之別臨謂以紙在
古帖旁觀其形勢而學之若臨淵之臨故
謂之臨摹謂以薄紙覆古帖上隨其細大
而搨之若摹畫之摹故謂之摹又有以厚
紙覆帖上就明牖景而摹之謂之響搨焉
臨之與摹二者迥殊不可亂也筆誤云世
之摹字者多爲筆勢牽制失其舊跡須橫

摹之茫然不問其點畫惟舊跡是循然後
盡其妙也

蘭亭考卷五

蘭亭考卷六

桑世昌集

審定上

蘭亭脩禊叙世所傳本尤多而皆不同蓋唐數
家所臨也其轉相傳摸失真彌遠然時時
猶有可嘉處豈其筆法或得其一二耶想
其真蹟宜如何也哉世言真本葬在昭陵
唐末之亂昭陵為溫韜所發其所藏書畫

皆剽取其裝軸金玉而棄之於是魏晉以
來諸賢墨跡遂復流落於人間 本朝太
宗皇帝時倣摹所得集以爲十卷俾模傳
之數以分賜近臣今公卿家所有法帖是
也然獨蘭亭真本亡矣故不得列於法帖
以傳今予所得皆人家舊所藏者雖筆畫
不同聊竝列之以見其各有所得至於真
僞優劣覽者當自擇焉其前一本流俗所

傳不記其所得其二得於殿中丞王廣淵
其三得於故相王沂公家又有別本在定
州民家二家各自有石較其本纖毫不異
故錄其四得於三司蔡給事君模世所傳
本不出乎此其或尚有所未傳更俟博采

歐陽文忠
公集古錄

真本已入昭陵後世徒見此而已然此本最善
日月逾遠當復闕壞後生所見愈微愈疎

矣東坡外奇所託改作因寄於今所欣改
作向之豈不哀哉改作痛哉良可悲也改
作悲夫有感於斯改作斯文凡塗兩字改
六字注四字曾不知老之將至誤作僧已
爲陳迹誤作以亦猶今之視昔誤作由舊
說此文字有重者皆訪別體而之字最多
今此之字頗有同者又嘗見一本比此微
加措疑此起草也然放曠自得不及此本

遠矣子由自河朔持歸寶月大師惟簡請
其本令在縣僧意祖摹刻於石軾書

題河朔本

治平四年九月十五日

蘭亭模本祕閣一本蘇才翁家一本周越一本
有法度精神餘不足觀也石本唯此書至
佳淡墨稍肥字尤美健可愛或云出於河
北李學究家今王公和所藏也蔡襄

蘭亭禊飲詩敘二本前一本是都下家用定

武舊石刻摹入木版者頗得筆意亦可玩也一本以門下蘇侍郎所藏唐人臨寫墨跡刻之成都者中有數字極瘦勁不凡東坡謂此本乃絕倫也然此本瘦字時有筆弱骨肉不相宜稱處竟是常山石刻優爾

為張熙載書

此蘭亭詩敘筆意清峻和暢佳石刻也恨墨本者著墨瀰太深失其微細筆畫耳余舊有

淡墨數本頗見古人用筆起倒兒輩不解珍惜有乞書者輒與之今家書中幾一空也跋重刻定武天字不全本

此本以定州蘭亭土中所得石摹入棠梨版者字雖肥骨肉相稱觀其筆意右軍清真風流氣韻冠映一世可想見也今時論書者憎肥而嘉瘦黨同而妒異曾不夢見右軍脚汗氣豈可言用筆法耶元符三年四月

甲辰涪翁題

棠梨本

紹聖元年六月上藍院南軒同程正輔觀唐本
蘭亭雖姿媚不及定州石刻清勁然亦自
有勝處洛神賦余嘗疑非王令遺筆豈古
本既零落後人附託之耶周越少收斂筆
勢亦可及此跋唐本
褚庭誨所臨極肥而雒陽張景元斲地得闕石
極瘦定武本則肥不剩肉瘦不露骨猶可

想見其風三石刻皆有佳處不必實已有
而非他也

茲山

無異非新舊書皆然

宗室叔益收蘭亭差不及吾家本在舜欽本出
因重背易其故背紙遂乏精彩然在都門
最為佳本王鞏見求余家印本曰此湯普
徹所摹與贈王詵家摹本一同今甚思之
欲得以自解耳錢塘關景仁收唐石本蘭
亭佳於定本不及此板本也

右米氏祕玩天下法書第一唐太宗既獲此書
使起居郎褚遂良檢校馮承素韓道政趙
模諸葛貞之流撫賜王公貴人見於張彥
遠法書要錄此軸有蘇氏故題為褚遂良
撫觀其意易改誤數字真是褚法皆率意
落筆所書餘字皆勻填清潤有秀氣轉摺
毫銳備盡與真無異非深知書者所不能
到世俗所收或肥或瘦乃是工人所作正

以此本為定壬午閏六月大江濟川亭
寶晉齋對紫金羣山迎快風避暑九日
蘇者家第二本少長字世傳衆本皆不及長字

其中二筆相近末後捺筆鉤迴筆鋒直至
起筆處懷字內折筆摺筆抹筆皆轉側偏
而見鋒斲字內斤字足字轉筆賊毫隨之
於研筆處賊毫直出其中世之摹本未嘗

有也

褚遂良所臨黃素至欣字合縫用證摹本僧字
果徐僧權書縫也

蘭亭敘第二本爲古今冠與余所獲蘇中令家
貞觀名手摸無少異襄陽米芾

芾頓首再拜比得謝安帖李公炤家者作一贊
發笑不知何時得公一見又得唐刻本蘭
亭絲髮不差遂用其本刻成今天下惟此

本矣希一賞發論與公俱老矣自此願留
心書畫以了殘年餘事徒敬精神如何如

何芾惶恐

晉 茲 寶

蘭亭脩禊前敘世傳隋僧智永臨寫後敘唐僧
懷仁素麻牋所書共成一軸永嘉太守待
制程公見賞歎刻之樂石與天下後世知
有蘭亭筆法者共之虞褚輩多臨蘭亭而
永師實右軍末裔頗能傳其家法故此書

活動宛有迴鸞返鵠之意較之世間石本
何啻九牛毛耶懷仁唐書僧號能集右軍
書者首尾映帶誠為尤物錢塘吳說

右蘭亭石刻得周延雋仲章少卿之子衍仲

章父安惠公起

真廟朝任樞密副使同寇萊公丁晉公執
政立朝不阿為晉公所忌仲章與臨川王
荆公厚善因表其墓安惠公弟越皆著書

名大觀己丑先子守新安衙幕官安惠公
所藏妙墨祕玩尚多存者益仲章能以翰
墨世其家故衍守之不墜而蘭亭古本尤
所珍惜以余酷愛久以見贈雖兵火艱難
未始不相隨也子孫寶之曾叔彥思題紹興

癸酉七月五日

大父正國調京師謁徐神翁至寶錄宮前逢道

人持一瓢一軸求售迺蘭亭敘也後有負

於

觀小印歐陽文忠公孫文懿公拓趙康靖

公繫胡文恭公宿在翰苑時題識道人笑

曰欲易袍且陳蘭亭真贋之辨歷歷有據

以一禍酬之攜歸高郵示秦太虛太虛驚

歎且跋其後建炎南渡莫知存在桑氏筆記

陶隱居論逸少書云吳興以前諸迹未至絕倫

凡好迹皆會稽時永和十許年中書又自

誓墓後益自珍不復為人書則蘭亭古今

猶貴固宜今本在世非一結體亦異書家

得褚庭誨所臨恨太肥洛人張景先得闕

石本又恨太瘦惟定武本肥瘠得中今觀

此軸豐而不餘瘠而不窘不失筆意端可

冠冕衆本也葛立方題洪慶善本

司業汪達家藏襖敘至多內一軸首跋乃康伯

可次有二跋云此本金石之祕寶也宜十

襲藏之紹興丙辰季夏十有一日觀於資

善堂武陽朱震書 曲水序自薛氏易古石
刻亂真者多此本誠可寶也紹興六年十
一月二十六日資善堂觀沖侍讀范公也又續
瑾印章印跋尾合縫有康伯可印

唐文皇初得此敕命歐褚趙摸馮承素韓政諸
葛承正搨本以賜羣臣故傳於世數本歐
陽公集古不錄定武本謂與王沂公家所
刻不異自山谷嘉定武本以為肥不剝肉

瘦不露骨於是士大夫爭寶之其實或肥
或瘦皆有佳處此本差肥而最有精神號
唐古本或云在永興年若定武自有三本
獨民間李氏本為勝其餘用李本再刻益

瘦細矣尤衰

汪氏藏本

定武之說不一有李學究所藏見春渚記聞有
孟水清所獻見姚氏叢語又集古所錄四
本其得於王文公家者與定武民間兩本

分毫不異當時自有數本明矣今所見之
種或闕或完而完本又有肥瘦之異世皆
以定武目之筆法相去不遠皆是舊刻而
薛氏所摹易偶是闕本或者遂以完缺辨
先後而謂薛氏鑿去五字以自別未爲至
論然校三本之優劣則肥而完者最得運
筆意薛道祖籤題爲唐古本乃此本也尤
爲可寶王厚之

淳熙戊戌
五月甲寅

自承平時中山石刻屢爲好事者負去如此本
固已不易得況太行北嶽墮邊塵中已五
十年乎撫卷太息陸游

觀王順伯袁起巖論蘭亭敘如尤延之著語猶
未免有疑論余乃安敢復措說於其間但
味務觀之言亦復慨然有楚囚之歎耳朱
嘉

蘭亭刻石雖佳本皆不免有可恨此唐人響榻

乃獨縱橫放肆不爲法度拘窘猶可想見
繭紙故書之超軼絕塵也其後書乾符元
年三月而觀者或以不與史合爲疑予按
歐陽公集古錄率以石本證史家之誤此
獨不可據以爲證乎陸游

世傳唐文皇所愛蘭亭蓋草豪也羲之醉中所
書醒後屢作皆不及之詔十八學士摹寫
又不知用何工本孰爲精到初本旣歸昭

陵流落世間皆摹寫者今人多重定武本
問其所分別不過以一二字爲證余過定
武得二本一差肥似新刊者一謂舊本與
人所取又不同余亦未能辨其是否迺得
唐搨賜侍臣本卷首尾三印曰賜書翰林
院文字延資庫之印備一時官吏銜名有
蔡君謨跋刊之郡齋甫畢而游君少達持
所藏定武本來余見而喜旣不去手因併

書之王信誠之

所刊本第十及十一行內有異字十一十二行內有

句章令
滿寫字

蘭亭敘古今共寶之而入石者非一當以定武

古本最勝徽猷閣直學士胡世將字豫章

刊二本一出於錢氏貞觀石本一不言所

出然俱不逮定武本也此本予得之江南

真定武古本方兵火蹂躪之餘世益難得

尤為可貴也澹巖老人書

紹興己未十一月三十日

余嘗從王順伯求觀其所藏蘭亭二本相類而

差肥一本瘦勁尤延之謂瘦者乃真定武

本而順伯則主肥者二公皆好古博雅其

辨古刻之真偽皆為後輩所推今不同如

此孰能決之此本乃類其瘦者順伯既著

語矣盍就延之而正焉以究其說陸九淵

蘭亭舊刻此本最勝而世貴定武本特因山谷

之論爾余在中祕見唐人臨本皆肥以揚

見

捏所藏薛道祖所題本驗之實唐古本也
而近世以此爲定武則誤矣余凡見前輩
所跋定武本悉有依據不敢臆斷其湍流
帶右天五字皆損後有。余所嘗見者當
自識之難以筆舌辨也尤哀

舊見里中人藏此本卷末有何子楚跋語云石
晉之亂契丹自中原輦國貨圖書至真定
德光死漢祖起太原遂棄此石於中山慶

歷中其石歸李學究李死其子始募以售
人後負官緡宋景文爲帥出公帑代輸取
石匣藏庫中非交舊莫得見熙寧中薛師
正爲守其子紹彭別刻本易歸長安大觀
間詔取石龕置宣和殿丙午與岐陽石鼓
俱載以北子楚余不熟其爲人而其說之
詳如此恐或有所傳承也晚又得姚令升
跋范元卿郎中本云慶歷中宋景文爲定

師有遊子攜此石走四方最後死營妓家
伶人孟水清取以獻子京愛而不受雷之
公帑元豐中薛師正爲師始攜石去其長
子雷厲本於郡鏡去湍流帶右天五字以
爲驗令升之說如此顧與何君山不合未
知孰是順伯出此本欲余著語余曰右軍
落筆時真有神助醒後更寫數十本皆不
及想其妙處雖右軍自不能形容余尚何

言輒書所聞二說於後期與博聞君子共
考訂之沈揆

紹興初遣中貴衛茂實交河南地
界是時講好之初人使往來中都
宮闕尚容觀瞻衛因與同事趙彥
恬遍歷其間至一閣壁度上有小
匾

徽皇御筆題云真定武蘭亭整有

十軸遂置其匣。褒之以歸。使回各藏其一。餘皆上之。九重世昌嘗見其孫監丞言此。

定武蘭亭敘熙寧中薛師正為其子紹彭竊歸洛陽。斷損湍流帶右天數字以惑人。宣和間歸御府。建炎初宗澤送之維揚。金騎焚維揚。方不知所在。此本未斷損。乃舊日定武所拓。尤可貴重。黃太史謂肥不剩。

肉瘦不露骨。謂此帖也。臨川王厚之跋長興施

本氏

唐太宗得右軍蘭亭敘真蹟。使趙模搨以十本賜方鎮。惟定武用玉石刻之。文宗朝舒元興作牡丹賦。刻之碑陰。事見墨藪。今墨藪無之。世號定武本。薛似尚書之為帥求之。不得。其猶子紹彭索公廚。有石鎮肉。乃刻牡丹賦於背者。道祖刻石以易之。攜玉石歸。

長安宣和中詔取之乃連夜墨搨冀得多
蓄流傳人間每疊三紙加氈墨焉故最下
近石字肉為真在上二紙字畫愈細浙西
都監楊伯時與薛氏孫為工部郎經同為
曹氏壻得薛氏本題清閔堂法書墨本最
為近古今止之聞為某人借去某人者死
問其子不知所在淳熙甲辰春與伯時相
遇於臨安得其厓略再見於京口復扣其

詳云爾因錄所聞書之薛道祖本後周勛
去年使金還定武送伴以民間所藏書本見示
正類此若郡所持售者又不及府治續刻
本因書於後永嘉許及之

紹熙甲寅
九月壘

必大與子中兄自少喜收法書前後得禊帖以
十數共評游氏所藏謂謝脫拘束而動容
周旋以印印泥不無慝當筆意奕奕妙入
神品益傳於今者惟定武瘦本最佳茲其

一也周必大題

慶元丁巳
臘月丁酉

南華以副墨爲子洛誦爲孫予亦謂前賢筆蹟
真者當祖之臨者宜孫之既鐫之石又傳
之摹本其屬猶近繼此益遠矣今定武蘭
亭帖其去昭陵所得殆曾孫行耶予竊傷
之昭陵繭紙既受發藏之辱定武堅珉又
遭金國之禍獨其曾孫得至衣冠禮樂之
地而見貴於中華士大夫之筆復三歎而

爲之喜又聞定武珍其石恐碑上損之故
摹本多淡且有二本其一頗瘠此豈淡而
瘠者乎其骨相必肖其祖見者當默識之

豫章京鏗題

慶元戊午
長至日

蘭亭脩禊敘世固不乏特佳本則精神煥發意
態橫生平生所閱亦多然如此本不過五
六與宿得於蘇魏公家本爭雄長皆熙寧
以前所拓山谷所謂肥不剝肉瘦不露骨

正此帖也吳興施宿題

以上六跋續得於祖武本後

蘭亭葬昭陵真蹟不復出摸勒豈無誤拓本徒
髣髴能解此意然後可與語蘭亭也流俗
不察獨取定武本爲真安矣予頃見唐刻
本有二一是正觀間石刻一是泗南山杜
氏所藏板本崇寧初米老嘗模刻於寶晉
號爲三米蘭亭鋒勢筆法絕不類他本區
區寶愛定武本者是不知有唐刻本也大

其

抵墨蹟與碑刻差繆豈止有千百里之遠
粗能存其曲刑而已何必高貲厚遺爭相
搜訪苟或得之自謂獲真本者是尤可笑
也翫古主人蔡山父題

陶安世古本

定武蘭亭石刻富春何子楚能道詳唐日正
本石晉末耶律德光輦而歸棄之中山爲
土人李學究所得韓魏公索之急李瘞諸
地中而別刻以獻李死其子乃出之宋景

文公始買寘公幣後為薛紹彭換取至大
觀間遂入宣和殿靖康中竟落北方故世
傳定武者有二今宣中所藏兩卷此其善
者也

容齋跋
定武本

市馬以神駿為主無問屈冀觀婦人以美為主
無問燕越書亦然順伯所藏脩禊兩副本
皆道宰精麗凜乎其生意存不必深辨為

定武否也

同上跋王
順伯別本

定武本自承平時已不易得況今日乎書學失
其傳久矣措法出蘭亭近世以書名家者
返不知也贊皇李處全題

定武
舊本

蘭亭敘右軍得意書唐虞世南輩皆嘗摹傳兵
火之餘所存止幾宣城太守趙公介然聞
宗人明遠有舊藏者出而觀之謂真虞永
興本也命勒於石元勛不伐

趙明遠本紹
興五年三月

庚寅

逸少蘭亭敘曾祖翰林所傳先王國中舊書寶
唐刻也元興樂毅論同卷今釐爲二宣和
元年十二月魯郡守錢伯定遜叔記建炎
二年五月廿八日丹陽郡齋雨中與李成
季賞鑒刻參校六七字不同李成季賞鑒
刻今附卷末蘭亭舊刻今不知所在傳於
士大夫家者凡三本此最爲真樂靜堂成
季題李公昭記頃在彭門見豎者田務本

季題李公昭記

頃在彭門見豎者田務本

家蕭生取蘭亭圖風神蕭灑不類塵俗中
物爲題其後云見贊田生以余賞之輒秘
其畫然畫實奇手也適道于性出蘭亭古帖
見伯父舍人公跋其謂所見二本此本最
真伯父蓄此帖當增九鼎之重矣適道其
寶之勿輕以示人他日隨銀盃羽化當思
僕言政和丁酉五月此帖本濟北于氏舊
物余頃跋其後戒其勿輕以示人意謂于

僕言

政和丁酉五月

此帖本濟北于氏舊

氏不能有也後十二年而當建炎二年余
自山陽來嘉禾道過丹徒帥守遜叔侍郎
出以示余觀伯父手澤并舊題恍然如隔
世其間得喪存沒事亦何限而余亦老矣
且知于氏果不能有也感物化之無常悼
歲月之遷流為之增慨十一月三日巨野
李邴漢老書比年石刻燔毀略盡此本獨
有存疑有神物護持韓駒丹陽蘇子美家

所收褚遂良臨正觀蘭亭正類錢氏國中
舊書與今世間所傳異矣曾軒蘭亭脩禊
敘真蹟陪葬昭陵世所傳摹刻皆唐人臨
寫雖工拙不同要皆可觀此其一也紹興
乙丑得之蔡運直夫白下濤叟此是王蘇承可
緯觀黃叔文觀王安國朱輔戊辰十月廿
六日觀於五羊郡齋此本今歲攻媿齋

蘭亭考卷六

蘭亭考卷七

審定下

黃伯思法帖刊誤曰讀蘭亭者以不知老之將
 至旁一僧字為作曾字案古蘭亭本二十
 八行至十四行間特闕者蓋接紙處與不
 知字適在此行之末梁舍人徐僧權於其
 旁著名謂之押縫梁御府中法書率如此

世昌集

僧字下止其權字世人殊不知此乃云僧者曾之誤因讀爲曾不知老之將至案晉史逸少傳及書錄第十卷皆載此敘但云不知老之將至並無曾字益可是正

蘭亭帖無如定武本此本不失古意疑百餘年物朱翌

舊藏蘭亭敘三本治平間蘇黃門自河朔持歸東坡先生謂疑是起草者後僧義祖摹刻

石本其一也又定武石刻黃太史云肥不剝肉瘦不露骨者又唐正觀中摹永禪師石本凡三也中原喪亂皆失之渡江來得晉陵胡安定家薛氏定武摹本與今石刻大略相似而此字畫尤近東萊蔡安強書蘭亭石刻定武兩本以前後分真贋此其最前者視諸本爲冠張澄題

蘭亭所傳智永與唐諸公臨摹者也而以定武

本為最襄陽張嶠巨山

紹興戊午八月二十六日

古今書稱右軍為首正書見曹娥碑妙絕超古
與鍾元常抗衡三十年猶及識於河南王
晉王家黃庭經樂毅論若兩手行書見蘭
亭敘高風勝韻為一代冠太宗褚遂良摹
勒賜近臣此本蓋有苗裔耶洛陽李處權
跋戊午中秋前三日
姚偃本
順伯好石刻成癖蘭亭善本收至三四未已余

家無一名帖顧必好之把玩不忍去手雖
未若順伯之膏旨然疾在腠理矣所謂不
治將深者耶曰明樓鑰大防宋本
蘭亭敘逸少得意書後賢多臨寫石本數十以
定武本為勝石歸薛氏亂後便復難得熟
閱悵然維揚朱犯同諱儒題於錢塘
米南宮謂蘭亭敘為行書第一黃太史謂蘭亭
敘摹寫或失之肥瘦要當以心會其妙處

二公之論古今無以加也世所貴者定武本此定武本之最善者鄭伯肅恭老

定武蘭亭舊本在承平時已不易得薛師正之子紹彭刻他本易去而於舊石斲損數字以惑人後此石龕置宣和殿壁渡江以來士大夫家凡得此本悉指為定武本不但肥瘦不同而精彩頓異其竹字託字宛轉處與夫字人字末筆意態橫生非他本可

及此斲去本自不多見況未經薛氏所斲之本乎此本舊所拓尤可貴余見蘭亭敘多矣此特一二見爾尤袁延之題

本淳熙丙午季夏望日

跋王頌伯第一

唐文皇既得脩禊敘命趙模韓道政諸葛損馮承素搨賜諸王近臣虞褚歐陽各有臨跡至今不知幾本而獨貴定武刻頌伯諸本皆佳顧以字肥而不刻者為定武則與余

所見特異揚旌伯時有薛道祖親僉題一本正肥云是唐古本平生所見前輩所跋定武本皆有依據一畢少董家賜本一蔣丞相家米元章褚人跋本一張文潛家王岐公跋本最後見澄江呂氏舒王所跋與此本無毫髮異其元缺處正同益信山谷所謂肥不剩肉瘦不露骨者後有識者當

賞予知言尤衰

順伯第二本淳熙四年仲春望日

定武蘭亭敘凡三本其一李學究本傳爲陳僧法極字智永所撫薛道祖別刻本易以歸長安宣和間歸御府前本是也其二字肥有鋒鐸道祖別刻畱定武與前本方駕人多誤爲舊本非也其三崇山字中斷字差瘦勁得於脩城役夫後藏康惟章伯可家伯可云舊刻與歧陽石鼓俱載以北宋元功云嘗從使金聞在中京揚伯時云與薛

氏為姻家定武本以玉石刻舒元與牡丹

賦併記之聊廣異聞右北平榮苞題淳熙十三

年五月十三日

舊聞薛師正帥定武得脩禊敘石于殺虎林乞

墨本者狎至薛惡敲聲刊別本以授之時

已二刻其子紹彭又摹易元本以歸自是

定武所刻凡二本政非舊物也今觀順伯

所藏亦未敢以薛氏刊本為證然在等輩

實稱第一余雖嗜此所蓄未敢自信當訪

佳本求正於順伯建安袁說友跋淳熙戊戌二月

望日

慶歷中宋景公帥定武有舉子攜此石至郡死

於營妓家樂營吏號河水清者見而識之

取獻景文景文喜甚不敢私有畱於公帑

世謂之定本後薛道祖撫換以歸長安宣

和中詔取舊石置睿思殿嘗以墨本

分賜近臣時先君通籍殿中遂得此本間
關兵火中迄今數十年祕藏不墜精神煥
發豈有物護持耶榮苞書

榮次新所藏本
淳熙三年八月

二十三日

曾大父得侍

徽祖經帷獲賜書畫金石刻數十定武蘭
亭其一也紹興辛巳敵破歷陽書卷俱燼
今見榮氏所寶不勝慨歎音同
光宗諱頤書

乾道辛卯正月十一日

外兄王嘉叟處藏蘭亭敘云初察先生得於
天上與此無異平時所見惟二本爾覃懷

李耆俊題

淳熙丁酉
五秋

熙寧末滕章敏帥定武大父以幕府從時蘭亭
敘石刻雷郡齋世人未知貴也大父撫十
餘本後十年薛師正分聞遂為其子道祖
易去天下翕然欲得而不可矣南渡以來

僕家僅存一本深寶惜之未嘗妄以示人
今觀榮次新所藏略無毫髮之異信可賞
也汝陰王明清識

乾道己丑
暮春庚戌

蘭亭得於薛氏最善薛與西京王參政家世爲
婚姻所藏二百本伯父伯兄皆塔王氏崇
觀間分二十本余得其一南渡以來所見
雖多大抵皆晚故多剝缺然今亦未易得

沈端節約之識

淳熙乙亥
十月既望

脩禊敘唐人所摹最有典刑者李學究得此石
攜以遊四方而終於定武宋景文爲帥取
而龕之郡齋遂以定武本著名於世熙寧
中薛師正之子道祖摸刻贗本易取歸洛
欲掩其跡而於攜去之石鏡損湍流帶右
天數字以爲異其跡終不可掩宣和間竟
歸天上其始末大略如此其獨冠於他本
者山谷所謂肥不剩肉瘦不露骨蓋其髣

髯矣此紙乃未歸薛氏時所摹尤爲可寶

王厚之書

慶元丁巳
丁元日

定武蘭亭爲薛師正之子紹彭易去宣和初其

弟嗣昌獻於天上

徽宗命龔置睿思東閣壁瑋康亂獨此石
棄不取

高宗駐蹕廣陵宗澤居守東都見之遣騎
馳進未逾月復南寇大駕幸浙失之紹

興中向子固叔堅帥淮南密旨令搜訪不
獲其後叔堅遭臺評以謂窮窘藏掘地土
蓋繇此紹熙壬子夏覓官脩門與順伯言
此世所未聞當識之所藏舊本之左斯碑
紙乃越竹豈非維揚撫打者歟中元口汝
陰王明清題於寓舍芙蓉閣

蘭亭敘肥不剩肉瘦不露骨如山谷語頗似定
本但以越紙拓故多疑之今觀王仲言所

聞殆幾是耶尤表觀

脩禊帖李中甫用定武本刻於寧海官舍所貴
定武本者以其鐫刻精好不失右軍筆意
而已中甫新刊或病其不能皆備衆體故
爲之解嘲曾槃樂道題

蘭亭以定武爲第一而定武復有二本真刻爲
薛氏藏去而以模本刻定武比於吳傳朋
處見真定武本略不與他本相侔此其次

也襄潭張嶧巨山書

紹興丁卯孟夏十四日
仲必毛平仲比

刻今在趙
仁仲家前

世傳逸少書帖外惟有蘭亭禊飲敘樂毅論黃
庭遺教四本蘭亭樂毅臨摹失真遠矣而
英姿逸韻雅有存者譬如忠臣義士瓌偉
絕特之才雖放棄江海形骸憔悴而威義
詞令毅然不撓猶足以度越庸人無數也
而黃庭遺教皆非逸少之蹟歐陽文忠公

以謂黃庭特後人緣山陰換鵞事附益所遺教出於唐寫經手余始聞而疑焉及精考蘭亭樂毅然後知文忠之言為不繆也高郵秦觀太虛題

右淮海先生黃素上所書蘭亭敘并題跋集中不載真蹟今藏高郵勾氏壽南家濟北晁子綺摹以入石因書絕句云少游寫就蘭亭敘逸韻英姿殆昔人我

祖同為長公客每於翰墨契精神但太虛新書誤增一曾字入行間豈本於東坡耶

山陰以蘭亭重蘭亭以禊帖重蘭亭故迹雖存而禊帖獨無善本因以定武古本刊諸石

廣平李洪書

慶元庚申仲春日李又嘗刻一本在安慶府云得於故

家

歐堯公集古今石刻可謂博而精矣而定武蘭

亭不見其可貴豈其時善本尚多更有出
定武之右耶此本肥瘦纖穠皆得其所而
法度森嚴典刑具存真定武舊刻也周紫

芝題

紹熙甲寅
五月一日

定武蘭亭余家所蓄數十本雖肥瘦勁弱不同

而各有所長張頌書

揚伯時本慶
元己未四月

余家有定武李氏所藏世稱善本因見此刻略

無少異衛涇書

慶元己
未仲夏

硬黃既不可得定帖獲其真者亦希矣

清悶
堂

山陰馮氏本跋云熙寧二年三月四日時在瓦

橋晁端彥美叔題次道書蘇易簡翰林所

作一篇元豐元年閏正月晦日謁美叔因

書之常山宋敏求元豐七年十月九日夜

觀蘭亭見次道手墨令人慨慕端彥題

此本有晁美叔宋次道跋為可寶宋所書

蘇公詩乃參政易簡題其家所藏唐人摹

本絹素上書今藏太常博士汪達季路家
余嘗見之第二本與揚握伯時所薛道
祖親題正同以為唐古本云尤哀題

蘭亭四本上還昔有唐刻妙甚兵火散失
長懷惘惘得觀諸本頗覺神明還觀第一
者奇絕不敢奪愛欲求第二者一本不審

可否音同儒再拜達道光宗諱機宜朝奉親友
達道嘗任宗丞知復州諱至游傳其子鏗字仲柔今在其孫詢之處

姜夔藏本有四其一題云蘭亭乃是舊本今定

州贖本略以十數亦各有好處然余輒能

辨之黃庭堅周翰嘗觀姜跋云嘉泰壬戌十二月得於童道

人山谷跋乃少年書已得永和筆法周翰者文及甫之字今此本歸檢正黃筆家或

云姜以他本聯此跋耳

汶陽間孝忠資道元符戊寅秋七月晦日謁道

濟聽琴畢覽蘭亭華陽王晉之乙酉十月二十日

此石今遂歸長安薛氏世所有者摸榻而

己葛次顏題

第一本姜跋云紹聖三年六月一日因得秦璽改元元府

戊寅崇寧四年龍集乙酉是時定武舊刻猶在薛氏未歸御府

靖康後舊刻無幾余收八帖皆故家物字體筆

法與損缺處校之只一石爾惟肥瘦不同

爾流俗不識妙處但以其無皴剝古意豈

能辨前代所摹石未漫滅時本哉單丙文

書於漢江舟中

第三本紹熙壬子至後三日

都下有董承旨者其先任定武藏禊帖甚富紹

興中有中貴任道源欲盡買之不許後尚

方取去百本酬以僧牒時有堂後官高良

臣及臺史盧宗邁皆得之高盧死出以轉

售故吾得之皆熙豐以前舊拓本五字不

損紙墨如新未經裝者末後尚有一空行

姑存之亦驗定刻之一助

第四本嘉定二年長至日

永和之刻歷代所寶前賢論訂當以東坡為是

正

羲之蘭亭記自永嘉亂亡其石癸卯歲僕游定
武聞富人李氏得之府帥下教則得墨本
一二而已因授於尚書王公使勒於琅邪
之後以大觀者焉守永陽郡杜符卿題

秋重
陽日

近見馮達道所藏蘭亭使人欲起拜畱觀百餘
日迺歸之今又得觀孟達本清瘦勁拔亦
其流亞也陸游務觀

嘉泰二年
重午日

脩禊敘乃畱定武未歸薛氏本承平日已不易

得況今日乎臨川王厚之

跋高續
古本

蘭亭以起草本為第一先公嘗言云末後空一
行者是初得邵氏刻本有勳字圖印在空
中又於姜堯章處見一本亦然司馬遵

康惟章官定武與字文粹中蘇叔黨田元邈劉
無言論蘭亭惟章云蘭亭各有佳處至於
點畫相去毫釐以為優劣此非具眼不能

辨也乃出篋中所有百本云此皆得定武

舊本非不佳顧皆在二刻後爾惟章次子名復用此

說跋高氏所藏本

石刻如右軍臨鍾繇墓田帖長安范氏玉石褚

河南靈寶經變相小楷祕閣開皇右軍諸

帖與定武蘭亭則石工妙矣高氏所藏以蘭

亭舊本歲久斷爛僅可標軸而意韻態度

邈焉高古如晉宋間人物風流超逸後人

皆不可及此本紙墨俱稍新而筆法備具

精神氣骨有跳天臥閣之雄觀之可喜可

愕及與舊本竝觀之則品格標韻似覺少

低然皆佳本浴人康復紹熙癸丑上元日

龍乘雲氣而上天鳳皇翔於千仞今見舊定本

蘭亭其猶龍鳳耶陸游慶元丙辰二月十一日

王逸少一不得意誓墓不出遂終其身子敬答

殿榜之請辭意峻甚豈知世間有得喪禍

福哉以此學二王書庶幾得之若不辨此
雖家藏昭陵蘭紙真蹟字字而講之筆筆
而求之去蘭亭愈遠矣謂予不信有如大

江陸游

六一翁集古所錄本四而定刻纔居其一米南
宮所藏以唐本為最優定刻次之物價豈
有常哉存夫人而已

李兼蘭渚
輯錄小敘

蔡山甫論蘭亭以古本為右云區區寶愛定哉

本者是不知有唐刻本也此亦頗鍼流俗
之膏已冒鞏豐

淳熙壬寅上巳飲禊會稽郡治之西園既玩順
伯所藏蘭亭叙兩軸知所謂世殊事異亦
將有感於斯文者猶信及覽諸人跋語又
知不獨會禮為聚訟也附書其後尤以發
來者之一笑或者猶以殘奏功名語右軍
是殆見其杜德機耳晦翁

因

讀右軍歲奏見其錯綜機務使逢其時能發明
功名著見於世矣蘭亭禊敘益國風兔爰
之倫千載而下迺獨以其書傳見王頌

伯定武舊本重為慨然陳傳良跋

淳熙四年十月

二十一日

近世論蘭亭敘感事興懷太悲蕭統所不取與
斜川詩縱情忘憂相云遠甚此似未識二
人面目斜川詩與風雅同趣固當別論若

逸少論議於晉人最為根據觀其與高深
源謝安石會稽王書可見舉世元學方盛
誰不能為一死生齊彭殤之言顧獨以陳
迹為感慨死生為可痛何也詩三百篇感
思憂傷聖人不廢約之止乎禮義以不失
性情之正此先王立人紀之大方也若夫
遣情於事外忘趣於情表晉以之淪胥矣
尚忍聞之哉東坡反蘭亭意為赤壁賦其

詞飄飄高遠終近家莊之氣象與元學不
相似逸少此文必有能辨之者

陳謙

此本所從得題識號澹巖老人者故右丞張激

也

見審定門

距今五六十年矣及郭由中乙丑

米元暉丙寅歲月皆可次第余既不能知

書姑信其遠者則此帖貴矣

葉適跋游帖

脩禊敘是右軍得意處當落筆時自有神助醒
後更寫十數本終莫能及此豈當以筆畫

求哉山谷晚得定武本已僅能髣髴存筆

意今距山谷又幾何時高摧真贗大似逐

塊摹寫肥瘦各自成妍當時存之於心會

其妙處爾解賞此語許渠具一隻眼

羅點

歧簡獻王得豪書之妙專以晉右軍王羲之為

法以極其變化至蘭亭脩禊敘樂毅論又

王所愛玩遺墨藏家廟者今雖僅存游嘗

獲觀皆奇麗超絕動心駭目王之孫不流

以從官長東諸侯懼書家不能盡見奇蹟
迺詆良工併刻樂石置會稽郡齋而屬書
其後

陸游

寶劍既分識者知其必合凡物在天地間離而
復會若有數焉余始得蔡君謨字二紙甚
愛之恨不見所跋唐榻賜蘭亭本及魯公
與澄師大德帖可稽其始末越數年僚友
石德興過余偶於卷軸中見之愕然良久

曰吾家舊物卻有此二本而無蔡跋及取
其遺余以足之相與賞異第不知何時折
而爲二今茲復會其適然邪其默有數邪
紹熙辛亥余守會稽因併刊之郡齋爲此

邦佳話云

王信

蘭亭考卷八

弘前豐宣
江氏藏書記

世昌集



推評

太平廣記載唐太宗遣蕭翼購蘭亭叙事蓋謫
以出之輒歎息曰蘭亭叙若是貴耶至使
萬乘之主捐信於匹夫傳稱子貢詐而存
魯弦高誕而存鄭遺一言之細建二國之
業猶不可以為常以太宗之賢巍巍乎近

古所無柰何溺小嗜好而輕喪其大哉晚
多間居頗屏世好獨於古人筆墨之遺愛
而不能置顧甚於小年喜官爵遲莫營田
宅者與前論異矣因誦白居易七德歌曰
功成理定何神速速在推心置人腹怨女
三千放出宮死囚四百來歸獄復歎曰太
宗以一旅取天下惟信爾夫不吝三千女
而放出宮自信也不約四百囚而來歸獄

人信也晉舍原何足道哉全魯存鄭利重
譎譎也愛蘭亭叙事小於欺也其老而將
傳至從其子求書從葬亦累矣累物均病
於行若太宗不累者大累者小則世將曰
此何足以論諸信不信之間士之行已亦
若此而已然則此書雖以石刻傳可寶也
崇寧丙戌前冬至五日東臯流憩洞李李
良出之晁補之題記

阮正敏遊齋間覽載其季父虛中語云右軍蘭亭記其文甚麗但天朗氣清自是秋景以此不入選而正敏又謂絲竹管弦亦重複豈未熟張禹傳耶漫錄謂承漢書誤是也

山樵
夜話

張彥遠法書要錄所載何延之蘭亭記叙云自右軍留付子孫傳七代至永禪師付弟子辯才太宗至遣監察御史蕭翼微服作書

生以詭辯才始得之然劉餗傳記云蘭亭叙梁亂出於外陳天嘉中為僧智永所得至太建中獻之宣帝隋平陳或以獻晉王即煬帝也帝不之寶後僧智果借搨及癸極竟不從索果師死弟子辯才得焉文皇為秦王日見搨本驚喜乃貴價市大王書蘭亭終不至焉及知在辯才處使歐陽詢求得之以武德二年入秦王府貞觀十五

榻十本賜近臣帝崩中書令褚遂良奏蘭亭記先帝所重不可留遂祕於昭陵焉劉餗父子世為史官以討論為已任於是正文字尤審則辯才之師智果非智永求蘭亭叙者歐陽詢非蕭翼也此事鄙妄僅同兒戲太宗始定天下威震萬國虺殘老僧敢斬一紙耶誠欲得之必不狹陋若此況在秦邸豈能詭遣臺臣亦畏信之何耶或

云第十五行有僧字蓋時榻本至多惟此僧果所藏為真本故署僧字以別之或以為曾不知老之將至非也。王銍

此跋與范丞相家所藏首尾不同前一段已載紀原門後有云滕章敏公元發嘗為先子言帥定武日聞之故老慶歷中宋景文為師有士子攜此石遊走四方最後死於營妓家樂營

吏孟水清取以獻子京愛而不敢有也。畱於公帑自是定武蘭亭傳天下。幾四十年。至元豐中薛師正樞密為帥。攜去其子紹彭別撫贗本在郡。然其親友猶於薛氏得舊本也。大觀間其次子嗣昌始內之。御府靖康之亂不知所在。云建炎三年十一月望汝陰王鉉書。

此跋載歲月次序頗定。卻無或云以
下語。姑備錄云。世昌

永和。中王羲之脩禊事於會稽山陰之蘭亭。羣賢畢至。少長咸集。序以謂雖無絲竹管弦之盛。觴觴一詠亦足以暢叙幽情。則當時篇詠之傳可考也。今觀謝安五言詩曰。萬殊混一象。安復覺彭殤。而羲之序乃以為一死生。為虛誕。齊彭殤為妄作。蓋反謝安

一時之語而或者遂以為未達此特未見
當時義之之詩爾其五言曰仰視碧天際
俯瞰綠水濱寥闐無涯觀寓目理自陳大
矣造化切萬殊莫不均羣籟雖參差適我
無非親此詩則豈未達者耶史載獻之嘗
亦味與兄徽之操之俱詣謝安二兄多言獻之
寒溫而已既出客問優劣安曰小者佳吉
人之詞寡以其少言故知之今王氏父子

昆李畢集而獻之之詩獨不成豈亦吉人

之詞寡耶景祐中會稽太守蔣堂脩永和

故事嘗有詩

見詠贊門

蓋為獻之等發也

葛常之五方

晉右將軍書為世所寶於今八百餘年其間以
書法垂世者無慮數百千輩莫不敬而神
之未有以一言竊議者可謂古今獨步矣
脩禊詩序又其所自愛重付之子孫者則
又可知獨不甚聞於宋齊間時尚未出也

唐興文皇得之而後盛行於世論者言自
唐以來以及我宋未有不得乎此而稱
名世之書者蓋萬世法書之所自出也此
序真蹟真刻皆亡已久今所有者唐世撫
榻所傳承平日惟定武號稱第一尚幸及
見之歐陽文忠公集古有四未嘗盡得今
雖有之亦莫能辯山谷嘗論褚河南所臨
及豐肥因及洛下張景元龍圖所藏而云

王夫劇地所得者蓋築地則此石當為杵碎因
築得之中有柄竅縱廣僅數寸大都不過
三十餘字初號杵蘭其字輕瘦勁健與定
武本不可高下神氣飛動尤覺天成識者
云此真褚河南所臨也自是易名褚蘭猶
憶靜躁諸字妙處不能形容以此知昭陵
所藏蓋可想見因思天下尤物昔人所謂
百不為多一不為少雍意不然不可無一

不可有二一或可保二則騰空而去矣書
詰有言樂毅黃庭但得成篇足為國寶況
此序為絕筆字方知文忠千卷不無濫錄
鄴侯三萬奚以多為雍衰老之年得再觀
定武舊本於夷陵迺三歎息而書其後淳
熙辛丑歲中秋日河南郭雍書

雍峽州人號冲晦先

生字頤正

王羲之蘭亭三日序其辭翰為世所寶然議者

以謂梁昭明太子不集此篇於文選者以
其有天朗氣清之句或者以為不然季春
乃清明之節朗亦明也於義未病予因讀
楚詞云秋之為氣也天高而氣清由是知
昭明之所去取也又如所謂管弦絲竹之
樂語衍而複茲皆逸少之累歟

王得臣塵史

范季隨一日謁陵陽公坐間見文選一冊公指

以相示曰古語云文選爛秀才半其間有

多少事一客輒曰常聞人言王右軍蘭亭
叙不入選蓋為不合有絲竹管弦之語絲
竹即管弦也又天朗氣清不當於春時言
公笑荅荅客退叩之公曰春多氣昏是日
天氣清朗故可書如子美詩六月風日冷
之義絲竹管弦四字乃班孟堅西漢中語
梁以前古文不在選中者至多何特此叙
耶安可使出議論陵陽室中語

世說王右軍得人以蘭亭集叙方金谷詩序又
以已敵石崇甚有欣色注云王羲之臨河
叙則是叙亦名臨河劉孝標當有所據東
坡曰此許敬宗之言敬宗人奴也見李倫
金多故以為賢於右軍爾夫二十四友皆
望塵之流豈足比方逸少耶東坡山陰陳
迹詩強把先生擬李倫

徐彥和送此卷云是右軍所繪圖余觀此榻上

偃蹇者定不解書蘭亭叙也右軍在會稽
時巨溫求側理紙庫中有五十萬盡付之
計此風神必有巖壑之趣爾永思堂書山

題右軍所
繪圖後

謝安人物為江左第一其為政殊未可逸少意
作書識誦殆欲痛哭此可謂君子愛人以
德者以紙五十萬與巨溫何足道哉此乃
世謂蘭亭之會或以比金谷而以安石比李倫

賈音聞而甚喜金谷之會皆望塵友也李倫於
逸少如鷓鴣之於鴻鵠尚不堪作奴而以
自比決是晉宋間妄語史官許敬宗真人
奴也見李倫金多賢於逸少今魯直亦怪
畫師不能得逸少高韻不難哉

徐師川云蘇端明嘗言魯直雜文專法蘭亭

談叢

米寶晉嘗有一帖與宗虞世恬之子太尉云先

東坡跋
所繪圖

山後

公墓誌頃刻得筆不使麤細相聞如蘭亭
披之花雲滿目乃非吏人書也此亦可以
開示習蘭亭之蹊徑也

山樵
夜話

右軍器字詞翰三者俱優而曲水序中有樂極
悲來嗟悼之意文選中王元長曲水詩序
曲水叙不收豈昭明深於內學以羲之不
達大觀之理故獨遺耶 晁氏
寶晉題黃素黃庭經後有云逸少真書惟此經

與樂毅論太安歲告誓文累表也蘭亭洛
神賦皆行書其他並草書也草十行散行
書一字行書十行散真書一字爾

寶章
集

蘭亭絲竹管弦或病其說歐陽公記真州東園
沈以畫舫之舟曾子固以為疑

蘭亭集或以方金谷叙右軍甚喜此殊不可曉
郝嘉喜人以已比苻堅殆同此病陳公虞
居洛為禊飲與客酬唱無愧山陰之叙者

謂禮義無疎曠之比道藝當筆札之工誠
不愧矣余觀逸少安石邁往不屑之韻豈
但筆札之工公虞自云無愧蓋王謝之細
耶韓安國不能賦罰酒三斗子敬詩不成
亦飲三觥議者以是少之瑀蟲生遂有矜
色彼豈謂一詩一賦足以盡豪傑之士哉

胡明仲跋羅長
卿所藏蘭亭詩

義之傳云初渡浙江便有終焉志會稽佳山水

名士多居之謝安未仕時亦居焉孫綽李
克許均支遁與義之同好嘗燕集山陰之
蘭亭羊欣筆陳圖云義之年三十三書蘭
亭叙王師乾撰右軍祠堂碑云右軍自內
史後峻誓墳塋捐棄龜紐曲水蘭亭自為
之序黃長睿東觀餘論云永和十年右軍
年三十八時已去會稽郡矣何延之蘭亭
記云永和九年暮春官遊山陰脩禊禮所

記右軍出處年歲皆不同晉傳云義之初
渡浙江有歛焉志會稽佳山水名士多居
之嘗與同志燕集山陰之蘭亭爲之叙以
申其志信如列傳則蘭亭之遊乃右軍隱
居之日也按通鑑云永和四年殷浩以江
州刺史王羲之爲言軍八年王羲之遺殷
浩書諫北伐十年以前會稽太子王述爲
揚州刺史又晉傳羲之自護軍右將軍會

稽內史實代王述及述刺揚州臨發一別
而去後王述扞察會稽郡疲於簡對稱疾
去郡於墓前自誓時永和十一年之三月
也以此推之歲在癸丑爲永和九年其時
爲會稽內史無可疑者晉傳旣脫畧羊欣
王師乾輩所記皆舛黃長睿號該洽嘗跋
右軍破羌帖云永和十二年去會稽郡已
歲餘此語良是至東觀餘論則自相牴牾

有不可解傳又言右軍壽五十有九按右
軍生於惠帝大安二年癸亥沒於穆帝五
年辛酉以此推之右軍蘭亭之遊時年五
十有一當是時謝太傅隱居東山遂同此
集碑署瑯琊王友謝安是也葛常之韻語
云一死生爲虛誕齊彭殤爲妄作蓋用謝
安一時之語或者又疑羲之傳爲會稽內
史日與尚書僕射謝安書云按謝太傅以
升平四年爲巨野武司馬後十餘年始當
國爲僕射而永和八年爲尚書僕射者謝
尚也以尚爲安乃傳之誤李康

蘭亭考卷八

蘭亭考卷九

法習

世昌集

右軍之書代多稱習良可據為宗匠取立指歸
 豈惟會古通今亦乃情深調合致使摹搨
 日廣研習歲滋先後著名多從散落歷代
 孤紹非其效歟試言其由略陳數意止如
 樂毅論黃庭經東方朔畫贊太師箴蘭亭

集序告誓文竝代俗所傳真行絕致者也
寫樂毅則情多拂鬱書畫贊則意涉瓌奇
暨乎經則怡懌虛無太師箴又縱橫奇折
暨乎蘭亭興集思逸神超私門戒誓情拘
意慘所謂涉樂方笑言哀已歎豈惟駐想
流波時貽嗶暖之奏馳神睢渙方思藻繪
之文雖其目擊道存尚或心迷議舛莫不
強名為體共習分區豈知情動形言取會

風騷之意陽舒陰慘本乎天地之心終過庭書譜

褚遂良正行全法右軍浴都袁氏家遂良書帝

京篇一卷體裁用筆竊效蘭亭法書苑一本云今司

徒王欽若

山谷遊荊州得古本蘭亭愛玩不去手因悟古

人用筆意作小楷日進曰他日當有知我

者山谷家傳有云公楷法妍媚自成一家餘與此同

東坡道人少日學蘭亭故其書姿媚似徐季海

至酒酣放浪意忘工拙字特瘦勁迥似柳
誠懸中歲喜學顏魯公揚風子書其合處
不減李北海至於筆圓而勁勝挾以文章
妙天下忠義冠日月之氣 本朝善書自
當推為第一數百年後必有知余此論者
東坡墨 跡後
王著臨蘭亭序樂毅論補永禪師周散騎千字
皆絕妙同時極善用筆使胸中有書數千

卷不隨世碌碌則書不病韻自勝李西臺
林和靖蓋羨而病韻者王著勁而病韻者
周越皆渠儂胸次之罪非學者不盡切也
顏太師稱張長史雖姿性顛佚而書法極
人規矩也故能以此終其身而名後世如
京洛間人傳摹狂怪字不入右軍父子繩
墨者皆非長史筆蹟也蓋草書法壞於亞

栖也
周子發帖

古人作蘭亭叙孔子廟堂碑皆作一淡墨本蓋見古人用筆迴腕餘勢若深墨本但得筆中意爾今人但見深墨本收書鋒鉞故以舊筆臨做不知前輩書初亦有鋒鏘此不傳之妙也

淡墨研銘

子瞻少時學蘭亭極適媚中年以來筆墨重實

李北海未足多也

東坡書

今時學蘭亭者不師其筆意便作形勢正如羨

西子捧心而不自寤其醜也余嘗觀漢時

石刻篆隸頗得楷法後生若以余說學蘭

亭當得之

元祐六年十月丙子但風於燕湖縣徑行到吉祥寺曾直題

王氏書法以為如錐畫沙如印印泥蓋言鋒藏

筆中意在筆前爾承學之人更用蘭亭永

字以閑字中眼目能使學家多拘忌成一

種俗氣要之右軍二言羣言之長也

跋政絳帖

東坡云大字難於結密而無間小字難於寬綽

而有餘寬綽而有餘如東方朔畫像贊樂
毅論蘭亭禊事詩叙先秦古器科斗文字
結密而無間如焦山崩崖瘞鶴銘永州磨
崖中興頌李斯嶂山刻秦始皇及二世皇
帝詔近世兼二美如揚少師之正書行草
徐常侍之小篆此雖難於為俗學者言要
歸畢竟如此人眩時五色無主及
澄氣定青黃皁白亦自粲然學書時時臨

模可得形似大要多取古書細看今人神
乃到妙處唯用心不雜乃是入神要路

一本云東坡云云此確論也予嘗
申之曰結密無間瘞鶴銘近之寬綽而有

餘蘭亭近

已上
山谷

蘭亭考卷十

大矣詠贊

羲之年三十三書蘭亭三十七書黃庭經書訖

二春間空中有語卿書感我而況人乎吾是天

台丈人

羊欣筆
陳圖

二王書語中有蘭亭詩云悠悠大象運輪轉無

停際陶化非吾匠去來非吾制宗統竟安

在即順理自泰有心未能悟適足纏利害

未若任所遇道遂良辰會其一元章云王仲攷叔蘭亭詩

一卷倍悠大象運殆是一種分閱

三春啓羣品一作寄暢在所因仰眺碧天際俯

磐綠水瀕寥朗一作無厓觀寓目理自陳

大矣造化功萬殊莫不均羣籟雖參差適

我無非隣其二御府本及陸東之本隣作新又有作親字第一卷此詩無

前二

猗撫二三子莫匪高所託造真探元根涉若

過客前識非所期虛室是我宅遠想千載

外何必謝曩昔相與無相與形骸自脫落

其三

鑑明去塵垢止則鄙宏生體之固未易三殤解

天刑方寸無停主矜伐將自平雖無絲與

竹元泉有清聲雖無嘯與歌詠言有餘馨

所樂清一朝寄之高千齡其一

合敬固其常脩短定無始造新不暫停一往不
再起於今為神奇信宿同塵滓誰能無此
慨敬之在推理言立同不朽河清非所俟

其五法

書要錄

柳子厚邕州馬退山茅亭記曰蘭亭也不遭右
軍則清漪脩竹蕪沒於空山矣

韓漳州跋澈上人詩云早歲京華聽越吟聞君
江海分逾深他時若寫蘭亭會莫畫高僧

文道林

韓忠獻王帥定武嘉得蘭亭石刻詩云臺英正
約尋芳會誰是山陰作序人又云欲繼永
和脩故事愧無神筆走龍蛇又云欲學永
和當日序愧無奇筆紹前蹤又云一觴一
詠無絲管恰似蘭亭列坐時又云休論俛
仰為陳迹且學山陰被襖杯又云會餘俯
仰皆陳迹不醉山陰定笑人

東坡墨妙亭詩蘭亭繭紙入昭陵世間遺迹猶
龍騰顏公變法出新意細筋入骨如秋鷹
東坡和陶詩云再遊蘭亭然數永和考蘭亭之
會自右軍謝安凡四十二人後大歷中朱
迪吳渭吳筠等三十七人經蘭亭故池聯
句賞有文辭會歡同癸丑年之句必用是
事姚今成西
溪叢語
華鎮會稽詠古詩墨妙風流亘古今等閑迹

冠山陰身聞正觀求真跡眼見天章照茂
林鐵限僧房跡未移千通真草了無遺蘭
亭墨妙何由見祇記
山中父
老尚能

說蕭
翼事

薛道祖詩東晉風流勝事多一時人物盡消磨
不因醉本蘭亭在後世誰知舊永和清閣
堂揚

伯時
本

樂城山陰陳跡詩臥對郝人氣已真晚依丘壑

更無倫不須復預清言侶自是江東第一

人

注云逸少知清言之害然
蘭亭記亦不免慕清言耳

山谷題楊凝式書俗書喜作蘭亭面欲換凡骨
無金丹誰知洛陽揚風子下筆卻到烏絲

欄

山谷贈止十四詩擁書環坐愛牕明松花泛硯
摹真行字身藏穎季幼清問誰學之果蘭

亭

蘇易簡題家藏蘭亭詩有若像夫子尚興閣里
門虎賁類蔡邕猶旁文舉尊昭陵自一閑
真蹟不復存今余獲此本可以比瓊璫

蔣之奇墨妙亭詩蘭亭搨本得遺法字體變化
人莫窺拔飛壁門勢屈矯矧出獄底光陸
離可憐闕齧侵點畫鐵網買斷珊瑚枝

永徽中所撫蘭亭叙後題云永徽去正觀不遠
得真為最其詩曰永和九年暮春月內史

山陰幽興發羣賢題詠無足珍叙引抽毫
取奇札好之寫來終不如神助畱為後世
法二十八行三百字模寫雖多誰定似昭
陵竟發不知歸尚有異形終可祕彥遠記
摸不記紙要錄班班有名氏後生有得若
求齊俗說紛紛那有是
熠熠客星豈晉所得養盃泉石畱腴翰墨戲著
談標書存馮或鬱鬱昭陵玉盃已出

無類誰實真物如月非虛志專乃一繡線

金鑄瑤機錦袂猗歎元章守之勿失

翰墨風流冠古今鴛池誰不賞山陰此書雖向

昭陵朽刻石猶能易萬金紹興十六年歲次丙寅季春二

日懶拙翁承元暉政於行朝天慶觀東私
居書航之北牕時雨霽風和窗明机靜投
閑杜門為情良適觀正觀備
序九快人意也跋致柔定武本

圖契扞稱聖智萬古奔沈餘未伎蘭亭醉墨

更無加始信功名皆儻爾度翼兒即豈不

黠自是家雞卑野雉退之強聒六藝疎見
處纔能到姿媚丞相有金那得取不與官
家深自秘卻因同好露心胸誤使蕭翼誇
善計摸金何用置中郎溫韜家有昭陵盃
披沙但只取黃金剔軸安能收故紙天章
寶塔高環峨永著文皇好文藝至今油蠟
摸未已善本何辭萬金棄以上
賈晉

真偽紛紛聖得知風流千古一義之山陰勝槩

今何在卻有人傳定武碑

李大夫
跋游本

逸少遺墨尤貴蘭亭至於玉石不肖隨耶律入
旃酪之腥此為異也臨紙三歎繫之以詩
英華最忌彫元氣骨瑩神清袂袂時蠶繭
鼠鬚雖我助家雞野鷺竟誰癡梓棺賻穢
從英主玉石遲番冒裔夷今日中原陷荆
棘摩挲墨本鬢成絲

昭陵忍死覓繭紙月在長空影浮水來禽不傳

練裳毀婢作夫人喪客止家雞野鷺知何
以醜婦撫膺羞欲死若家所藏脩禊字如
錐畫沙更無比定武長沙蛇蚓爾

王仲衡題
袁氏本

河東薛紹彭勒唐榻硬黃本嘗贊其後云文陵
不載啓古刻石已殘鋒鋸久自滅如出振
筆端臨池幾人誤詎識筆意完正觀賜榻
本尚或傳衣冠茲實兵火餘分派非殊滌
妙用無隱迹神明當復還祕藏懼不廣模

勒金石刊庶幾將墜法可續後世觀來者
儻護持何止敵璵璠

清閣
堂本

柳公權紫絲鞞蘭亭詩二帖待制王廣淵摹石
跋云龍圖大諫李公帥府暇日出書請撫
石李公李師中也寶晉的聞云今在富鄭
公子宿州史君家

定武本自薛嗣昌進入 詔龕置宣和殿壁或
云睿思東閣後徙良岳瑪瑙亭舊傳宮詞

云瑪瑙亭根萬寶陳珠連壁合關精神眇
然一片中山石有許光芒獨冠倫蓋謂是
也或說米寶晉所賦清平詞之一章采氏筆記
文皇嗜好非聲色偶愛蘭亭亦其癖河南猶恐
後來聞竟使昭陵隱真蹟世間能悟知幾
人墨本珍傳意愈勒有似春雲隱明月光
影還到千江分法曹得此深恨晚有客攜
從大梁遠多言南渡罕曾見大勝薛家蟬

翼本嗟我學書從少年較計點畫分媿妍
老拈撇筆萬事懶忽見錦軸心淒然真行
姿媚公所取篆隸何妨更兼有退之但作
石鼓歌談笑譏訶換鵝字新安羅頌
堂堂淮陰侯夫豈噲等伍放翁評此本可作蘭
亭祖馮氏所藏蘭亭二本得之昭德晁氏
端彥字美叔說之字伯以公毫字武
子其三世也嘉泰二年二月六日陸游年七十八題
蘭紙藏昭陵千載不復見此本得其骨殊勝蘭

亭面右定武舊本蘭亭骨氣卓然可見不以流滿帶右天五字定真贗也陸游識

南朝千載有斯人拈出蘭亭花草春俛仰之間

已陳迹至今此紙尚如新揚誠齊跋袁起巖本

劉度次裴過蘭亭書堂詩蘭亭擬金谷逸少比

季倫史臣作此語無異屠沽人若看蘭亭

墨歲久迹豈陳當時本嬉戲後世乃見珍

我行適春暮及此禊飲辰墨池奏環珞書

當暗松筠堂中有遺像儼坐遺冠巾情知

金堂仙可望不可親物色儻見之欲去猶

逡巡

昭陵永闕千年迹定武相傳幾樣碑此是中原

舊時本石今焉往落東夷君家何處得此

紙刻畫爛然猶可喜六丁神物好護持更

有諸賢題姓字環澗王容

路入山西更向西雨和春雪旋成泥風吹疊嶽

雲頭敬月照平湖鴈影低拄杖負書尋遠

寺倩童牽鹿渡深溪今朝獨宿巖東院唯

聽猿吟與鳥啼

蕭翼宿雲門東客院

絕頂高峯路不分嵐煙長瑣綠苔紋彌猴推落

臨崖石打破下方遮月雲

蕭翼題雲門

右蕭翼詩辭不多見此二詩在雲

門作所謂拄杖負書者正訪蘭亭

時也似孫題世昌近於東壑陽高續古校書法書名畫

方見此詩及跋使御史不有此行鳥得是清絕語故具載之

一麻毛晉守八體入神書墨水傳遺蹟蘭亭表

舊居挂冠高興逸坦腹舊林虛峻嶺崇山

景依然想似初

高祖之右軍祠堂

王龜齡會稽詩羣賢少長畢經過曲水流觴憶

永和一代風流已陳迹世殊事異感傷多

悟言一室許誰親相遇無非我輩人放浪

形骸嗟老矣仰觀宇宙尚艱辛

右軍書最珍此者以其草豪塗竄之餘初不用

意而筆墨蕭散自有天然奇趣耳無心工

拙當間暇信手縱橫盡技能朱蠟瞻摹猶

若此可憐真蹟殉昭陵紹興戊午秋因觀畢氏所藏定武舊

石本為題前句河東薛儂季同

昭陵繭紙傳夢事脩禊千古欽餘芳公今克攜

定武本趙北復歎塵沙黃細看筆力自外

出妙處畫裏藏鋒鋌漢官威儀落眼界九

鼎之重虞窺攘暗中摸索辨真屬葦屋猶

有千丈光翹車道逢我所嗜流涎顧視裾

淋浪祈公分貺我一本小儒不願尚書即

頃在建康少董寶此凡三本是時已作此語及過臨安少董竟以一本為貺暇日復過書堂又觀此善最因書前詩以繼其後康山田秀寶

生涯寄簞瓢嗜古成傳癖胸蟠萬卷書襟帖究

所出三百七十五異論溢編帙更相自戈

矛又類相形色我昔識諸老高論聆侍側

王筆貴藏鋒真屬拚金錫精神為不具徒
 爾致研席披訪諸賢語編類置文室使我
 心豁然登山如得屐妄意放斯文庶可益
 涓滴作詩謝來況持寄侯他日
趙徽州彦
衛倅台日
帝許蘭亭二三說丙辰春
因以詩扣之此其次韻也
 形槁木心死灰被裘褐積瓊瑰彼烏紗而阜帶
 其慢言似高其游言似詼機心舞於眉端
 蓋有與之偕來乎
李漢夫跋曰粉本家
藏蕭生取蘭亭圖

蘭亭考卷十

蘭亭考卷十一

桑 昌世集

傳刻

御府

一本紹興元年秋八月十四日刊定武本

後有寶字方印及 御製跋

一本會字全不界行斯文下有負觀草印

上角微圓末篆書題負觀石刻紹興

乙卯重刊

己上二本又見紹興淳熙雜法帖內

一本闕在癸丑稽山陰之蘭亭脩長比林脩竹又有清流激湍其二十一字有

紹興雙印

一本領字有山字會字全無界行有紹興雙印

一本會稽下闕山字較篆紹興雙印

定武

一本天字小損其瘦勁

一本天字全字肥

此疑是古本

一本鑿損瀉流帶右天五字

一本崇山字中斷第六第七第八三行破

裂無絲竹管弦之一觴一詠亦足以

是日也十六字榮芝云定武脩城後

夫所得後歸康惟章家

一本棗木刻五字不損

王順伯所類本內

一本亭列幽盛遊古不羣殊九字不全

右今士大夫家所藏本末易殫紀其
詳有已見於審定卷者不復重出
特舉其槩爾

會稽

一本辛道宗跋云宜和庚子冬被命平二

浙賊明年夏剡溪掃殘孽還訪蘭亭

遺跡於天章寺是時兵燹初絕盡為

荆棘瓦礫之場王謝風流惟山川在

爾裴回四顧為之歎息求於越人得

舊脩禊叙筆畫失真意謂當有來者

能求佳本刻之林下後十年建炎庚

戌歲扈 蹕再至雖舊寺棟宇已成

而所斯未副矧山陰無蘭亭帖豈非

是邦闕遺也遂以唐臨本刻石卷有

太上皇帝宸翰

係是 微廟御書唐
賢所臨 蘭亭六字以

御寶印
其上 鑒賞後則蔡襄君謨宋敏求
次道一時名公題字又曰延高者周
仲章也安惠公起之子膳部外郎越
姪也其家圖書為當時第一此本淵
源固有自矣曰大防呂汲公也曰陟
爰世弼也曰尋劉執中也曰洙孫巨
源也曰彥先許覺之也曰仲來豫章
李定也因併刻之石以遺山中僧庶

幾少補訪古幽討之士攬詩云紹興
改元五月甲午又紹興元年 車駕
駐會稽正月十二日會宰屬官於政
事堂之別廳時辛道宗為樞密都承
旨出所藏唐人臨本蘭亭云出內府
毘陵張守金陵李回洛陽富直柔襄
陽范宗尹同觀或云辛道宗所刻不
存闕雖當其欣於已
快然自足不之將至所之既倦
情隨事等字又第五字有察字

一刻蠟紙本有少長咸欣俛仰之間以為

陳跡猶不十四字雙鈎不填後題乾

符元年三月詳見臨

一本後有僧權署字係題開寶十八年三

月二十日

洛陽

一本不痛哉若合一契兩行之間甚闊止

無會字

邯鄲

余嘗見此本於表姪陸寓處清勁可

愛自第一行至第十七行下皆損一

字移注於其上後跋云定武蘭亭真

本今已不知所在據有家藏者因官

邯鄲乃摹於石以永其傳大宋元祐

四年張揅益仲

婺女

一本在倅廳自第十三行至末橫裂而上
又自二十八行後自裂處五行詢之
者老云其石碎已百年王自牧家有
未經刊缺時本庶幾定武典刑也
一本自南澗家
一本褚遂良正觀八年所摸序首無永字
雖古而未盡善也

豫章

一本前有忠孝之家方印後題唐貞觀中
石本後六印作一行錢形忠孝之家
印黃扉珍玩又三印字不可辨末同
前方印

一本在法帖內第十十一十二十三行有
橫裂文

一脩城所得本前有薛稷書義實過盈尺
參神明以長生區以曜物得麒麟兩

行十八字後

高宗皇帝取石入

德壽宮

行今鼎此兩

中刊在薛稷書內又王仲信跋云此本得於西霞夫道士云長安政和中脩故宮掘地得此石其精神鋒鋷在真定本上

七閩

刻貞觀本與豫章同前有忠孝之家方印

後亦同前六印但第五印在後行下

有漢北平守世家印印後方題唐貞

觀中石本

括蒼

三本會字全有界行後題樸家本畱刻仙

都紹聖丁丑蜀人劉涇

金陵

一本熙寧丁巳六月二十七日省局手裝

堯民誌後跋云蘭亭石刻世以定武

為最先公熙寧間得此本誌而藏之

述今七十有一年懼歲久字澤湮漫
併刻於建鄴府治紹興丁卯十一月
旦清豐晁謙之謹題

上饒

一汪氏本刻同豫章自第十至十四行橫
裂後有汪德輝忠衛社稷之家二印

景陵

一本自第一行首至第七行末裂文甚大

乃景陵郡齊舊物湮沒民間日久郡
守何文度得之紹興丁丑歲十月十
有二日跋

九江

一本自第五行首至九行末有大裂文

龍舒

一本刻褚書有篆額蘭亭記作長行後有
黃扉珍玩印忠孝之家圓方兩印題

貞觀八年褚遂良摹

八桂

一本用米實晉本闕後有米氏印記

永嘉

一本字大行闊并刻乾封二年懷仁集右
軍及序有秦吳三跋

丹丘本

一前有薛稷篆十八行字者見存彭潛家

云得之洵河之夫

常德

一本乾道間所刻具三體仍載坡谷諸跋
在其後有殺胡林一事尤佳

臨川

一掘出麻姑石本列坐盛是日六七八三
行裂損十九字

一本無會字及界行後有玉冊官揚仙芝

摹刻八小字

周安惠家本

此本見存秀邸有曾侯彥思跋曾得於越之姪行及大觀己丑歲也紹興癸酉重加表飾已四年

陳氏本

簡齊用池紙臨中闕痛字

高宗所賜臨本亦然似是御本寫

也

三米本

米氏父子模刻於淮山樓

杵本

因剗地而得者有柄竅初號杵蘭亭後易為楮

陶氏本

陶憲足字安世多藏秦漢以來古物

有定武本

褚葛氏本

字極大恐是別本模

錢氏本

前後凡七印有文僖公手書唐正觀
中石本六字紹興癸酉夏六月元孫
傑之刻

中山王氏本

列六印亦佳

吳氏本

斯文下有吳璜書印

尤氏本

遂初尚書用楊伯時本刻

劉氏本

字極大無言所刻會字全餘皆不闕

范氏本

脩禊帖用定武墨本重摹入石紹興十六年八月戊申方城范辰辰計

邵武本

後有勲字圓印政和乙未暮秋望重刻定武古本陽羨邵勲記

陸東之本

王氏金石錄云五言蘭亭詩二十四行而蘭亭只類重刻鏡本又有陳和

叔郇國公東坡子由跋

見審定門

潘氏本

在安吉縣第二十及二十一兩行裂失無期於昔人之懷七字

石氏本

石熙明家有二

唐硬黃本

薛紹彭勒唐榻本第十四行僧字上

織本

有察字且有鋒鋸

又清閱堂本後有紹彭二字

松憲雜錄載元宗先天時所有異物

如雷公鎖辟塵犀簪暖金之類凡十

有三西蜀織成蘭亭叙是其一也

殘石本

此得之殘闕之餘仍作二塊前一塊

有悲夫雖殊事一也後之攬文共十字

南嶽本

下有小字云蘇氏太簡後一塊復裂

為二字已漫滅但彷彿先世名玩之

五字可辨

章氏本

一本後有定武仍孫伯傑六字篆印

申公家刻中有橫斷紋有章氏印

盧氏本

斯文下有盧宗道三字印後題唐硬
黃本淳熙乙未中秋刻

徐滋本

在湖州瘦勁而皴剝自十七十八行
內有大裂文

無名本

此本無名氏會字全後有云蘭亭榻
傳刻諸家所收本極多未有及此者

不知誰書

武陵本

在第九卷帖中無僧字

王氏藏本

凡十帙殆百本以定武舊刻為首北
本副之嘗從順伯子友任借觀外有
四軸奇甚見諸公跋

蘭亭考卷十一

蘭亭考卷十二

世昌集

釋禊

風俗通曰周禮女巫掌歲時以祓除疾病禊者

潔也尚書厥民析言人解析也蔡邕曰論

語浴乎沂禊出於此

顏延年曲水詩序周翰注曰鄭國之俗三月上

巳於溱洧兩水之上執蘭招魂祓除不祥

上巳即三日也翰所注引韓詩也李善注
曰女巫掌祓除疾病禊者潔也已者祉也
王融序注

漢書太后春幸蠶館率皇后列侯夫人桑遵灊

水而被除續禮儀志曰三月上巳官民

一作皆禊於東流上自濯洗祓除宿垢為太

潔五行志高后八年三月被霸上師古曰

祓除惡之祭也列傳武帝即位無子平陽

公主求良家女飾置帝被霸上而過焉應

劭注云祓除於水上已禊也又衛皇后傳

帝被灊上孟康曰祓除也於灊水祓除也

師古曰祓音廢禊音系

竹林七賢論王濟諸人嘗至洛水解禊事明日

或問曰昨遊有何語議曰張華善說史漢

裴逸民叙前言往行袞袞可聽世說諸名

士共至洛水戲還樂令廣問王夷甫曰今日戲樂乎

王曰裴僕射善談名理有雅致張茂先論

史漢靡靡可聽我興王安豐
說延陵子房亦起起元著

荆楚歲時記三月三日四民並出水濱為流杯
曲水之取取黍麴菜汁和蜜為餌以厭時
氣

夏仲御別傳曰三月三日洛水公王以下並南
浮橋邊楔仲御時在船中曝藥賈公望之
問船中者為誰重問乃荅曰會稽北海間
民夏仲御

續齊諧記晉武帝問三月曲水何義摯虞曰漢
徐肇以三月初生三女不育以為怪攜之
水濱盥洗因水以泛觴曲水起此束皙曰
摯虞不足知此周公成洛邑因流水泛酒
故逸詩云羽觴隨波秦昭王三日置酒河
曲有金人奉水心劍曰今君制有西夏秦
霸因其處立曲水祠二漢相沿皆為盛集
帝曰善

沈約宋書曰魏已後但用三日不復用已也

紀

曰古用上已
今用三日

歐陽詹魯山令李曾三月三日宴寮友序云唐

今上御宇之九年定三節二月二日曰中

和九月九日曰重陽次取此日之禊飲賜

羣臣大宴登高臨川四方有土之君亦得

宴其寮屬

蕭穎士蓬池禊飲序曰禊逸禮也鄭風有之蓋

取勺萌發達陽景敷照握芳蘭臨清川柔

和蠲潔用微介祉晉氏中朝始參燕昏之

樂江右宋齊又間以文詠風流遂遠鬱為

盛集若夫華林曲水萬乘之降也蘭亭激

湍專城之踐

王勃獻之山亭脩禊序曰永淳二年暮春三月

脩祓禊於獻之山亭今之視昔已非昔日

之驩後之視今豈復今時之會

王維暮春燕道遙谷序曰竊思楚傳嘗詣草堂
之居仰謝右軍忽序蘭亭之事

元稹刺越州所辟皆文士鏡湖秦望之遊月三
日馬詩什盈帙與副使竇鞏酬唱稱蘭亭

絕唱

舊唐書

上巳日於流水上洗濯袪除去宿垢故謂之袪
禊禊者潔也王逸少作蘭亭記云永和九
年歲在癸丑會於山陰之蘭亭脩禊事也

當其羣賢畢集遊目騁懷之際而盛慨係
之乃有一死生為虛誕齊彭殤為妄作之
語議者以此咎羲之之未達也先文康公
晚歲卜居於寶溪之上建觀禊堂於水濱
紹興癸丑與客泛舟脩禊甚樂詎永和癸
丑不知其幾癸丑也因與客相與推算自
永和九年歲甲子一周為晉義熙九年又
一周為宋元徽元年自後梁大通元年隋

閔皇十三年唐永徽四年閔元元年大歷
八年大和七年景福二年周顯德二年
本朝祥符六年熙寧六年皆歲在癸
丑凡七百八十年矣乃作詩以紀其事云
快雨霽亭午暗曦作春妍鄰曲饒勝士共
閑浮棗筵中流愜嘯詠隱浪金壺偏紅艾
初出水捧劍疑來前緬懷蘭亭會七百八
十年可憐右軍癡生死情纏綿由來彭殤

齊顧或謂不然吾黨殆天放下夜就管弦

尺六細腰女舞裊輕回旋且畢今日觀不

斯來者傳葛五方

曲水邀觀處遺芳尚宛然名從右軍出山在古
人前蕪沒成塵迹規模得太賢湖心舟已
茲村步騎仍連賞是文辭會觀同癸丑年
茂林無舊徑脩竹起新煙宛是宗山下仍
依古道邊院開新池勝門古舊畬田荒陔

披蘭築枯池帶墨穿序成慶唱道杯作每
推先空見雲生烟時聞鶴唳天滑苔封石
燈密篠礙飛泉事感人寰變歸懶府版牽
寓時仍覩葉歎逝更臨川野興攀藤坐幽
情枕石眠翫奇聊倚策桑異稍移船草露
猶霑服松風尚入弦山遊稱絕調今古有
多篇經蘭亭故池聯句鮑防嚴維劉全白
朱迪共二十五人具姓名大歷中唱
五十七人元本不
注姓名於聯句下

日晚蘭亭北煙花曲水濱浴池逢婉女採艾值

幽人石壁堪題序沙場好醉神羣公望不

至虛擲此芳辰孟浩然期王
山人不至

卜洛成周地浮杯止已筵鬪雞寒食下走

馬射堂前垂柳金堤合平沙翠幙連不知

王逸少何處會羣賢孟浩然

越中山水高且深興來無處不登臨永和九年

刺海郡暮春三月醉山陰

壺觴須就陶彭澤風俗猶傳晉永和更使輕橈

徐轉去微風落日水橫波皇甫冉三月三日後亭泛舟

洛城春禊元己芳年季倫園裏逸少亭前興中

舉白讌際生元陸離軒蓋淒清管弦萍疎

波盪柳弱風牽未厭觀趣林浮夕煙高球三月

三日宴王明府山亭得煙字

蘭橈萬轉傍汀沙應接雲牽到若耶舊浦滿來

移渡已至揚深處有人家永和春色千年

在曲水鄉心萬里賒君見漁舟時借問前

洲幾路入煙霞劉長卿工已泛舟耶溪

世間禊事風流處鏡裏雲山若畫屏今日會稽

王內史好將賓客醉蘭亭鮑溶上浙東孟中丞或云鮑防

作

洛下今脩禊羣賢勝會稽盛筵陪王鉉通籍盡

金閨波上神仙妓岸傍桃李蹊水嬉如鷺

振歌響雜鶯啼歷覽風光好公洞意思迷

掉歌能儷曲墨客競分題

劉禹錫三日與樂天河南李尹

陪令公浴禊

曲池流水細鱗鱗高會傳觴似洛濱紅粉翠蛾

應不要畫船來往勝於人

東坡禊亭

齊釀如灑漲綠波公詩句句可弦歌流觴

曲水無多目更作新繼永和

東坡和王勝之

風雩三月初三日禊事宜和勝永和又見會稽

王內史蘭亭對酒愛新鷺

對旦上已謝王豐父惠酒

小挑脫萼新梢柔春色無邊破容愁好與永和

脩故事一時人物盡風流

李若水上已

當時俯仰尚為陳千載重來感益新曲水已傷

迷故迹崇山依舊對遊人

許安世

僧言王右軍遺迹永和春蘭亭有曩基墨池涵

漪淪書堂閔靈像五亭餘圓困

吳奎

高士已陳迹青山猶故居地存脩禊水俗有換

鶯書舊像丹青改諸山楷法疎我來尋壞

壁安意有遺餘

趙鼎巨宿
元章寺

記得蘭亭杖屨辰今朝兼是永和春一觴一詠

無詩侶病倚山窗憶故人

王駕永和
縣上巳

危高宗

跨淵淪清宜滌世紛飛湍逢石轉激玉

隔山聞影亂林花落山叢礪草熏茲為禊

飲地何羨右將軍

一派西園曲水聲水邊終日會冠纓幾多

詩筆無停綴不似當年有訂觥

蔣堂景祐
丁丑創曲

水亭
屬同賦

風流定續蘭亭盛幕府能無竇罕賢又云右軍

筆墨空蘭渚安道風流託剡溪

彭汝礪送
程公開

坐想蘭亭通曲水行聞上巳接清明明年強健

陪嘉集定棄三觥賦不成

賀鑄

乾隆甲辰季春重校一過知不足齋記

蘭亭考卷十二

羣公帖跋

逵再拜蘭亭叙議論多所未見

高宗學書說及米元章蘭亭叙樂毅論跋

錄具別紙其他或尚有之未暇冥搜也

澤卿彙次蘭亭考凡方冊所紀卷軸所題亦略

備矣其不可致者 天上書耳祕閣藏唐

人鈎摹并鐘離景伯摹三軸皆有跋語錄

以遺之南城曾漸書於道山堂

喚再拜蘭亭考已徧覽敬服該洽謹此納還
蘭亭帖所共寶澤卿嗜古考粹如此種學之切
可以推矣碧環張從祖

蘭紙入昭陵唐筆各名家世重定武本頗似聚
訟字畫反不逮古何耶澤卿繪粹有條理
可為禊帖忠臣矣林至
長廊睥睨來者誰出門解后渠得知不言使者
求遺書只言浴蘭當及時從容與語益款

浴論科翰墨尤瑰奇山僧投瘡不自禁稍
出脩禊蘭亭詞啓函展玩未及竟褒有黃
紙天庭追口吐氣褫僵欲死一騎趣向咸
陽馳虬鬚天子喜折屐詔許兩禁同觀之
龍騰鳳集在御榻平生觸眼何曾窺自從
蘭紙歸昭陵寶氣夜夜光陸離千年議論
經幾手極力追倣分毫釐博聞強誌子桑
子上下纂輯無或遺清臞不滿六尺長中

有文字無津涯歸君此編忽自笑山東學
究真黠兒而今御史還書癡

澤卿示蘭亭考作蕭翼取蘭亭辭豫章

黃疇若閑禧丁卯臘月六日

還澤卿蘭亭考古括葉時

書法光苕晉永和後來摹寫不勝多考論又得
桑夫子蘭渚風流轉不磨

自從蘭紙昭陵定武流傳賸得名總輯舊聞

為博議即今真贋不難憑

子從事越府脩圖志因裒蘭亭題詠及諸賢所
評禊帖為一編以俟澤卿庶有補蘭亭考

李兼孟達書戊辰元巳前二日

禊序之傳歌詩序跋不知其幾愈出愈新贊揚
不盡澤卿又從而集之後之作者殆未已
朴野強使賦詩仍誦唐人以來佳句本忽
使人代書云水裏有塊石石上有箇寺千

人萬人題只是這箇事印深版之余輒用
其語曰定州一疋石石上幾行字千人萬
人題只是這箇事可以發好事者一笑樓

鑰

澤卿往越欲以所編蘭亭書歸帥黃
公仍見三山舅氏送以二絕

鑰

蘭亭禊序幾臨摹會粹工夫十載餘攜過會稽
尋古跡不妨呈似老尚書

四海詩名陸放翁晚成嘉遯萬緣空馮君問訊
今安否欲向溪頭共釣蓬

澤卿蘭亭考用工深矣攜攻媿大參詩見訪次
韻併呈放翁待制

會稽太守黃由

字入昭陵不可摹後來僅及晉之餘識真盍向
龜堂問敢謂牽聯亦得書

澤卿年七十餘著蘭亭考自中原及渡江諸人

題跋固蒐幾徧甲是乙非真若聚訟讀之
使人腹煩因思此叙蓋歐褚諸公之寫真
耳然 研之極乃通於神如洙泗諸子之
肖仲尼終自弗叛非天寶以後諸人之所
及也嗚呼哀哉 畢栗齊寄示
改王順伯本
天台老樵示蘭亭考坐間矻矻說此書且曰我
幾蘭亭癖矣平生惟一善本為人取去豈
謂寓意於物不留意於物者耶白鹿峯陸

樗

嘉定初元嘉平望道山堂觀蘭亭考歎其贍博
長樂陳舜申宋謨莆田劉渠仲則
溫陵陳模中行四明傅行簡欽父
華亭林至德久建安真德秀景元
金陵何剡楫臣清源雷元剛茂潛
檇李陸坡子高
石更青白故兼新字看由中總是真畢子一生

黃

三百紙樓公四句幾千春從來考古難題
處直到名流下筆親奄有山陰多寶藏草
苔外面更無人廬陵楊長孺

蘭亭考用意勤甚欲人無所不知詎可厭其多
耶先太史字畫多法蘭亭至謂游荊州得
古本蘭亭因悟筆意是殆有言語不可傳
者矣雙雷黃留子耕
字書自蘭亭出上下數千載無復倫擬而足武

石遂為今世大議論衆君此書信足以垂
名矣君事事精習詩尤工其即事云翠添
鄰塹竹紅照屋山花蓋著色畫也葉適

羣公帖跋。

嘉定辛巳冬碩蒙

恩守台行山陰道上壑流巖秀洞心駭目想象
入東諸賢高風逸韻邈乎其不可挹也至郡有
以桑君蘭亭考見示者其稽粹訂證靡有遺恨
豈惟難其識見之該洽暇日開卷往往令人神
遊茂林脩竹之下癸未司廩入越間得一至山
中雖永和陳迹已不復見而高林崇阿正自無
恙矧

思陵所臨禊帖有光燭天倉司郡齊咸有舊刻
嘗經前輩題品俱在考中真足以慰懷古之意
然則是編可謂有切於蘭亭當行於越無可疑
者內相高公曩嘗序其編首令吏部復刪潤之
豈非是編之幸碩得附名其末抑又幸也甲申
季冬十日青社齊碩謹書

右蘭亭考十三卷宋天台桑世昌澤卿所輯
錄也初名博議凡十五卷餘姚高翰翰文虎
爲之序及再刻於浙東庾司高之子似孫爲
削去集字附見兩篇其他率任意翦裁多致
文理斷續乖其本義甚於其父弁言亦妄加
竄改不令成章非俞松續考錄其舊作則彥
升文盡之誦文虎且無以自解矣庾司舊刻
業已節刪過當嗣經馮李翻彫益增脫誤百

餘年來藏書家再從項本報轉傳鈔則別風
淮雨幾無文義可尋又不止承訛踵繆而已
偶得柳大中影宋寫本嘉其行款未移略存
面目聊爾仿行以供清玩所惜未博議
書播之文苑以還桑氏舊觀身似孫登淳熙
甲科在館職時上韓侂生日詩九首皆暗
用錫字為清議所不齒知處州以貪酷聞其
父暮年出銀花帖以示人不孝之名又以昭

著直齋陳氏深惡其人故于似孫著述時加
抨駁且疏其過端於書錄解題以為文人無
行者戒至澤卿是考別具勝情頗稱好事乃
亦以作為無益玩物喪志短之斯則過已或
曰澤卿為陸放翁諸甥書成不就正於舅氏
轉俾宵人任其筆削不智孰甚焉其取議宜
矣愚案文虎之序博議在開禧乙丑今改本
作喜定
戊辰据同時輩仲至題詞則澤卿年已七十餘

矣迨嘉定甲申倉司齊碩始屬似孫彙正重
刊相距又十有九年度澤卿已未必及見放
翁卒於嘉定己巳亦不及為之審定然則廢
博議而令今本獨行於世此固臺使齊公之
責而亦澤卿之不幸也夫
乾隆壬寅九月初二日歛長塘鮑廷博書於
知不足齋

王逸少歿垂二百七十年而所書脩禊敘自人
間復歸御府又迫二百七十年而自昭陵復出
人間後百三十餘年而定武石本始傳於世又
後六十餘年而石歸

天上又後二十年而復失於維揚自是百餘年
間士夫所藏真贋相雜矣惟嘉禾俞壽翁以酷
好精識之故家有此帖數十多渡江以前中山
摹拓之舊因次第其所藏與所見粹為一編以

續桑氏之考抑可謂太清而不浴矣余嘗怪昔
之善書者如漢之蔡中郎唐之顏魯公率為人
忌嫉海之外死而本朝坡谷二公亦流離困躓
於嶺海之外絕藝之足以累人如此彼右軍者
顧乃生都顯名衆所歆慕誓墓辭官卒以樂死
雖與元司馬並世而不與達空函者同科遺墨
流傳復無蘇黃禁痛燔削之禍歷十二朝自天
子至於庶人莫不愛重所遭乃爾絕藝果足以

累人哉然文皇所儲丈二之軸至三千六百紙
而更六百年復古殿中所存終兩行耳今
僂馭上賓五十六載所存兩行又不知其安在
則右軍真跡遂絕於世矣雖他帖之傳尚十百
然皆不得與蘭亭比矧臨摹刻畫大抵失真則
壽翁於此寶藏折衷以示後人亦志據依游之
一助未可以玩物而疵之也披攬再三遂復題
其卷首淳祐壬寅小寒節後五日蜀人李心傳

序

[Faint bleed-through text from the reverse side of the page]

蘭亭續考卷一

柳氏書竹青氈堂宋本

吳山俞

松集

繭紙鼠鬚真蹟不復可見惟定武石本典刑具
在展玩無不滿人意此帖所宜寶也

右紹興癸丑歲

高皇賜鄭謔本有

御筆復古殿書四字下用御書之寶

藏俞松家李秀巖有跋在後

世傳太史歲大雅吟黃庭經樂顏論遺藪任蘭
亭記皆逸少奇蹟而太史歲大雅吟不復
傳黃庭雖有本然殊不類似後世依放而
託之者遺教經又訛缺過半獨樂毅論字
完正精勁絕出此本藏於毘陵高氏云始
得之石城已亡其一角所存三百餘字即
其真也其後或見其石者以為元玉高氏
子弟以火試之今遂破為數段石蓋楚石

堅瑩似玉而畏火予亦嘗見之然物之不
幸有如此者亦可嗟也蘭亭記傳者尤多
行草不一竟未見其正本嘉祐中侍官陳
雷得集賢胡公謹家本觀之與世之傳者
不相類而字勢奇絕此後人所能為然予
不知公謹果何從得之也治平乙巳予歸
毘陵又獲瑯琊模本而字體乃與公謹所
藏悉同其後有永陽守杜符卿題云蘭亭

記自永嘉之亂而止。其石刻今存於定武李氏。李氏初亦不甚秘。而今無能見之者。惟府帥下教或得墨本一二而已。於是予乃知公謹所藏蓋定武李氏本也。杜守真可謂好事者。然其傳模非良工。僅存梗槩而失其精神。遠矣。聊識而藏之。然不知異日果能得李氏正本否。四月壬辰南陽子厚題於山軒南齋。

杜守真云。蘭亭記永嘉亂。亂止其石而張彥遠書斷云。右軍脩禊事時。三十三歲。揮毫製敘。於時寶之。貞觀中入於內府。文皇帝令搨書人趙模、韓道政、馮承素、諸葛貞等四人各搨數本。以賜皇太子。諸王。近臣。後以玉匣盛貯。隨葬於昭陵。然永嘉之亂。乃是惠帝。惠帝蒙塵。辛未歲。至穆帝。永和癸

丑歲相去四十二年。豈非傳之誤耶。
因誌於此。用祛羣惑耳。治平乙巳中
元日。閑閑堂記。

右魯子學本。後歸沈虞卿。

蘭亭樂毅東方先生三帖。皆妙絕。雖摹寫屢傳。
猶有昔人用筆意思。比之遺教。經則有間。
笑。元豐二年上巳日寫。東坡改官本。法帖。

蘭亭叙世間本極多。惟定本者最佳。且有東坡

先生跋證。可為雙寶。張氏與珍藏之。辛未
孟春中休日。質方云。

此蘭亭乃定本也。今亦罕有。賞歎無已。元祐辛
未仲春十八日。田畫揚書思趙滂。

始鄒正言造。赴貶所。其友人告之曰。使君宦京
師。遇寒疾。不汗。五日死矣。獨嶺海之外。能
死人哉。友為誰。田畫是也。蘭亭佳。無說蘇
子瞻。質方。同人所共識。蘇田君求揚趙。又

從可知也。淳祐四年夏至日長樂潘坊。

右一本自東坡而下四跋藏俞松家。

劉郎無物可縈心。沈迷蠹練與斷簡。求新不獲
狂時發自謂下取且謾眼。猗嗟斯人今實
黜。我欲從之官有限。何時大呼劉子前。跪

閱墨皇三復返。

右米元章題劉涇所收唐絹本。

永和九年暮春月內史山陰幽興發。羣賢題詠

無足珍。敘引抽毫取奇。孔好之寫米終不
如神。助留為後世法。二十八行三百字。摸
寫雖多。誰定似昭陵。竟發不知歸。尚有異
形。終可秘。後遠記摸不記。褚要錄班班有
名氏。後生有得。若求高。俗說紛紛。那有是

右米元章題永徽中撫本。

予為兒童侍。先君旁嘗聞與客論蘭亭詩敘。

惟取定武本為最真。予初不悟此說。今老

矣。字書無所成。信知蘭亭詩敘不可以水
墨積習也。此軸迺侍郎王度所文房物。觀
之使人健羨。是尤可珍也。丹陽蔡肇天啓
題。

右李鳳山所藏本

先君所藏定本。脩楔敘變之甚切。今觀此刻。宜
在季孟之間。紹興九年歲次己未春三吳
吳說跋。

右王岐公本藏俞松家

嘗聞之於工部外郎薛伯常曰。蘭亭自唐太宗
刊在玉石。後流落定武民間。世以定本為
貴。伯常尊君道祖。世以米薛名者。待其先
樞密。守定武。別以玉石刊一本。易民間太
宗本以歸薛道祖。長安人也。自此天下以
長安薛家本為貴。道祖又留刊一石在使
宰留刊一石在譙門。計之民間所易者一

石只定武自有三本。然皆經道祖手。元用
太宗祕本。便上石皆善本也。及之與伯常
游數於其家。參之曲折精微。得蘭亭妙處
一間不能逃也。馬道此本真薛家好本也。
然伯常又說玉石本。惟背後有五色蓮花
記者。為負觀時。年此石後來。亦不在長
安薛家。蓋道祖死。其弟尚書嗣昌妻之。宣
和之間。已取歸汴京。龜在

宣和殿上。靖康丁未。燕人載歸沙漠。嗚呼
中國所存者。亦可知矣。馬道妙於翰墨。方
能珍玩之。他人有之。未必能披玩法書如
此也。道祖諱紹彭。其幼子伯常。諱經。紹興
二十八年八月十三日。錢及之中。叟謹書。

右藏俞松家

王羲之蘭亭敘詩真蹟。唐貞觀中。御史蕭翼就
魯誓僧得之。詔內供奉。摹手寫賜功臣。時褚

遂良在定武再撫於石真蹟後入昭陵世
不復見自唐以來所傳惟寶定武本當時
印取已多缺去會字此石宣和間又歸內
府亦不復見矣今古摹刻響榻奚翅數十
百卒非識者眼中物按張彥遠法書要錄
云羲之復書此叙凡三十終不類初以是
知無心之妙亦不自知也能造此理可以
字道偏寓南安觀知白所藏定武真本旅

懋頓解建炎二年五月二十六日宋唐卿
謹識

右本藏越僧處

王性之家蘭亭云是唐人所臨後有建中押尾
建中乃李西臺名也以予觀之落筆結字
皆是西臺法度此帖為西臺所摸者無復
疑焉陳長方齊之書於唯室之東雲巢

右李西臺臨本藏俞松家

翰墨風流冠古今。鸞池誰不賞山陰。此書雖向

昭陵朽刻石猶能直萬金。

紹興十六年歲次丙寅懶拙翁米元暉

在行朝天慶觀東私居書航之北西跋致亦不定武卒桑澤卿考平已載

右藏俞松家

昭陵一入見無從。鐫石猶將贗本供。八法典刑

今在此華山天外立三峯。

不須苦恨厭家雞。自是鹽車後月題。弄筆數行書紙背。莫教人喚庾安西。

此甥此舅。而風流翰墨相傳不誤。投大似曹溪

付衣鉢。臨池他日看銀鈎。

吾友胡少明。密教以王文正家所得

蘭亭敘惠。其甥王立之。定武石刻屢

經牧守私易。此本信非近年撫榻失

真者所能髣髴也。紹興乙卯上元日。

閩人陳長方齊之題於笠澤高舍。

庚申二月復借此本。參訂程光祿滕

康樞密家所得本。此石實與滕氏所藏同出一轍。

柳子厚殷賢戲批書後寄劉連州并示孟崙二童。家有右軍書。每紙背庚翼題云。王會稽六紙。二月三十日。

右三詩三題。竝陳齊之筆。王沂公本。李秀巖有跋。藏俞松家。

平生三見唐人模本。蘭亭敘。一是泗南山杜氏

木刻者。一是周延雋家本。一是蘇中書家。唯蘇氏本冠諸家本。其傳撫不失真處。決非定武石刻所能及。然不善為斲血指汗顏。模書手未免有之。

右陳齊之詩。唐人模本。

定武舊刻。長安薛氏所藏。余政和丁酉歲。倅郡次年移南陽。薛氏子眩以此贈行。建炎己酉。承乏鄉部。遭里中之變。已失。復得錢塘。

吳說傳明題

傳明赴鎮上饒相遇嘉興觀定武舊本蘭亭真
氣凜然紹興中甲子九月十四日雒陽朱
敦儒題

揆家所藏定武禊帖有三最後得此本絕妙戊
申九月三日觀於欣遇東齋沈虞卿題

是歲冬十一月觀揚伯時路分家藏本與此正
同其籤題是薛紹欽手書知此為定武真

刻無疑

沈虞卿再題

蘭亭敘唐世摹本已不復見今但石本爾摹手
刻工各有精麤故等差不同惟是定武者
筆意彷彿尚存士大夫通知貴重皆欲以
所藏者當之而未必皆然觀此本則不容
聲矣紹興辛亥立冬石湖范成大書

余從士大夫家見蘭亭石刻多矣皆辨定武本
雖祕府之藏亦未免雜贗也紹定癸巳脩

禋之月。舟過永興。欣過沈公之孫寺丞。出示家世所寶二軸。望之。知具為真也。此軸本吳傳明得諸薛氏。而博古如九王善書。如朱范同所鑒賞。則又信而有徵矣。近咸士人作蘭亭考。凡數萬言。各流品題。登載略盡。惜無以此軸示之。陵陽李心傳書。

右一本六跋沈伯愚所藏本

唐太宗既獲蘭亭敘。乃命馮承素趙模諸舊貞

之流。鈎模以賜近侍。令褚遂良檢校而董之。今嗜古好奇君子。尚有祕傳。當日賜本。近見一本。已歸御府矣。神物護持。斯為萬世不朽之藏。廣字間石刻。莫可勝紀。悉以定武為最善。此蓋是也。紹興十九年九月十五日。懶拙老人朱元暉書。

宣和之末。復置書序。增博士三員。杜從古。米友仁與競。昨乘見任職事。一日。

太上徽皇各賜蘭亭敘石刻一本其下
御筆書云。康定二年進尚是定州所貢。今
觀是事。政與向來所賜同。今不易得。宜珍
秘之。紹興壬申春二月六日。保大騎首雲
來徐兢題。

定本蘭亭敘。如世奇寶。不惟難得。亦難辨。此蓋
故家所藏。米徐二公好古博雅。與之無疑。
僕因而識焉。幸矣。淳熙辛丑閏月晦日。唐

李度題。

右一本三跋。藏俞松家。

蘭亭禊飲敘草。第右軍法書第一。真墨入昭陵。
虞褚輩所臨。典刑猶在。散落人間。今復數
百年。鉤弔既多。真贗轉雜。濃輒過肥。纖或
病瘦。偏勁露鋒。規媚傷弱。工不勝拙。當時
無復見。古軍大成矣。余每獲蘭亭。隨以入
集。晚游都下。蘭若得本於老書生云。清猷

趙公少年學書定武本。一見驚喜。取較他本。果勝不誣。遂以歷卷。曾直嘗跋蘭亭有云。摹寫或失真。肥瘦亦自成妍。要各以心會其妙處。因題所集曰蘭亭會妙。紹興辛巳元夕後一日。魯長卿書。

右藏魯子平家

蘭亭為書法之祖。南中模放幾數十本。終不若定武者之勝。今觀此軸。刻畫與使墨皆有

佳趣。決知其為定武者也。然較之于所收者。墨色勻重。亦打碑者自有不同得之者。當寶藏。蓋書法盡於此矣。石湖居士書。

右范至能跋

右蘭亭記。曾高任得之諫大夫毛氏。毛氏得之淮陰。非近時習記者也。予見元明跋山谷書云。山谷謫黔。泅峽舟中。日日惟把玩石刻一紙。蓋此記也。故宋咸筆法超絕云。予

聞。五更後早起。更有夜行人。願持此。子
寄聲山谷揚萬里。

右揚誠齋跋曾氏本。

晉人風度不凡。於書亦然。右軍又晉人之龍鳳
也。觀其鋒藏勢逸。如萬兵銜枚。申令素定。
摧堅陷陳。初不勞力。蓋胸中自無滯礙。故
形於外者。乃爾。非但積字可致也。晉梁昭
明以一語不中。廢此敘而不錄。後世以絲

竹管弦為重複之病。至齊梁小兒為妾之
作。則信而不疑。是蓋微瑕棄玉。而以玉表
重珉。唐太宗親傳晉史。備載斯文。豈無意
邪。雖然。翰墨如此。閱千百載。終當輝映乎
海。後之覽者。亦將有感於此。固右軍期望
於士大夫之志也。故吾樂為伴。咸言之。紹
興乙亥九月二十七日。必大書。

朝士喜藏金石刻。且殫見洽聞者。莫如沈虞卿。

允延之王順伯。予每咨問焉。淳熙己酉正月五日必大題。

唐太宗始得脩禊敘。命趙模韓政馮承素諸葛正獨本賜羣臣。而虞世南歐陽詢褚遂良各自臨摹。茲是流傳人間。今

高宗皇帝臨定武石本。則唐摹本亦已矣。皇諸孫臣善鑿好古博雅。得紹興辰奎寶藏之屬臣必大記其後。必大嘗伏

讀

御製

御書翰墨志

近三千言而稱

美。此敘無慮數四。既曰測之益深。擬之益嚴。姿態橫生。莫造其原。又曰得右軍書。手之不置。自束髮喜作字。晚年得趣。又曰。右軍揮毫製敘。用蠶繭紙鼠鬚筆。適媚勁健。絕代更無。凡三百二十四字。有重者。皆具別體之字。二十許無同者。歷代論書遂集大成方。

孝宗皇帝在王邸。詔摹寫為日課。乃知二
聖心畫雖曰天縱亦積字之助也。使義之
復生。將云非恨。陛下無臣法恨。臣無
陛下法爾。嘉泰二年三月三日。少傅觀文
殿大學士致仕益國公臣周必大謹書。

右三跋周益公題

定武本凡流帶右天也字全者皆謂在薛紹
彭之前。然不能知歲月之久近。此誠善本

王順伯謂是熙寧前摹拓於中山者。為可
貴。近見畢少董所藏董氏淳化間本。尤為
精好。自言為兒時親在定武。見青石本帶
右天三字已缺壞。大觀再見之。與舊所見
無異。則也字未必皆紹彭剽損也。更當考
紹彭在中山時歲月云。樓大防跋王伯常本
以薛道祖名紹彭。向之子也。與米元章劉巨濟相
為莫逆之友。不惟人物翰墨相上下。所蓄

法書名畫亦略相埒。今有清閣堂帖。名字
印章瞭然。跋語所謂河東公者也。從孫棣
近以伯父揚州所藏禊敘。問清閣為誰誦
所聞以告之。樓大防。跋清閣居士本

子耕明遠以古帖相易。不肖各有其寶。余有淳
化間本。與此相似。而流帶右天尚全。謂子
耕曰。天下有道立不與易也。明遠姓單。名
丙文。右選之有文者。樓大防。跋黃子耕本

右三跋樓大防題

南朝千載有斯人。指出蘭亭花草春。俯仰之間
已陳跡。至今此帖尚如新。

右揚誠齋題袁起巖本

慶歷中宋景文帥定武。有舉子攜此。在至郡死
於營。妓家樂營走號。何水清者見而識之。
取獻景文。景文喜甚。不敢私有。留於公帑。
世謂之定本。後為薛道祖攜以歸長安。宣

和中有

旨取舊石置

睿思殿嘗以墨本分賜近臣時先君通籍殿中遂得此本間關兵火之餘迄今數十年祕藏不墜豈有物之所護持因書所聞以告來者淳熙二年八月二十三日東平柴已書

送武蘭亭敘凡三本其一李字完本傳為晉永

所摸薛氏別刻本易以歸長安宣和間歸御府前本是也其二字肥有薛道祖別刻畱定武與前本方駕人多誤為舊本非也其三斷字差瘦得於脩城役夫後藏康伯可家舊刻與政陽石彭俱載以北宋元功云嘗從使北聞在中原揚伯時云與薛氏為姻家定武本以五石刻背舒元樂牡丹賦併記之以廣異聞淳熙十三年五月十

三日右北平榮芝題。

右榮次新二跋。桑澤卿考中已載其
間三斷石本。今藏俞松家。李秀巖題
跋在後。

蘭亭皆以定武為貴。其實有三。各不同。始慶歷
中朱景文為帥。得唐石本。匣藏庫中。至元
豐中薛居正為帥。惡摹打聲。乃刻別本。置
譙樓。未幾。其子紹彭又別刻易元石。歸長

安。蓋道祖嗜古工書。臨摹盡善。三本皆出
定武。而宋之所得者。當謂之唐石本。薛氏
父子所刊者。則謂之定武本可也。大觀既
訖。詔取元易石本。命龔道宣和殿。靖康時。岐陽
石鼓共載。以北南渡。以未舊物多不存。後
人所在摹刻。不知幾本。觀之者有肥瘦。劉
損取沈之說。紛紛不一。皆未足為證。多取
他本較出自然。萬萬不侔。余亦嘗以後凡

所見參攷。兼見楊槃齋所藏薛道祖籤題本。與此無纖毫異。故知此本為定武者。無疑。淳熙丁未仲冬後一日。山陰王明清題。

右玉照王仲言所題本

定武蘭亭敘。熙寧中薛師正為帥。其子紹彭竊歸洛陽。斲損湍流帶右天數字。以惑人。宣和間歸。

御府。建炎初宗澤送之維揚。敵騎焚維揚。

方不知所在。此本未斲損。乃舊日定武所拓。尤可貴重。黃太史謂肥不剩肉。瘦不露骨。謂此帖也。臨川王厚之跋。

前輩論定武蘭亭石本。風流秀潤。骨肉相稱。視其筆意。右軍清真氣韻。冠朕一代。猶可想見。今觀此帖。寧不信然。已未中冬。武夷詹體仁。

永和歲矣。且羣賢會蘭亭。流觴各賦詩。風流見

丹青。古軍草檄敘文采。祭日星。選文乃見。
遺至今。恨昭明字畫最得意。自言勝平生。
七傳至永師。襲藏過金籙。辨才尤祕重。名
已徹天庭。屢詔不肯獻。託言隨戎兵。妙選
蕭御史。微服山陰行。譎詭盡萬狀。徑取歸
神京。辨才恍如失。何異救六丁。文皇好已
甚。丁寧殉昭陵。當時馮趙輩。臨寫賜公卿。
惟此定武本。謂出歐率。更採擇獨稱善。遂

以鐫瑤瓊。流傳迨五季。皆在御寢局。那律
殘石晉。睥睨不知名。意必希世寶。甌裏載
輜輶。帝死既北去。棄與朽壤并。久乃過知
者。金龍置太守廳。或云政宣間。此石歸紹彭。
又言入

內府。宣取恐違。程焚膏繼短晷。拓本手不
停。疊紙至三四。肥瘠遂異形。南渡愈難見
得者。輒相矜。我見十數本。對之心欲醒。汪

侯端明子嗜古自弱齡錦囊荷傾倒快觀
喜失驚帶流及古天往往字不成而此獨
全好護持如有靈尤王號博雅異論誰與
評硬黃極摹寫唐人若無稱鷹本滿東南
瑣瑣不足呈猶有婺與撫砥近橫珩右
軍再三作已覓不稱情心摹且手追安能
效筆精響攝固近似形似神不清不如參
其意到手隨縱橫況我筆素拙何繇望羣

英近亦得舊物庶幾窺典刑此本更高勝
著語安敢輕孤風邈難繼悵望冥鴻征及
愧題汪季路本

悵望當時真蹟臨摹所在支分千載但稱合作
誰能有感斯文

定本為世第一此又在定武前今日錦標玉軸
向未不直一錢

及愧題袁起巖本

東游登會稽祇見蘭亭不見碑北過中山府欲

訪此碑不知處。闕從故家看墨本。如此二者絕難遇。曾經并律氈裏去。至今邊塞猶知慕。時將一二餽北使。持歸往往快先覩。未知玉石真在否。要比江南終近古。他日縛取呼韓作。編戶勒銘歸來過。定武只問君王乞。此碑打向人間莫論數。及愧題羅春伯本

世好古所藏定本。略與李路者相

余三為蘭亭作詩。姚江施令尹家

似披玩不已。欣然為題。其後四明

樓鑰

慶元戊午詹阜民子南趙師夏致道與武子以是日脩故事於此地。武子出示同觀相望八百四十有六年矣。懷想風流為之慨然。觀蘭亭當如禪宗勘辨入門便了。若待渠開口堪作什麼識者。一開卷已見猜麻或者推未點畫。參以耳鑑。臨俗人則可但恐王內

史不肖爾余平生見佳本亦多然如武子
所藏不過三四真可寶也慶元庚申重九
日笠澤陸游書

昔人陳讜正仲借觀於越上齋寔是本真定武
二三百年前本也宜珍藏之嘉泰元年八

月初八日

嘉泰元年八月上休日南豐曾喚茂昭觀於越
之棣華堂

帝叔度徐淵子同觀於西湖張園壬戌四月廿

四日是日微風小雨

嘉泰壬戌冬至後五日林成季周南朱厚趙汝
諱朱元紘滕成別盱胎施武子於虎丘同
觀書畫武子弟寅宏

往見定武蘭亭後有畢少董所題與此正同真
奇物也甲子七月二十有三日開中張嗣
古敏則

曩年沈揆虞卿蓄蘭亭敘刻凡百餘本予嘗見之要各有所長而以定武刻為冠予問沈何以別其為定武本沈以斲損流帶右天字為驗今觀王順伯跋云本斲損前本尤可貴重則是沈之前說尚未盡也以是知見聞不可不博開禧丁卯正月望題倪正甫

李真真德秀任希夷同觀嘉定癸酉中冬二十

五日玻瓈泉上題

定武禊敘有三曰肥曰瘦曰五字損本予皆舊藏焉今又得此肥本於施武子因以識之嘉定戊寅重九日古汴向水若冰甫

右不損本自王順伯而下十三跋藏

俞松家

鄱陽洪景盧

深溪尤延之

東平范東叔

柘倉梁昭遠

三山黃彝卿

毋丘謝子長

延平鄧千里

長樂黃邕父

雲川倪正甫

淳熙丁未夏孟六日觀於羣玉亭

書省印

括蒼王誠之將命出使三館之士餞於史退傅

北園攜李沈虞卿出此書示坐客同觀者

凡十四人鄱陽洪景盧邁

錫山尤袤延之

三山高子雲景雲

無諸黃倫彝卿

山陰莫叔光仲謙

蜀范仲藝東卿

括蒼王信誠之

延平鄧千里

濟陽李猷猷之

長樂黃唐邕父

渠江王叔簡敬父

吳興倪思正甫

臨江羅點春伯

右一卒兩經題名藏俞松家木子秀巖

題跋在後

上卽大位之初揆以國子祭酒召八都越旬日
被命使燕過定武得此本然非舊日刻也顧
脩程萬里犯暑馳驅而歸橐有此亦可喜
也後三年來守吳門遂以頃歲所得別本
裝為一卷北望故都回思經行之地撫卷
慨然因書於卷後紹熙壬子仲冬四日揆
題

右蘭亭脩禊敘劉餗嘉話云蘭亭敘梁亂出在

外陳天嘉中僧智永得之隋平陳或以獻
晉王卽煬帝也僧知果借搨不還後果死
歸弟子辨才唐太宗為秦王時見搨本喜
甚使王陽詢求之以武德二年入秦王府
正觀中搨十本賜近臣世言遺蕭翼詭計
取之者妄也後遂入昭陵溫韜發唐諸陵
蘭亭復出人間世所傳撫刻本極多而獨
賁定武本者自山谷始一所謂彷彿存古

筆意者是已此刻是定武舊本慶歷中韓
魏公守定武有李元者得此刻魏公力
求之迺埋石土中刻別本以獻李死其子
稍稍募以售人宋景文為帥令人盪水清
得之以獻于京子京愛而不敢有留於公
帑元豐中薛師正樞密為帥攜石去其子
紹彭道祖刻別本在郡大觀中次子嗣昌
始納之

御府金龜於宣和殿後與汝陽石鼓俱載以
北或云道祖於定武舊本刻去流帶在
天五字以惑人或云道祖刻本刻去此
五字未知孰是尤疑之云此舊本蓋道祖
未刻去之前摹拓者尤可愛重也定之平
生所見楔帖不一其言當可信攜去子沈揆
題

右二本沈虞卿題

歐公所得蘭亭凡三本一得於王沂公家此本
是也後為太學正時同舍生章禎為余得
之其族人家今二十有一年矣撫卷感慨
豈惟山陰勝游成陳迹而已哉紹興癸丑
正月十日書於姑蘇郡齋

右藏俞松家李季為巖題跋在後

唐碑黃紙雙鉤蘭亭敘字皆率意為之咸有褚
法必馮承素之流所獨傳本無復可察此

書當下真蹟一等非知書者未易道也昔
南宮米舍人芾元章書史有云樂毅論天
下正書第一蘭亭敘行書第一也縫有羊
書印乃米氏寶晉書印後有忠孝之家印
卽吳越錢氏印及有趙景道進德齋印蓋
已經名公鉅卿賞鑒矣乾道二年中元前
一日獲於錢塘故人杜可升升之因手裝
於行在祥符寺張堯臣跋

信以傳信疑以傳疑事物皆然而字畫為尤甚
世之法書亘古窮今王逸少為稱首永以
為訓不可復加然精麻真偽在當時在後
世或猶有疑者逸少嘗作意書表上穆帝
帝使張翼擇紙色長短相類者臨寫而題
後答之初亦不覺詳視乃歎曰小兒亂真
迺爾耶在當時已自疑如此唐初去永和
猶未遠相傳以敘草為遺疑之冠太宗寢

寐求之以王氏家傳在吳孫智永弟子辨
才處用房元齡計得之及攷紀聞所載乃
云元草為隋末時五羊一僧所藏誓與死
守太宗以威驅勢脅而又得之二說不同
則此敘真疑又有可疑如此自運殉之後
獲見硬黃響榻者且為欣幸迨於明皇始
刊之於字士院洎顯宗朝又刊於翰林待
詔所啟二石一乃懷仁所臨前瘦而後肥

一乃王承規模刻豐敦得所轉摺精神至
石晉時耶律鞏藏北去遺是石於敦虎林
遂號為定武本亦不知其為學士院本耶
或待詔所奉也後汴京書坊亦刊一在咄
咄逼近而摹思差劣識者謂之贗本時人
鮮克致登而墨本茲焉可疑宜此初薛紹
彭易定武石歸藏於家敲刷過多駸駸剝
裂上之天府更以他石所鑄其致疑滋甚

二百年間博雅君子家摹而戶刻之無非
根苗於定武本其庸工者駸乎無以議為
而精緻者得其十六七互相訛訾而收藏
者為疑又將如何自非得之之正傳之之
的雖明譽秋毫欲法其近似之惑亦忍乎
其難哉雙槐仙祖政和間為博士日得是
本於定守之故家攜歸祕篋示為子孫於
式淳熙中闖入伯父位處護惟謹近為嚮

碑者所得不期而過若有神明呵禁之為
者价驚喜之餘亟以倍價復歸較之所集
蘭畹數十卒何啻驟珠之與魚目瑜瑾之
與砥礪筆勢自然精微道勁玩味不能釋
手信乎具為王承規舊本也因驗諸易得
卦之睽象曰上火下澤睽君子以同而異
蓋始焉同於槐堂而中也異於闔折初九
曰悔亡勿追自復蓋幾為帶碑負之而走

幸終歸於我上九乃曰羣疑也蓋家傳
之可信而絕無所謂數者之疑吁合極而
睽睽極而合至理所在非偶然者謹薰沐
裝軸永為青氈之藏抑當思其信以守器
之誼則其傳斯無忝爾嘉定己巳中秋鄭
价裕齋誌

右二本二跋鄭雙槐本藏俞松家

蘭亭博議子友桑君澤卿所輯也予挈故書入

山陰結廬茂林脩竹間訪問王謝諸人遺
蹟但見登流巖秀雲物興蔚而已既而於
屋東得鄰土地數畝益藝卉竹治堂觀又
有以汪龍溪家所藏禊圖見遺者乃揭之
屋壁間又有舊藏定武石刻亦設諸几席
日與兒輩來游觀圖玩字如與王謝諸人
相接一日澤卿忽攜博議見過予驚且歎
曰此越故事也吾曹不能為之而澤卿所

編其勤且篤而又精贍費事如此余每謂
右軍召為侍中尚書皆不拜又擢護軍將
軍仍不就至於兒娶女嫁便有尚子平之
意縷縷書辭間其識字度量似非江左諸
傳所可及天若有晉使昌於事業當不在
司徒叔大傅公之下而論者僅推其研精
篆素畫善畫美而已吁是何其不知右軍
者耶繭紙一帖辨者多矣自有確論固不

復云獨愛我澤卿續燈詩書之系音旨大
雅之傳凡所考訪一一詳的直有括囊流
略苞學藝文編該湘素殫極丘墳之意因
以此敘博議且以策兒曹之荀簡鮮工云
開禧元年十二月望日四明高文虎書

右藏揚叔憲家

嘉泰壬戌十二月因與鄰人湯升伯過童道人
許見此楔帖知是烏臺盧提點者所藏定

武舊刻後數日雪後更欲雪上車寒凜因
詣童買得之白石道人姜堯章書

廿餘年習蘭亭皆無入處今夕鏡下觀之頗有
所悟漫書於此癸亥三月十二日白石

天下能事無有極其至者袁昂謂右軍之字勢
雄強龍跳天門虎臥鳳闕歷代寶之永以
為訓然右軍在時師法平南王廙又衛夫
人書大雅吟賜子敬右軍亦嘗臨學同時

有荀爽字長倩寫隸骨帖右軍自謂不及也大抵右軍書成而漢魏西晉之法盡廢右軍固新奇可喜而古法之廢實自右軍始亦可恨也今官帖中有張芝草草帖皇象文武帖鐘繇宣示帖王世將虞上表二首其筆高絕具存古意而宣示帖乃右軍所臨不失鐘法也右軍之前既多名書在軍同時又有世將李衛長倩王洽謝安

均諸人皆妙於此故蘭亭不見稱於晉而至隋唐始顯爾矣亥六月九日白石書是日天乃大熱

右一本姜堯章三次題跋藏俞松家
木子秀巖有跋在後

蘭亭出於唐諸名手所臨因應不同然其下筆皆有畦町可尋惟定武本鋒藏畫勁筆端巧妙處終身效之而不能得其彷彿世謂

此本乃歐陽率更所臨予謂不然歐書莫
一而律能如此八面變化也此本必是
真蹟上摹出無疑字右軍書者至蘭亭止
矣今世所傳右本刻一角者皆定武所自
出也然其工拙妍媸如人面之不同覽者
自當具眼可爾又定武一石前輩紛紛各
有異論既自具眼必知所擇定不向人言
下轉也此卷有山谷題字山谷之言云爾

乃知當時真贗混故久矣山谷之孫字子
適今為農丞過予見後題欲乞去予不忍
與以為去此題則蘭亭廢矣周翰者文及
甫之字多見其名於書帖後雅尚如許亦
足以贖粉昆之疵矣嘉泰壬戌十有二月
白石道人姜夔堯章書

右蕭千巖所藏本

余幼侍先君見薛氏子為先君道定武脩禊敘

刻頗詳薛之伯祖師政嘗帥定譜初得此
刻於定之殺虎林後置邸辟歲月久矣薛
至定士大夫乞墨本者狎至薛惡摹打有
聲自刊別本畱譙樓下多持此以授覓者
蓋先後已二刻居亡何薛之子紹彭私又
摹刻易元殺虎林本以歸自是定武所藏
殆薛父子所重刻二本爾此非舊物也然
好事者究源流次第真贋各據所聞以定

勝香年未有刻本之說謂薛所得殺虎林
本欲以自別乃取湍流帶石天止字各刻
一二筆私以為記又有兼況之說謂定武
者於仰字如針眼殊字如蟹瓜列字如丁
形紛紛之論莫知孰是然予獨信者薛蓋
其家親見而身歷之豈今所謂定武本者
或出於薛氏父子所重刊者耶抑所挾歸
者中更多故得又轉而之他也今觀順伯

所藏余亦未敢遽以薛語刻本取況之說
為證然在等輩實稱第一余雖隨羣嗜此
所蓄益未敢信是夫以右軍卒生得意書
一字一筆皆足以心會而神過要不必苦
較計毫釐疑似之間予自此更當訪佳本
以求正於順伯云袁起巖題王順伯少卿本
頃歲有薛氏子為先君道其族伯紹彭定武蘭
亭帖三本始王詒與前輩略同去春予跋

王順伯定武本嘗及之矣蘭亭帖距今歲
月滋久本既弗一好事者說亦紛異然物
之珍謬雖相去毫釐吾以一具眼目少加
訂正便可盡見如順伯與今李路所藏一
見知為至寶物也以肥瘦別定本先後本
亦是要論余留都下九年士大夫家所有
幸數見之往往筆瘦而刻畫大明者甚多
校之肥本自永和九年而下只此一行具

運筆自然氣象渾厚已不可及其間如會
有威流弦暢清可浪猶齊攬數字相去尤
不勝天淵他皆如此又肥本字畫之旁石
紋自然波動如輕烟籠拭未去之狀
俗語謂之粉紋此尤不可為為前歲見范
元卿所藏渠卻未深信肥本固各有見
也尤延之領襄博雅定武在卒偏未得刮
目嘗見沈虞卿之本似不減順伯李路者

余雖隨羣嗜此而所儲未確僅有一二可
以備遺然必求有以頡頏於尤沈王汪之
門可也袁起巖題汪李路本

富沙袁說友敬誦蘇富諸鉅公題跋注想典刑
如生乎其時也輒冒不韙書歲月於下方
袁起巖題唐人臨本

永和九年暮春日蘭亭脩禊羣賢集會毫欲下
意已先媚日暄風佐搖筆當時一筆三百

字但說斯文感今者誰知已作尤物看流
落人間天上得天高地遠闕不示僅許一
二翻摹勒忽然飛上白雲俱往入昭陵陪
玉骨識真之士已絕少真者一去歎難覓
紛紛好事眼空眩只肥殘碑慕真蹟蕭郎
喪去明真廟定武傳未方甲乙如丁如瓜
辨形似不豐不露分肥瘠人凶無復見風
梳謾費精神疲得失臨川先生天下士古

貌古心成古癖搜奇日富老不厭如渴欲
飲飢欲食牙籤軸不止三萬集古已多矣
卷帙有時瞥眼道旁見倒屣迎之如不及
平生著意在軍處效蓄兼收一何力賞音
本在筆墨外何必此優而彼劣清波萬頃
渾一點明月一輪雲半入是中元不礙真
趣氣象典刑尤歷歷知我罪我春秋子政
爾未容言語直我方隨羣厚具嗜門戶弗

強才僅立幾年真搜政無那刺欲流涎分
羊席闕公善本三四五不覺長歌書卷側
義之死矣空費公家九萬戕安得斯人寫

金石

右三跋一詩表起巖題內所題王順
伯詩本藏俞松家李季巖有跋在後
予嘗觀歐陽文忠公題是書是知真本已葬照
陵唐末之亂昭陵為濕齏所發其所藏書

畫皆剔取金玉而委棄之於是魏晉以來
諸賢墨跡復流落於人間我家

太宗皇帝購募所得集為十卷俾撰傳之
特以分賜近臣今公御家所有淳化法帖
是也獨蘭亭真本亡矣自唐以來傳本雖
多皆以所藏舊本轉相摸傳失真彌甚而
皆不同間或得其一二爾此本光朝頃得
之於表兄羅山宰王敬子蓋其奉使北庭

歸以為贈藏之踰三十年矣嘗以諸本校其優劣獨此為冠今所謂定武本者是也故特寶之以為楷式因知傳刻者尚爾造妙想其真蹟宜如何哉嘉定十六年歲在癸未六月望日樂靜居士永成劉光朝明遠跋

右藏俞松家

契帖過唐乃有湯普徹趙摸韓道政馮承素榻

本皆不如永禪師褚河南所臨惟柳誠懸自用柳法作大字雋奇特是今工部公要書生氣凜凜儼然魯公柳莫及也公在

高宗臺閣

孝宗省曹名節論議辭猷典刑皆足以標準

兩朝儀刑諸老而一本諸學晚未東臺訪舊事風流聲未猶被晉人士清哉孫踐世

官并遺像清白雅亮扶扶袒風顧瞻棠陰
遺越以琰一香世世如彼渚蘭乃若稟上
袒以來書道可自義猷二十八人直可陋視
方慶嘉定十二年八月日高似孫書

右高疎寮題喻工部携所寫禊敘

之茂為兒童時侍先祖龍舒府君常見几間卷
舒蘭亭會妙喜動顏色抱之茂於膝上持
示且曰此王右軍蘭亭脩禊敘草也筆意

精妙於時寶之劉隸蘭亭嘉話云蘭亭敘
自梁亂出在外陳天嘉中僧智永借得之
隋平陳或以獻諸晉王即煬帝也僧智果
借弱不還後果死歸弟子辨才唐太宗為
秦王時見模本喜甚使歐陽詢求之武德
二年入秦王府正觀中搨十本賜近臣世
言蕭翼取者妄也後遂入昭陵溫韜之亂
發唐諸陵蘭亭復出人間世所傳搨刻本

極多而今獨以定武為貴者自山谷始所
謂彷彿存古人筆意者是也慶歷中韓魏
公守定武有李字完者得此刻魏公力求
之迺埋石上中別刻本以歠李死其子稍
稍摹以售人宋景文為帥伶人盂水清得
之以歠子京子京愛而不敢有也畱於公
帑元豐中薛師正為帥攜石去其子紹彭
道祖刻別本在郡大觀中次子嗣昌始納

之

御府金龜於宣和殿後與岐陽石鼓俱載以
北或云道祖別刻本刻去湍流帶石天九
字又云刻去者別本也今此數刻字皆全
又云此皆未刻去之前模本也傳刻既多
工有巧拙自各存其妙然真蹟已千百年
不可復見矣故題之曰蘭亭舊妙之茂痛
念先祖誨言時已七十年矣遺墨如新不

覺感愴墮泪遂書於後

右聖耶魯伯秀跋家藏本

孫叔詣參政以所被賜本刻石會稽而薛嗣

昌所得長安崔氏本亦刻在浙東倉司

柳公權楷書撰敘改天朗為天融不知何意

右二說秀巖李先生筆記

蘭亭續考卷一

蘭亭續考卷二

吳山命

松集

魯氏此帖藏之百年而壽翁表出之非篤好何

以至此後山陰脩禊之少百六十有九年

中冬月上朔日蜀人李子心傳觀

淳祐初年
題晉書

本所藏

董承旨者名誠劉信叔子塔也劉氏世為貴將

則此帖繇來可考矣錢去五字所傳亦不

同昔石軍既書此文是自愛賞更書之無

能及者則謂蘭亭不見稱於晉恐未為確
論也摩挲墨本尚爾況其真蹟耶淳祐辛
丑歲十有一月庚子哉生霸越六日乙巳
秀巖老人木子心傳題 姜克章所藏本

詔定之李歲予罷史職歸巖居春三月過御溪
沈虞卿侍郎之孫提舉君以家藏禊帖以
余求識其後秋九月過梁溪尤伯晦仲晦
方里君邀予與蔣良貴共飯日加巳巳速

客席間設大几錦標玉軸堆積其上余雅
聞遂初圖書之富也亟起觀之則多元之
鉅儒所嘗鑒賞者良貴拔其尤者譜予各
題數語觴每行趣輒更一二軸遲明飲散
予遽解舟今不憶所題若干与亦不憶有
無禊帖在其間也淳祐初年小寒節前且
日俞壽翁走价以此帖示余實沈貳卿於
羣玉齋史園兩嘗出似坐客者而尤公遺

遺在焉其為定武真帖不疑矣前後同觀者十有六人大抵二熙名士其間蓋有出處與隆替對者自是在軍輩人物書翰其一也後之覽者又當有感於斯文陵陽太子心傳書洪內相所題本

俞壽翁寄似禊帖四比白定本也但筆蹟微有肥瘦之不同爾聞諸前輩謂此在將歸天上好事者疊紙以拓之紙在上者字微

瘦理宜爾也此帖差瘦勁余一見之便覺與沈貳卿家本相類視壽翁所評亦然因識其後淳祐元年冬十有一月己巳研溪李心傳劉明達所藏本

此帖嘗經

思陵賞識無復可議况後有驪珠三十六耶

思陵本數黃書後以偽豫造能黃書者為

間段從右軍而紹興之初筆勢已如此乃
與戒石銘字體頗異殆天縱也鄭謐寺人
中之庶幾能詩者

上雖以此帖畀之未幾屬韃之除復以其
交通士大夫而止蓋畏公議如此後百有
十年承議郎臣俞松以示前史官臣李心
傳因憶傳舊聞鑿識其後高皇賜鄭謐本

此卷不知何人所作觀其意象殆二人初相見

時也或謂當作老僧蒼皇頰印口呿而不
能合之狀迺為真天蘭亭爾昔政和畫字
以午陰多處聽潺湲後命題衆皆作清流激
湍而聽者坐其側最後納卷者獨為藤蔓
膠鞞樹影正中而有人屬耳於崩崖亂石
之間

上攬之以為真聽潺湲者遂除畫字錄然
則摹寫之工固不在乎泥其蹟毋亦對談

之頃而蘭亭已蒸吾度中耶壽翁試許之
淳祐二年春正月甲午雪瀆病叟書
蕭翼取蘭亭圖

余嘗許壽翁四禊帖以瘦本為勝後見周益公
之說亦然壽翁復以二帖示余亦瘦本也
沂公作相時定武石似未刻豈其子孫所
藏耶淳祐壬寅歲雨水節雪瀆病叟李心
傳書

文正公所藏本

余既題此帖後五旬有一日壽翁復以示余反
復觀之真善本也以集古錄考之當嘉祐
中定武民間石刻已出但宋八公一解爾然
世傳薛詒彭易之以歸長安後其弟嗣昌
獻諸
朝今觀嗣昌大觀初題識乃以為得長安
崔氏所藏真蹟而刻之則又非定本也蓋
薛本幸存於靖康北狩之日而後逸於建

炎南渡之時自是絕跡矣今壽翁訪求至
十數帖而未已其殆有蘭亭癖邪心傳嗣
書再題沈文正公前本

集古錄所收蘭亭四刻王沂公家本纔居一爾
而沈陳二跋咸稱焉或疑其有一誤然沂
公家自有石則摹傳豈不止此但渡江之
後所存絕少滋為可愛爾虞卿鑒賞是精
茲壽翁所以為據也歐公錄沂而舍定政

謂其纖毫無異不必並列爾非有所輕重
也淳祐壬寅歲清明後五日蜀人李子心傳
觀歐陽文忠公所藏本

此帖信美矣唯空以為王沂公家本蓋有所授
第併指定武石刻則似未深考耳歐陽公
既敘沂本而繼之云又有別本在定州民
家二本各自有石較其本纖毫無異故不
復錄然則二本皆佳也矣必以定本為貴

哉唯室紹興名士也余嘗得其步里客談
一編今又見其三詩風流可想矣淳祐壬
寅歲季春之四日雪溪病叟書 上沂公奉

德壽臨蘭亭世所藏者不一而垂針蟹瓜之體

各具真

宸筆也但摹刻者視真蹟為稍腴耳嘗聞
普安恩平宗藩竝立之時

上各賜以所臨蘭亭而批其後云依此進

五百本其後

重華書七百本上之而恩平訖無所進蓋
愍怠之分天命之所以去留也書帖云子

或淳祐二年侑禊日承議 臣 松以真蹟

示臣心傳龔題其後 高皇御書臨寫本

壽翁以三禊帖示余其不用青社志臣曾孫之

印蓋曾威愍家所藏也威愍建炎初帥京

東死國難余聞定刻以瘦本為貴而此者

帖特秀潤昔歐陽文忠公評李陽冰忘蹄
臺等詠碑謂三石皆活歲久漸生刻處欲
合故多瘦細時有數字筆畫偉勁者乃真
蹟也然則此帖殆亦活石所刻但摹手打有
先後故潤瘦不同耶及復視之滋為可愛
其他亦不足較也淳祐壬寅歲北至日亦為
巖木子心傳審定曾公序所藏賜本公序為
京東酬之死難也博士錢
榮諡曰剛愨
諱之乃成日威 孰政

論漢魏以後法書東晉為第一就晉人論之右

軍又為第一右軍遺墨流傳至

國初者尚數十紙而蘭亭臨本特為士大

夫所稱余嘗見寺翁所藏蘭亭石刻凡十

餘而此最後出蓋曾魯公家故物也定卒

始見集古錄中後六十年乃歸

御府魯公所藏豈其居揆席時與歐陽公

俱得之耶或謂右軍風流人物與謝太傅

自是輩流不應專以筆札之工為貴余謂
有如此人作如此字乃所以為第一宜壽
翁之寶藏而無數矣淳祐橫艾攝提格日
月幾望雲瀆病叟李心傳書曾魯公
所藏本
定刻得薛氏父子而顯觀道祖圖帖殊可寶愛
畫心誠求之之故蘭亭自以渠筆臨耶如
未能然匠意注營終不近爾帖藏下山已
久今乃入於御溪歐陽公諸物常聚於所

好者是也淳祐二年孟秋九日雲瀆病叟
李心傳題薛脩撰道祖臨寫本

此榮氏賜本真定刻也但次新語處歷中宋景
文帥定武得此石置於公第則小誤景文
鎮中山在皇祐中景碑可考是炎初宗元
帥守汴都得此刻致之維揚
行在渡江時失之自是絕跡余嘗讀洪承
相隸釋云碑刻不必閱所從但以書之工

拙為斷此帖既佳而其未復有自非壽翁
篤好之未易致也淳祐二年八月端午雲
瀆病叟李心傳書葉次新所

王順伯好古博雅在二熙間為第一所藏諸禊
帖尤遂初極稱之袁起巖賦茲其一也
賞音本在筆墨外何必此優而彼劣其然
耶其未必然耶壽翁試評之淳祐壬寅歲
秋八月哉生明雲瀆病叟李心傳書袁起巖賦

長篇題王順伯所藏本

壽翁以此軸示余石既中斷故缺十六字字亦
疲勁繁次新所譜第三本也康生翔南徧
歷至乾道間尚存此帖未如何時歸下山
今又易主蓋余行四方所見者滋為可
貴也淳祐次年龍集攝提格是元中月皇
極之日雲瀆病叟題葉石林所藏定武斷石本
王右丞所畫蘭亭小圖

祐陵標題仍書何處之所作記於後逮今
百三十三年矣定自火龍騎日以來
天上圖書散落人間不知其幾其至江左
者僅毫芒耳臣松得之以示臣龔攬流涕
記中數字殆是筆誤讀名以意屬焉可也
玉圖已經睿鑒故不復論淳祐三年白露
節日前史官臣李心傳謹記徽皇御題王
維蘭亭圖又御書何處之蘭亭記

秘府藏

祐陵書百餘軸臣三八承明備見之矣大
抵政宣間所賜臣下親筆也紹興日麻載
高廟聖語云近有進
先帝御札者宸翰小璽皆久偽為之時渡
江未久也而偽本已出矣何耶淳祐癸卯
二月幾望臣松以怡示臣龔攬再三筆勢
似與秘府所藏稍異因憶蔡條史補政和

初寧臣言近降御筆有不類

上書者

上曰此得一工製筆其管如玉而鋒長幾
二寸是以用之作字軟美乃知崇觀政宣
筆法固已不類此帖殆定觀間所作也帖
中領悟倦三字成從右軍之舊不復整正
蓋自未臨摹之卒如此惟繁字特有所避
故與諸本不同云前史官臣李心傳龍宴書

徽皇御書臨寫緝本

蘭亭續考卷二

蘭亭續考前一卷其間有松所藏本
與他人所藏者合為一卷後一卷皆
松所藏嘗錄

秀巖季先生品題命工錢欣以昭同
志淳祐甲辰中秋日書於景歐堂
余先得蘭亭考十三卷錄之久矣今

得續考二卷係宋刻大字本與前本
不同今照前書式寫過合
不相失幸美嘉靖庚寅安

正德間吳人柳大中嘗藏書萬卷
特以鈔本留於嗜古齋此冊亦出諸
柳氏云係宋刻大字本獨之又有蔡
澤卿蘭亭考十二卷藏於家今大中
也矣所藏皆散去余偶得之華少岳

忽病瘧不能執筆乃命病兒手搦以
供老境清玩復綴數語末簡云
嘉靖乙卯抄秋廿二日句吳茶夢敬
人姚登時年六十有一

乾隆甲辰季春重校一過知不齋記

Small, faint vertical text, likely bleed-through from the reverse side of the page.



